

اویغورلار

مولّف: ابوالفضل رجبلى



حاضر لايان: محبوبه هريسچيان

تصحيح و اتك يازيلار: حسن اوموداوغلو

ابوالفضل رجب‌لی

حاضیر لایان: محبوبه هریس‌چیان
تصحیح و اتک یازی‌لار: حسن اوموداوغلو

سر شناسه	: رجبلی، ابوالفضل
عنوان و پدیدآور	: اویغورلار/ مولف ابوالفضل رجبلی؛ حاضر لایان محبوبه هریسچیان؛ رئداکته و اتکایازیلار حسن اوموداوغلو.
مشخصات نشر	: تبریز: اختر، ۱۳۹۳.
مشخصات ظاهری	: ۱۲۰ص.
شابک	: ۵-۵۰۴-۵۱۷-۹۶۴-۹۷۸
وضعیت فهرست نویسی	: فیپا
یادداشت	: ترکی
موضوع	: اویغورها — تاریخ
شناسه افزوده	: هریسچیان، محبوبه، ۱۳۱۸ -
شناسه افزوده	: اوموداوغلو، حسن
رده بندی کنگره	: ۱۳۹۳ الف ۳/۳۱/۳ DSRV
رده بندی دیویی	: ۹۵۱/۰۱
شماره کتابخانه ملی	: ۳۵۷۲۷۵۴



اویغورلار

مولف: ابوالفضل رجبلی

حاضر لایان: محبوبه هریسچیان

تصحیح و اتکایازیلار: حسن اوموداوغلو

چاپ اول ۱۳۹۳ ۱۲۰ صفحه قطع رقی ۵۰۰ جلد

شابک: ۵-۵۰۴-۵۱۷-۹۶۴-۹۷۸

مرکز فروش: تبریز- اول خیابان طالقانی، روبروی مصلی، نشر اختر

تلفن: ۳۵۵۵۳۹۳-۴۱

قیمت: ۶۵۰۰ تومان

اثرين بعضى حصّه لرين ساده لشد يردىك بير
قسمينى ايسه كتاب دا وئرمه دىك ائله بونا
گؤره ده مولفين قلميندن دن عذر ايسته ييرىك.

اويغورلار ساي باخميندان، تورک، آذربايجان، اؤزبک، قازاق،
 تاتاردان سونرا، آلتينجى تورک خالقى دیر. اويغور خالقى نين اساس
 حصّهسى، چين جمهوريتينده ياشاير. ۱۹۹۱- جى ايل آمارينا گؤره،
 چين ده ۹ ميليون و افغانستان دا ايکى مين دن چوخ اويغور ياشاير. چين-
 ده اويغور ديلي نين مخصوص لهجه سينده دانیشان ۵۰ مين سالار و ۵
 مين سارى اويغور واردير. ۱۹۸۹- جو ايلين آمارينا اساساً قازاقستان و
 قيرقيزستان جمهوريتينده ۲۶۲۱۹۲ نفر اويغور ياشاير. اويغورلار عمومى
 حالدا چين جمهوريتى نين غربيينده، شرقى تورکستاندا ياشايرلار.
 ۱۹۵۲- جى ايلده بورادا «سئن-سيان»^۱ اويغور مختار ولايتى
 ياراديلميشدير کى، اويغورلار اونون اهالي سى نين اکثريتينى، تشکيل
 ائديرلر. اونلار اؤزلرينى ياشاديقلارى يثرين آدى ايله آدلانديرميشلار:
 آغ سودا ياشايانلار «آغ سولوق»، کاشغرده ياشايانلار «قاشغرلىق» و

^۱ - سين کيانگ. شن چانگ.

تورفانداكىلار «تورفانلىق»، ياركنددە ياشايانلار «ياركندلىق»، خوتاندا ياشايانلار «خوتانلىق» و.... آدلانىشلار.

۱۷۵۹- جو ايلده، منچورلار كاشغر ايالتىنى اشغال ائتديكدن سونرا نئچە مين اويغور عائىلەسى «اىلى» چايى نين وادىسىنە كۆچۈرۈلۈر. بو ايشدن مقصد، كاشغر ايالتىندەكى منچور اوردوسونون ارزاقىنى تامين ائتمك ايدى. اويغورلار بونى حصەسى «تارانچى» يعنى (تازا اكينچى) آدلانماغا باشلايدىر. ۱۸۸۳-۱۸۸۱- جو ايل لردە، روسيە نين «هتتى سو» (قازاقستان نين جنوبى) ايالتىنە كۆچن اويغورلاردا تارانچى آدلانىر. ۱۹۱۷- جى ايله قدر كى روس دىلىندە يازىلمىش علمى ادبياتدا اويغورلارى شرقى توركستان تاتارلارىدا آدلانىر مىشلار. اويغور آدى روسيە اويغورلارى نين، ۱۹۲۱- جى ايل دە «داش كند» دە قورولموش سميناردا قبول ائدىلمىشىدىر. بئىلەلىكلە ۱۴- جو يوز ايله قدر موجود اولموش قديم اتنونىم برىا ائدىلمىشىدىر. اويغور مختار ولايتىندە (چين) ياشايان اويغورلار سونرالار تدريجاً اۋز سۈى آدلارنى الدە ائتمىشلر. ايندى بو آد بوتون اويغورلار طرفىندن قبول ائدىلمىشىدىر.

اویغور خالقى نین اتنىك اساسىنى كاشغردە ياشايان اوتوراق قبیلهلر و «تارىم» چایی حوزەسى اطرافیندا مسكون لاشان، كۆچرى قبیلهلر تشکیل ائدیر. معاصر اویغورلارین تشکّلونده، اورتا آسیا، آلتای، موغولستان و چین دن بو اراضی یه گلن كۆچرى قبیلهلر (هونلار، كوشانلار، افتالیت، ژوژانلار و بیر سیرا تورک قبیلهلری....) مھم رول اوینامیشلار.

اویغورلارین تارىخى، قدیم دورلره: تارىخین ان درینلرینه گئدیپ چیخیر. اویغورلار مرکزی آسیانین ان قدیم خالق لاریندان بیرى دیر.

اویغورلار حاققیندا «قاوقو» آدی ایله ایلک معلوماتا چین قایناق لاریندا، ۵- جی عصرده راست گلیریك. چین دیلینده اویغورلار «خویخو» آدلانیر. خویخو اوللر «دیلى» و سونرا قاوقو آدلانان قبیلهلرین آدی دیر بو کلمه نى جنوب موغوللاری «خویخور»، شمال موغوللاری «اویخور» تلفظ ائدیرلر. تورکستان لیلار بو کلمه نى دوزگون یازیر، لاکین «واو» حرفی، O و U کیمی اوخوندوغو اوچون «اویخور» کلمه سی اونلارین دیلی نین خصوصیتلرینه گؤره «اویغور» شکلینده دَیلمیشدیر.^۲

اویغور خالقى نین آدی، تارىخه گئچ یازیلیمیشدیر. قبیله نین آدی اونون بؤیوک قوملو چؤلدن یعنی «قوبی» صحراسیندان شمالا كئچمه دن

سونرا چين سالنامه لرینده یازیلیمیشدیر. آما شبهه یوخدور کی، قبیله نین آدی، هله تاریخ صفحه لرینده دوشمزدن چوخ قاباق اونونلا اتفاقد اولان قبیله لرین تاریخینده موجود ایدی. بو قبیله بیرلیگی نین عمومی آدی «تله» اولموشدور. تله لر بعضاً قاوقو آدلانمیشدیلار. چين قایناق لاریندا یازیلیر کی، اویغورلار آنا طرفیندن، هونلاردان تۆرمیشدیلر. اویغور قبیله سی نین اساسینی «دیلی» قبیله اتفاقیندان اولان نفوذلو خانا آره وئرلیمیش هون خاقانی نین قیزی یاخود قارداشی قیزی قویموشدور. بو حادثه گمان کی، میلاددان اوّل ۲- جی یوزایل لیگین باشلانقچیندا هونلار موغولستانی اطاعت آلتینا آلاندا باش وئریمیشدیر. میلاددان اوّل ۲۲۱-۴۸۰ - جی ایل لرده ایندی کی، «شانسی» و «قانسو» ایالت لری مختلف کۆچری قبیله لرین کۆچ یئری اولموشدور. همین ایالت لرده و قونشو اراضی لرده موغول قبیله لریندن چين دیلینده «چی دی» آدلانان بیر قبیله یاشامیشدیر. بو کلمه چين دیلینده (قیرمیزی شمال کۆچری لری) دئمک دیر. میلاددان اوّل ۳- جو یوز ایل لیگین ایکنجی یاری سیندا چين ده باش وئرن بؤیوک دیشیک لیکلر زامانی قیرمیزی شمال کۆچری لری اؤز مسکن لریندن سیخیشدیریلیرلار.

اونلار دیلی خالق آدی ایله «اوردوس» دان غرب ده اولان اراضی ده مسکون لاشیرلار. بو قبیله لر «هون» ون، بعضی دیالکت دیشمه لرینه معروض قالمیش عمومی موغول دیلینده دانیشیردیلار. میلادین ۳۳۸- جی ایلینده بو قبیله لر «توبا» (تابغاچ) خالقینه تابع اولولار. لاکین ۴- جو عصرین سونوندا قوبی صحراسی نین شمال طرفینه - «جونقاریا» یا

كۆچدولر و اوّل كى دىلى آدى عوضينه قاۋۇقو آدىنى قبول ائتديلر. اونلار تئزلىكلە «سئئنگا» چايىنا قدر بوتون موغولستانا يايلىدىلار. قاۋۇقو چين كلمەسىدیر. خالق آراسىندا قانچە كىمى تالّفظ ائدىلر و (هوندور آرابا) معناسىنى افادە ائدیر. چين ين «تان» سلالەسى دۇرونده دىلى قبیلەلرى هوندور چارخلى آرابالادان استفادە ائدیردى. بونا گۇرەدە «يوآن وى» سلالەسى دۇرونده اونلار قاۋۇقو آدى وئریلیر. چوخ گمان كى، قاۋۇقو شمال چين لرى نین دىلى قبیلەلرىنە وئردىگى خالق آدى دیر. بونا گۇرەدە بو آدا يالئیز شمال سلالەلرى نین تارىخینده تصادف ائدىلیر. آنجاق ائله شمال سلالەلرى نین تارىخینده بو كلمە نین عوضينه «چیلە» خالق آدى دا ایشلەدىلیر. چیلە كلمەسى جنوبى چين تارىخچىلرى طرفیندن سهو اولاراق «تایله» (ايندى چين دىلینده «تئله» شکلینده اوخونور) شکلینه سالنمیشدیر. تئله كلمەسى ده بورادان يارانمیشدیر. اويغورلار قوبى صحراسیندان شمالا كۆچدوکدن سونرا ۱۵ نفوزلو سلالەیه، يعنى قبیلەیه بۇلونور. بو قبیلەلر «آرقون» چاينىدان (آمور چايى نین قولودور) غربە، «تارباغاتای» داغلارینا قدر اوزون بیر زۇلاغى توتورلار.^۳ «وى سو» سالنامەسىندىن گۇتورولن بو معلوماتلا، «قان مو» سالنامەسى نین ۱۹۱- جى ایلده وئردىگى دىگر بیر معلوماتا، دئمك اولار كى، تام اويغون گلیر. چين تارىخچىسىنە گۇرە، قاۋۇقلار، قدیم «چىدى» قبیلەسى نین نسيل لرى دیر. (بو قايناغا گۇرە چىدى،

^۳-N.Y.Bicurin. sobranie svedenye o narodox obitasix ve sredney azii dveniye vremena.T.İ.M. -1,1950. S 213.

قىرمىزى موغول دىمكىدەر). اوللار، اونلار دىلى آدلانىرلار، شمالدا ايسه آرتىق قاۋۇق «دىنلىن» لرى آدلانىلار. بورادان معلوم اولور كى، علمى ادبياتدا ايشلەنن دىنلىن اصطلاحى دىلى كلمەسى ايله مترداف كلمە ياخود عىنى معنالى دىر. دىلىلر دىلى ھون دىلىنە اوخشاير. چىن سالنامەسى قاۋۇقلار دىنلىن منشائىنى بىلە اىضاح ائدەر: قاۋۇقلار دىنلىن اجدادلار ھون خاقانىن قىز نەۋەرلىرىدىن تۇرمىشلار. روايتە گۇر، ھون خاقانىن چوخ غىرەئىدىكى گۇزل قىزى دوغولور. اعيانلار اونلار ھون خاقاننىڭ دىلى. خاقان دىلى: بىلە قىزلار دىنلىن انسانلار ارە وئرمەك اولارمى؟ من اونلار گۇيە تەقدىم ائدەيەيم. او، پايتاخت دىن شمالدا آدمسىز بىر يەردە ساراى تىكىدەر، ھەر بىر قىزى اورادا يۇرتلىرىدىن دىلى: «گۇيلەر يالوارىدىكى، اونلار قوبول ائتىن». اوچ ايل كىچىك دىنلىن سونرا آنالار دىنلىن قىزلار يازىغى گىلر و اونلار ائو گىرەك ائستەيىر. خاقان دىلى: «مەك دىلىدەر، ھەلە واخى چاتمامىش دىر». بوندىن بىر ايل سونرا قوجا قورد ساراين ياندا گىلر و گىجە-گوندوز اونون كىشىگىنى چەكەك اولايىر. قوجا قورد، ساراين آلتىندا يوقا قازاراق اورا يىگىرە و بايرى چىخىمىر. كىچىك قىز دىلى: «آتا-آنامىز بىزى گۇيە تەقدىم ائتمەك آرزوسو ايله بورادا يۇرتلىرىمىش دىر. ايندى قورد گىلىش دىر. بلكە اونون گىلىشى خوشبختلىك رەزىمى دىر...».

چىن سالنامەسى اويغورلار دىنلىن عادت غەنەسى، اخلاقى، تەصرفاتى^۴ و... حاقىندا معلومات وئرىر. قىلەلر دىنلىن غەمىيىتى و ائدەبىيىتى، ھەر

^۴ - اكين چىلەك و مالدەرىق.

قبیله‌نین، هر طایفانین اؤز حکمداری یاخود باشچیسى واردیر. قوهوم‌لار همیشه مهربان یاشاییر، باسقین زمانى تهله‌کيه راست گلديکده بیر- بیرینه کؤمک ائديرلر. دؤيوش زمانى جرگه‌يه دوزولمور.....بیردن هجوم ائديرلر. ائولنديکده باشلیق کیمی اؤکوز و آت وئریرلر. سؤز وئردیلر می، تنزجه ائولنیرلر. اوغلانین والدينی آتلاری آرابالارلا احاطه‌يه آلیر، گلینین قوهوملارینا ایسته‌دیگی آتی سئچمه‌یی و يَهَرله‌ییب آت اوستونده تابوردان چیخماغی تکلیف ائديرلر. آت صاحب‌لری تابوردان کناردا دورور و ال چالماقلا آتلاری هورکودورلر. آخیردا آت اوستونده دوران آدام همین آتی اؤزونه گؤتورور، آت‌دان ییخیلان ایسه، یئنی‌سینی سئچیر. گلینین بوتون قوهوملاری آت سئچدیکدن سونرا مراسم بیتیر. اونلار چاخیر (شراب) ایچمیرلر. توی گونو بی‌له گلین تویا گلن‌لره قیمیز و ایستی آت وئریرلر. ائو صاحبی قوناق‌لاری یئدیزدیریر. یوردون (اوبا) قاباغیندا چمن‌ده توپا حالیندا اوتورور و بوتون گونو یئیرلر، گئجه‌ده اورادا قالیرلار. اثرته‌سی گونو گلین آتاسی ائوینه گئندنه بی‌ین قوهوملاری آت ایلخی‌سینی قوؤوب گلینین آتاسی ائوینه گتیریر و ان یاخشی‌لارینی سئچیرلر. قیزین والدين‌لری و قارداشلاری اورک‌لرینده حیف‌سیلنسه‌لرده بیر سوز دئمیرلر. دؤل قادین‌لارلا ائولنمه‌یی سئومیرلر. ائو حیوانلارینا دامغا وورورلار.

دامغالانمیش حیوان اؤزگه‌نین سوروسونه قاریشدیقدا هئچ کیم اونو اؤزونه گؤتورمور. ایلدیرم چاخماسینی خوش‌لايیرلار. هر دفعه ایلدیرم چاخاندا قیشقیریر و گؤیه اوخ آتیرلار. سونرا بو یئری ترک ائدیب داغیلیشیرلار. او بیرى ایل پاییزدا آتلار کؤک‌لننده یئنی‌دن ایلدیرم

چاخان يئره توپلاشیر، قويون کسیر، بیچاق دا دوزلدیلیمیش مشعل یاندیریرلار. اورتا دولته ده (چین ده) بدبختلیگی قووماق مراسمینده اولدوغو کیمی شامان قادین دُعا اوخویور. کیشی لر آتلانیب ایلدیریم ووردوغو یئرین اطرافیندا آت چاپیرلار. سونرا بیر کیشی سؤیود یا خود قارا قوواق آغاجی بوداقلاریندان دوزلدیلیمیش دستهنی گۆتورور، بوداقلاری اوزو یوخاری توتوب اوستونه قیمیز تۆکور، قادین قوربانلیق قویونون سوموکلرینی دریه بوکوب باشینا قویور، ساچینی اونون اطرافیندا تئل کیمی هۆرور. اؤلونو قازیلیمیش قبره آرخاسی اوسته قویورلار، الینه کمان وئیریر، بئلینه قیلینج باغلاییر، قولتوغونا نیزه قویورلار، ائله بیل دؤیوشچو هجوما کئچمه یه حاضیرلاشیر. ایلدیریم وورماسیندان یاخود کوتله وی خسته لیکدن آدام اۆلدوکده دُعا ائدیرلر کی، بدبختلیک باش وئرمه سین.

اگر هر شئی خوشبختلیکله قورتایرسا اوندا روحلارلا منت دارلیق علامتی اولاراق مختلف حیوانلاردان چوخلو قوربان کسیرلر، سوموکلری یاندیریرلار. سونرا آتا مینیب بو یئرین اطرافیندا بعضاً بیر نئچه دؤر چاپیرلار. بئله توپلانیشلارلا یاشیندان آسیلی اولمایاراق کیشی لر ده، قادین لار دا ائوینده سلامتلیک اولانلار، ماهنی اوخویور و رقص ائدیرلر. مختلف موسیقی آلتلری چالینیر. اؤلوسو دوشن آداملار ایسه کدردن گۆزیاشی تۆکوب آغلاییرلار. تئلهر، اؤت و سویون بۆل لوغویلا آسیلی اولاراق کۆچ ائدیر. چونکی اونلار، دری دن پالتار گئییب و آت ایله بسله نیرلر. ائو حیوانلارینی ساخلاماق هم تئلهرده و هم «ژوژان»لاردا عینی دیر. تئلهرین آرابالاری ژوژانلاردان فرقلی دیر.

چرخى بۇيوك و تكررلى ده چوخ دندهلى اولور. قاۋقولارين اجدادلاريني اون ايكي طايقا تشكيل ائديردي: لى فۇلى، تۇلو، ايچ ژان، داليان، كۇخه، دابو، آلون، مۇيۇن، سيفين، فۇفۇلو، كيوان، يۇشوپى.

تئلهلر داغينيىق ياشادىقلارى اوچون ژوژانلارلا مقاومت گۇستره بيلميرديلر و خراج وئيريديلر. چونكى ژوژانلار زحمتى سئومه ير و ايشله ميريديلر. اونلار محاربه غنيمت لريله ياشاماغى سئويردى. عكسینه تئلهلر، مالدارليقلا مشغول اولور و ايسته يرديلر كي، آزاد صورت ده اؤز مال- قارالاريني اوتارسينلار و هئچ كيمه خراج وئرمه سينلر. هر ايكي خالقين سياسى سيستمى بونا اويغون شكيلده تشكل تاپميشدى.

ژوژانلار اوردو شكيلينده بيرلشيب قونشو خالقلاردان حربى گوجلر خراج آماق حساينا ياشايرديلار. تئلهلر ايسه قبيله لرى ضعيف كونفئدراسيون شكيلينده ياشايرديلار. تئلهلر ژوژانلارلار ياناشى ياشاسالار دا اونلارلا بنزه ميزديلر. اونلار هون امپراتورلوغونون تركيبندن اثر كن چيخميشديلار و اؤز ابتدائى پاترى آرخال^۵ قورولوشونو و كؤچرى ليك عادت لريني ساخلايرديلار. تئلهلر عمو مى تشكيلاتلارى يوخودو. تئلهلر دؤيوشچو و آزادليق سئور ايديلر و هر هانسى بير تشكيلات چيلىق اونلارلا ياد ايدى. تئلهلر ايندى كي ياقوت (ساخا)، تئله اوت، اويقور و باشقا قبيلهلر ي بۇيوك بابالارى اولموشلار. تئله كلمه سى ايندى آلتاى ليلارين بير قسmini تشكيل ائدن تئله اوت قبيله سى آديندا اؤزونو محافظه ائديب ساخلا ميشدير.

^۵ - آناخاقانلىق. پدر سالارى.

ژوژان حکمداری «فوقۇدون» خاقان «دۇاولونون»^۶ حاکمىتى ایل لرینده (۴۹۲-۴۸۵) ژوژانلار آراسیندا ناراضىلىق باش وئیریر و پارچالانیلار. «فوفولو» قبیله سیندن اولان «آفوج ژیلو»^۷، عىسى اوغلو «چونكى» ایله اوردویا باشچىلىق ائدیردی.

بو زمان تئله لرین، سایی، ۱۰۰ امین نفر ایدی. ۴۸۷- جى ایلده ژوژان خاقانى «دۇاولون» چینه قارشى محاربه یه حاضیرلانیلر. آفوج ژیلو اونو فیکریندن داشیندیرماغا چالیشسا دا موقق اولمور. او دا غضب لانیلر و بوتون تئله خالقینی ژوژانلارا قارشى قیاما قالدیریر. آنجاق قیامچیلار ژوژانلارا قارشى محاربه ائتمیر لاکین مسکون لاشدیقلاری یئرده قالماق ایسته میرلر. آفوج ژیلو بوتون تئله قبیله لرلى ایله غربه، ایرتیش چایی وادی سینه کۆچور. بو فاکت ابوالقاسى خانین اثرینده اويغورلارین سئلئنگا چایی نین یوخاریلاریندان غربه، ایرتیش چایی نین وادی سینه کۆچمه سى کیمی گۆستریلیر. قبیله لر شمال غربه یئرلشن کیمی آفوج ژیلو مستقل دولت اعلان ائدیر. اعیانلار اونا خۇاولوفوله^۸ آدی وئیریرلر کى، بو دا موغول دیلینده «گۆیون بۇیوک اوغلو» دئمکدیر. بونونلا آفوج ژیلو ژوژان خاقانى ایله برابر اولدوغونو قید ائتمک ایسته ییردی. چونكى «خوآوی»^۹ آدینی قبول ائدیر بو ایسه موغول دیلینده «حکمدار وارثى» یعنی ولیعهد دئمکدیر. آفوج ژیلو و چونكى مهربان یاشاییردیلار. اونلار

⁶ - doulun

⁷ - Afucjilo

⁸ - xoulufule

⁹ - xoupəy

«آیماقی»، ایکی حصّه یه بۆلموشدولر و هر کس اؤز حصّه سینی اداره ائدیردی. آفوج ژیلو شمالی، چونکی ایسه جنوبی اداره ائدیردی. بونا دؤزمه یین آپاران ژوژانلار تئله لر ایله محاربه یه باشلاییر. ۴۹۰- جی ایلده تئله قوشونلاری ژوژانلاری مغلوب ائدیر بونا گؤرده دوأولون قاییدیب شرقه گئدیر. ۴۹۰- جی ایلده آفوج ژیلو چین پایتاختینا ائلچیلر گؤندیریر. ائلچیلر چین حاکیمینه ایکی اوخ گتیریر و آفوج ژیلونون سؤزلرینی اونا چاتدیریلار. «ژوژانلار گوئی اوغلونون پیس نیئتلی واسسالی دیر.^{۱۰} من اونو فیکریندن ال چکمه یه چاغیردیم، آنجاق او منه قولاق آسمادی، اونا گؤرده من آیریلیب بورایا گلدیم و اؤزومو حکمدار اعلان ائتدیم. من گرک گوئی اوغلونون کئفی اوچون سیلاحلا اونو محو ائدهم».^{۱۱} چین حاکیمی «سیااؤویندی»^{۱۲} اولجه اونا اینانمیر لاکین هر ایکی طرفدن بیر نئچه ائلچیلیکدن سونرا ۴۹۰- جی ایلده چین قوشونلاری شرقدن چؤله داخل اولور. ایکی طرفدن (غربدن تئله لر هجوم ائدیر) سیخیشدیریلان ژوژانلار، مغلوب ائدیلیر»^{۱۳}.....

۴۹۲- جی ایلین غلبه سیندن سونرا یئنئ مسکون اولدوقلاری یئره آلیشان تئله لر اؤز دولت لرینی یارادیرلار. تئله لرین اؤز دولت لرینی نئجه آدلاندیردیغی بیزه معلوم دئییل. چین لیلر همین دولتی قاؤقو آدلاندیریرلار. همین دولت، تاریخه بو آدلا داخل اولموشدو. لاکین

^{۱۰} - واسسال: باشقا حاکیمدن آسیلی و مستقل اولمایان فنودال.

^{۱۱} -ن. ی. بیچورین گؤستریلن اثر. ص ۱۰.

^{۱۲} - siyaovindi

^{۱۳} -ن. و. بیچورین

قاۋۇقو دولتى اوزون مدّت ياشامير. ۴۹۴- جى ايلده ايرانى دارماداغين ائدن «افتالى» لر يۇنلر ينى شمالا چئويرير و ۴۹۵- جى ايلده قاۋۇقو دولتى نين جنوب حصّه سىنى ايلديريرم سرعتى له دارماداغين ائديرلر.

"وليعهد حكمدار" چونكى اۋلدورولور و اونون عائيله سى او جمله دن «ميوتو»^{۱۴} دا داخيل اولماقلا بوتون اوغول و نوهلرى اسير دوشور. خالق قاجيب داغيلير. خالقين بير حصّه سى ژوژانلارا تابع اولور و بير حصّه سى چين ايالتلرينه گئدير. چين امپراتورو چينه تابع اولماقلا رينى قبول ائتميش تئله لرى «قاۋپينچ ژئن»^{۱۵} قالاسى ياخين ليغيندا يئرلشديريلمه سىنى امر ائدير. بو آرادا آفۇچ ژيلو وفات ائدير و اونون يئرینه «باليان» تاختا چيخير. ۴۹۶- جى ايلده افتالى دولتى (چين منبع لر ينده Idan آدلانير). ميوتونو حاكم ائتمك مقصديله قاۋۇقو دولتينه محاربه اعلان ائدير و اۋلكه نين شمال حصّه سىنى اشغال ائدير. باليان اۋلدورولور. افتالىلر، حاكم وليعهدى يعنى چونكى نين نسليندن اولان و هله ۴۹۵- جى ايلده اسير دوشموش ميوتونو تئله لره حكمدار ائديرلر. بئله ليكله بو دولت افتالىلرين والى ليگينه چئوريلير. آما چين تاريخ چيسى يازيركى، ميوتو تاختا چيخان كيمي چين سرايينا خراج و ائلچى گۇندرير. چين امپراتورو دا ميوتويا ۶۰ توپ ايپك گۇندرير. بورادا بير مسئله گيزلين قالير. قاۋۇقو دولتى افتالى دولتى نين واسسالى^{۱۶} ايدى. چين دولتى ايله افتالى دولتى دوشمن ايدى، نجه اولور كى، افتالى

^{۱۴} - mivoto

^{۱۵} - qopinjen

^{۱۶} - اۋزوندن بۇيوك دولتدن آسيلي اولان. والى ليك.

دولتینین واسسالی اونون دوشمنینه خراج و هدیه‌لر گۆندیریر؟ چین دولتیله مناسبت یاراتدیقدان بیر قدر سونرا ۵۰۸- جی ایلده میووتو ژوژان حکمداری «فوتوتاخان»^{۱۷} خاقان ایلده «پولی‌خای»^{۱۸} گؤلونون شمال ساحیل‌لرینده دؤیوشور، مغلوب اولور و ۳۰۰ نفر ایلده غربه قاچیر. فوتوتاخان شمال داغلاریندا- «ایوو»^{۱۹} دا مسکن سالیر. بوندان آز اول، «قائوچان» حاکیمی «کوی‌قییا»^{۲۰} چین دولتیندن خواهش ائتمیشدیر کی، اونا چین دولتی داخیلینده ساکن اولماغا اجازه وئرسین، چین امپراتورو «سوآن- وو»^{۲۱} سرکرده‌لریندن بیرى «مین‌وی»^{۲۲} اونو قبول ائدیپ ایوودا یئرلشدیرمک اوچون گۆندیریر. ژوژان‌لار سرکرده مین‌وی»-ین قوشونونو گؤروب قورخودان گئری چکیلیرلر. ژوژان‌لارین قاجدیقلاری خبرینی ائشیدن مینوتو اونلارا چاتیر و تماماً دارماداغین ائدیر. «پولی‌خای»^{۲۳} گؤلونون شمال ساحیلینده فوتو تاخان خاقانی اولدورو، ساچلارینی کسپ «مین‌وی»یه گۆندیریر. میوتو چین سرایینا بئش جنس آت، قیزیل، گوموش، سامور خزی و مختلف یئرلی معمولات هدیه گۆندیریر. جوابیندا چین امپراتورو اونا بوتون موسیقی آلت‌لری، ۸۰ موسیقیچی، اون توپ آل‌قیرمیزی و ۶۰ توپ رنگ‌به‌رنگ ایپک

¹⁷ - Futu taxan

¹⁸ - Puley xay

¹⁹ - İvu

²⁰ - kūy qıya

²¹ - suan vu

²² - minveyi

²³ - puləy xay

گۆندىرىر. ۵۱۶- جى ايلده ميوتو ژوژان خافانى «چەاونو»^{۲۴} ايلە (قانمو سالنامەسىندە: فۇباخان) دۇيوشور. بو دفعة محاربەنى تئلەلر يوخ، ژوژانلار باشلامىشىدىر.

ژوژانلار قاۋقو دولتىنى مغلوب و ميوتونو اسير آلىرلار. بىر نئچە ايلدن سونرا افتالى دولتىنە خبر چاتىر كى، ميوتونون كيچىك قارداشى «ايفو» اۋز اوردوسونا قايتىمىشىدىر. ايفو اوردويا قايدان كىمى چىن سرايىنا ائلچى گۆندىرىر. چىن سرايى دا جوابا جواب ائلچىلىگى گۆندىرىر و ايفونو قاۋقو دولتىنەن حىمدارى كىمى نانيدىغىنى بىلدىرىر. ۵۲۱- جى ايلده ايفو يئنىدن ژوژانلار مغلوب ائدىر. ژوژان حاكىمى «پۇلۇمىن» چىنەن «قانسو» اىالتىنە قاچىر. ۵۵۲- جى ايلده ايفو چىن سرايىنا ائلچى و خراج گۆندىرىر و خواھش ائدىر كى، چىن امپراتورو رسمى مراسىملردە استفادە ائدىلن اشىاءلار اونا ھدىيە گۆندىرسىن. خواھش ائدىلن اشىاءلار اونا گۆندىرىلەر. ايفو ژوژانلارلا دۇيوشە باشلاير و مغلوب ائدىلەر كى گئرى قايدىر. كيچىك قارداسى «يويئقو» اونو اۋلدورور و اۋزو تاختا چىخىر. ۵۳۷-۵۳۴- جى ايللردە يويئقو ژوژانلارلا محاربەيە باشلاير و مغلوب اولور. ايفونون اوغلو «بىدى» بوندان استفادە ائدىب، يويئقونو اۋلدورور، اونون يئرەنە تاختا چىخىر. ۵۴۰- جى ايلدە بىدى ژوژانلار طرفىندىن مغلوب ائدىلەر. يويئقونون اوغلو «كوىبىن»^{۲۵} چىن دولتىنە قاچىر. چىن اعيانلارىندىن بىرى

²⁴ - çəunu

²⁵ - kütübin

امپراتورا مصلحت گؤرور کی، اوزاق خارجی لری جذب ائتمک اوچون کوی بیله قاوقو دولتی نین حکمداری آدینی وئرسین. آما چوخ تئز کوی بین خسته لیب وفات ائدیر.

اویغور قبیله لری حاققیندا تانشو سالنامه سینده اطرافلی معلومات واردیر. بوسالنامه نین مؤلفی ده اویغورلاری منشأجه هونلارا باغلا بیر. بورادا دا گؤستریلیر کی، چین یین «یوآن وئی» سلاله سی دؤرونده ۳۸۶- جی ایل اویغولارا قاوقو، «چیله» ده دئییردی لر. و بو سونونجو سؤز سهو اولاراق «تله» کلمه سینه چئوریلیمیشدی. تانشو تله قبیله لری اتقاقینا داخل اولان قبیله لرین آدلارینی ساییر. اونلارین سایی ۱۲ دئییل ۱۵ گؤستریلیر. و اونلارین آدلاری دا «ویشو» سالنامه سینده کی آدلاردان فرق لیر.

بو قبیله لر بؤیوک قوملو چؤلون (قوبی صحراسی نین شمال طرفینده) باشقا سؤزله جونقاریا و خالخادا یاشاییردی لر. «سوی» سلاله سی دؤرونده اویغورلارا «ویقه» دئییردی لر. اویغورلار، جسور و گوجلودورلر. اوللر اونلارین قبیله باشچی لاری اولمامیشدی. سو و اوتون بوللوغوندان آسیلی اولاراق کؤچری حیاتی کئچیرمیشلر. آت چاپا- چاپا اوخ آتماقدا ماهر دی لر. اویغورلار «تورکوت» لرین تبعه لری حساب ائدی لر. تورکوتلر اونلارین قدرتی ایله شمال صحرالاریندا قهرمانلیقلار گؤستیردی لر.

تله قبیله لری نین سونراکی تاریخی تورکوت قبیله لری نین تاریخی ایله آیریلماز شکیلده باغلی دیر. غربی تله قبیله لری، زوژان اسارتینه چتین لیکله دؤزوردولر. نهایت ده قیام ائدی ب، غربی جونقاریادان خالخایا

طرف حرکت ائدی لر کی، ژوژانلار اؤز یووالاریندان ضربه وورسونلار. گۆرونور کورطبیعی باش وئرمیش خالق حدّتی نین تظاهری ایدی. بونو بیر سیرا علامت لر ثبوت ائدیر. سفربرلیک حدّندن آرتیق پیس قورولموشدو، یوروشون واختی دا یاخشی معین اولمامیشدیر، تاریخ، حتّی عصیانین رهبری نین آدینی دا قورویوب ساخلامامیشدیر. ۵۴۶-جی ایلده عصیانچیلار یولون یاریسینی قطع ائتدیکده، قوبی صحراسی نین دره لریندن. یاخشی سیلاحلانیش و زرهللی پالتارلار گئیمیش، «تورکوت» آتلی لاری اولنارین قارشى سینا چیخیر. تئله لر اولّا جناح ضربه سی گۆزلمیردی لر، اکینجیسی اونلار هئچ واخت هئچ بیر پیس لیک گۆرمه دیکلری تورکوت لره قارشى ووروشماغا حاضیرلانیلمیش دلار. بونا گۆرده تئله قبیله لری هئچ بیر تردّد گۆستمه دن، فوراً «بومین» خاقانا تابع اولورلار. اویغورلارین ۵۰ مین نفر یوردو^{۲۶} تورک لره قوشولور و تورک لری قدرتلی بیر قوه یه چئوئیر.

هم تئله و هم تورکوت قبیله لری ژوژانلاری محو ائتمک آرزوسوندا اولدوقلاری اوچون، تئزلیکه ایکی قبیله نین بیرلشمیش قوه لری و ژوژان-لارا هجوم ائدیر. ۵۵۲-جی ایلده ژوژانلار دارماداغین ائدی لر.

گۆرونور کی، تورکوت لر ایله بیرلشدیکدن سونرا تئله قبیله اتفاقی اؤز بیرلیگینی ساخلاسا دا اوندا اختلاف باش وئرمیش و قبیله لر اؤز خصوصی آدلاری ایله متمرکزلشمیشلر. مثلاً ۵۷۲-جی ایلده یازیلیمیش منبع لرده دوققوز اوغوز (چین دیلینده Yuangə) اویغور قبیله لری

حاققىندا معلومات وئزىر. ماراقلۇ بوراسى دىر كى، گۆك توركلر، دوققوز اوغوزلارلا يەنى اويغور قىبىلەلرینە ياد قىبىلە كىمى باخمىرلار و اۋزلىرى نىن كى حساب ائدىرلر. بىلگە خاقان ايكى يئردە گۆل تىگىن افتخارىنا اوجالدىلمىش عابىدەدە (شمال طرف - ۴ - جو سطر) و بىلگە خاقانىن شرفینە قوبولموش عابىدە (شرق طرف - ۲۹ - جو سطر) بونو آچىقجا دئىر: دوققوز اوغوز خالقى منىم خالقىم ايدى. ۴ و ۵ - جى يوز ایللىك لردە قاۋقو دولتىندە، تئلە قىبىلە اتفاقىندا، ۱۲ پاترى آرخال بىرلشمىش سە دە، آرتىق ۷ و ۸ - جى عصرلردە شىبەسىز تئلەلرین نىسلىلرى اولان «تۆلۈس» قىبىلە اتفاقىندا ۱۵ قىبىلە بىرلشىردى.

يوآنقە (اويغورلار)، سئىانتو (سىر و يانتو بىرلشمىش قىبىلەسى)، توبالار، كوليقان، هون، سىغە، خوسە، آدە (ائىز)، بايسى (باسمىل احتمال ائدىلر) قىبىلەسى بو فەرستدە تىكجە «دوبۇ» قىبىلەلرینی توبا قىبىلەلرى ایلە مقایسە ائتمک اولاور. قالان قىبىلەلرى ۴-۵ - جو عصرلرین قىبىلەلرى ایلە مقایسە ائتمک اولمور. قىبىلەلرین بو جور يئنىدن قورولماسینی فقط بئلە اىضاح ائتمک اولار. گۆرونور، قوھوملوغون طایفا پاترى آرخال سىستىمى پوزولموش و كهنه طایفالارین يئریندە يئنى طایفا بىرلشمەلرى و قىبىلەلر يارانمىشدىر. دقت ائدىلرسە قىبىلە اتفاقى نىن آدى نىن دا، دىشىدىگىنى گۆررىك. «تئلە» قىبىلە اتفاقى عوضینە تۆلۈس قىبىلەلرى. اونو دا قید ائتمک لازم دىر كى، تۆلۈس و تاردوش قىبىلەلرى تورك خاقانلىغىندا، گۆك توركلردن سونرا ايكىنجى گوجلۇ حربى

قوۋەدیر. تورک ورثە قانونونا گۆرە «تاردوش» لارین شادی،^{۲۷} خاقانین ولیعهدی حساب ائدیلیلر و خاقان وفات ائتدیکده تاختا چیخیر.

اویغورلار ۸۵ ایل (۶۳۰-۵۴۶) تورکوت خاقانلیغی نین ترکیبنده قالیرلار. ۶۳۰- جو ایلده شرقی تورک خاقانلیغی چین لیلر طرفیندن قطعی صورتده مغلوب ائدیلدیکدن سونرا مستقل امپراتورلوقدان آسیلی وضعیته دوشورلر. شرقی توک خاقانلیغی نین سقوطو عرفه سینده اویغورلار معاصر موغولستانین شرقینده یاشاییردیلار و شرقدن باییرقو و غربدن تورنا، جنوبدان ائدیز قبیله لری ایله قونشو ایدیلر.

۶۰۱- جی ایلده تئله قبیله لری، تورکوتلره قارشی عصیان ائدیرلر. عصیان شمالدا سئلنگا چاییندن جنوب غربده تیان شان داغلارینا قدر بؤیوک بیر اراضینی احاطه ائدیر. غربی تورکوتلر عصیان چیلار طرفیندن مغلوب ائدیلیلر. گومان کی، بو عصیاندا سونرا ۷- جی یوز ایل لیگین اوللرینده تئله قبیله اتفاقی ایکی یئرە پارچالانیر: بیر قسمی غربه گئدیپ، جونقاریادا مسکن سالیر، دیگر قسمی بؤیوک قوبی صحراسیندان شمالا کۆچور. اویغور قبیله لری نین ده داخل اولدوغو بو ایکینجی حصّه شرقی تورک خاقانلیغی نین تبعه لری نین مهم حصّه سینى تشکیل ائدیردی.

چوّلۇ خاقان ۶۰۶ - جی ایلده «تالیه» قبیله سینە هجوم ائدیپ اونلارا آغیر خراج تعیین ائدیر، آما قبیله نین غضبیدن قورخدوغو اوچون نئچه یوز قبیله باشچیسى و آغ ساققالینی اعدام ائدیریر. اویغور، بوغو،

^{۲۷} - دولتی عنوان. منشاچه هند لغتی دیر. شاد بی. شادپیت. شاه.

تونرا، بايرقو قبيلهلری ايله بيرلشيب تورکوتلردن آيريلير. اؤزلرينی سيغين اعلان ائدير و «خويقه» آدلانديرلار. اويغور سلالهسى نين طايفا آدى ايسه «يولوقه» ايدى. اويغورلار سئانتو قبيلهلريندن شمالدا سئلنگا چايى حوضه سينده چين پايتختيندن ۷- مين لى^{۲۸} آزالىدا ياشايدريلار. او زمان اويغورلارين سايبى ۱۰۰ مينه چاتيردى و اونلار دؤيوشه ۵۰.۰۰۰ عسگر چيخارا بيليرديلر. (بو رقم دوز دئييل چونكى ۱۰۰ مين ليک خالق هئچ وخت ۵۰۰۰۰ عسگر وئره بيلمزدى). خالق «شيغيان- سيغيني» اؤز حکمدارى اعلان ائدير.

خالق عصيانى نين سببى و تاريخى چين سالنامهسى طرفيندن دوزگون ايضاح ائديلمير. اولّا ۷- جى قرن ده تئله قبيلهلرى آراسيندا «Talye» آدلى قبيله اولماميشدير. بلکه ده اونلار tunlo يعنى torna قبيلهسى دئمک ايسته يير. ايکنجيسى چين سالنامه چيسى نين گؤستردىگى ۶۰۶- جى ايلده تورک خاقان ليغى نين تاختيندا، چولو خاقان دئييل «توزلوق» خاقان اوتوروردو (۶۰۸- ۶۰۳) کى، اونو دا چين منبع لرى «دوسولو کيژين ژانقار» يا خود kimin آدلانديرير. «چولو» خاقان (۶۲۰-۶۱۹) جى ايل لرده تاختا چيخميشدير. بو مسئله نى باشقا منبع لر دوغرو ايضاح ائدير. تئله قبيلهلرى نين داغينيق ليغيندان استفاده ائدن تورکوتلر، اونلارا آغير وئرگى لر قويوموشدولار و اونلارى زورلا اؤز اوردولارينا آپاريدريلار. سيير خاقانى حاکميتى ايل لرينده (۶۱۹-۶۰۸) تئله قبيلهلرى بونا دؤزوردو، آما چولو خاقانين دؤرونده (۶۲۰- ۶۱۹)

اويغور، بوغو، تونرا و بايىرقو قىبىلەلىرى ۶۲۰- جى ايل دە بىرلەشدى و «ياغلاقار» خانىن رەبەرلىگى ايلە عصيان ائتتى. سونرالار ياغلاقار اويغور خاقانلىغىنىن باشىندا دورىدو. چولونون وارثى اونون كىچىك قارداشى يعنى «قاتايل» خاقان اۋز پايىختىنى «خالخا» يا كۋچورمەيە مەجبور اولور، چونكى شىرق چۆللىرى عصيانچىلارنى ايلەندەيدى. اونلار قىبىلە اتقاقى يارادير و بو پادشاهلىقدان چوخ جەمهورىيە بىزەيىردى. حاكم ياغلاقار تايفاسى ايلە ياناشى خالق، شىغيان سىغىنى دا اۋز حەمرانلىغىنى اعلان ائدىر. اونون بۋيوك اوغلو «پوسا» جىسور و عاغىللى ايدى. حيوان شكارىنى چوخ سئوردى. جىنگ زمانى ھەمىشە ايلرى دە اولماغا جان آتيردى و ھەر يىرە ھجوم ائتسە قاباغىنا گلەنى داغىدىردى. بونا گۈرە اونا تابع اولانلار، اوندان قورخار و اونا حرمت ائىدىرديلر. شىغيان سىغىن وفات ائىدىكدن سونرا خالق اىگىدلىگىنى، جىسورلۇغونو، قورخمازلىغىنى، عاغىللى اولدوغونو نظره آلاراق «پوسا»نى دولتە رەبەرلىك ائتمەيە چاغىرىر و خاقان سئچىر. بو اونو گۋستىر كى، اويغولاردا دولت رەبەرلىگى وراثتەلە دئىيل (توركوتلردە اولدوغوكىمى) سئچكى يولو ايلە تەيىن ائىلىردى. چىن مەنەلرەندە پوسانين وارثى، حەتتى حەمكار يوخ، خويخولارنى (چىن دىلەندە اويغورلارنى آدى) باشچىسى آدلانىردى. سىياسى سىستىمەدە توركوتلرىن ائىل بىرلىگىندىن فرقى اولاراق، اويغورلار قىبىلە بىرلىگى سىستىمىنى قبول ائىدىرديلر. پوسانين آناسى «اۋلۇخون»^{۲۹} جدى و عاغىللى قادىن ايدى و قىبىلەنىن

ایشلرینی یاخشی اداره ائدیردی. «اویغور یاۋۇشی» (گۆرونور پوسانین چین دیلینده آدی) یاواش - یاواش گوجلیر و سئیانتو قبیله‌لری ایله بیرلشیپ، تورکوت خاقانلیغی نین شمال حدودلارینا هجوم ائدیر. ۶۲۸- جی ایلده «کاتایل» خاقان، اویغورلاری رام ائتمک اوچون «یوکوک شاد» باشدا اولماقلا یوز مین لیک آتلی قوشون گۆندریریر. آما پوسا ۵ مین لیک آتلی دسته‌سی ایله «ماتسزون شان» داغلاری یانیندا اونو مغلوب ائدیر و ماوی داغلارا قدر تعقیب ائدیپ چوخلو اسیر آلیر.^{۳۰}

چین منبع‌لرینده گۆسترلیر کی، ۷- جی اینجی یوز ایل لیکده، اویغورلار دوققوز اوغوز قبیله اتفاقیندا (گۆک تورک، اورخون یئنی سئی داش یازیلاریندا: دوققوز اوغوز بودون - دوققوز اوغوز خالق) داخل دیر. دوققوز اوغوز قبیله‌لری بونلاردیر: اویغور، باسمیل، قارلوق، بوغو، هون، بایرقو، تونرا، سئغه، کیبی.

پوسانین تورکلر اوزرینده کی غلبه‌سینی باشقا منبع‌لرده تصدیق ائدیر، آما سندلرین تقدیمینده بیر قدر فرق واردیر.

۶۲۷- جی ایلده تئله قبیله اتفاقینا داخل اولان سئیانتو قبیله‌سی، غربی تورک خاقانلیغیندان آیریلیپ، شرقی تورک خاقانلیغینا تابع اولورلار. بو بیر طرفدن بونلارین قدرتینی آرتیرسا دا، دیگر طرف- دن خاقانلیغین تئله عنصرلرینی گوجلندیریردی. آرتیق ۶۲۸- جی ایلین اوللرینده سئیانتو قبیله‌لری اویغورلارلا یاخین مناسبت‌لره گیردیلر. سئیانتو قبیله‌سی نین باشچیسى «اینان» و اویغورلارین رئیسى

^{۳۰} - ن. ی. بیجورین. گوستریلن اثر. ص ۳۰۲

پوسا هر شئی ده قارشلیقلی صورت ده بیر - بیرینی مدافعه ائدیردیلر. معلوم اولدوغو کیمی، اویغورلار تورکوت خاقانی نین وئرگی سیاستیندن ناراضی ایدیلر، سئیانتولار دا بونا قوشولدولار. چین قاینالاری نین وئردیگی معلوماتا گؤره بو زمان اویغورلارین سایى ۵۰ مین و سئیانتو قبیله لری ۷۰ مین نفر ایدی. ۶۲۸- جی ایلده سئیانتو، اویغور و باییرقو (هر اوچو تئله قبیله اتفاقینداندیر) قبیله لری، خاقان حاکمیتینه قارشى عصیان ائتدیلر. کاتایل خاقان اول اویغورلاری اطاعته گتیرمک ایسته دی. او تؤلوس خانا امر ائتدی کی، شرق دن اویغورلارا، هجوم ائتسین. غرب دن اؤز اوغلو یوکوک شاد باشد، بؤیوک بیر اوردونو اویغورلارین اوستونه گؤندردی. اویغورلارین گوجلو و استعدادلی رهبری پوسا ۵ مین دؤیوشچو ایله یوکوک شادی «مالیشان» داغلاری نین اتکلرینده دارماداغین ائتدی و عمیسی اوغلو «شئنین» (Şenin) کؤمه یه گلمه سینه باخمایاراق یوکوک شادین اوردوسوندان چوخلو اسیر آلدیلار.

شرقه تؤلوس خانین هجومون عاقبتی داها پیس اولدو. او اؤزو اسیر دوشمکدن گوجلّه خلاص اولدو. نتیجه ده سئیانتو قبیله سی نین رئیسى اینان ۶۲۹- جو ایل ده اؤزونو خاقان اعلان ائتدی.

تورکوت لر اوزرینده کی غلبه دن سونرا پوسانین شهرتی هر یئره یاییلیر. اویغورلار و سئیانتو قبیله لری حربی متفق اولورلار و هر ساحه ده بیر - بیرلرینه یاردیم ائدیرلر. پوسا «خو- قلیفه» آدی قبول ائده رک «دؤلؤ» (تولا) چایی ساحیلینده اؤزونه قرارگاه دوزلدیر.

۶۲۹- جو ایلده، اویغورلار ایلک دفعه چین سرایینا ائلچى لیک و

هدهیه گؤندیرلر. چین تاریخچیسى یازیر کی، آرتیق بو زمان شرقى تورک سلالهسى سقوط ائتمیشدی. چین سالنامهسىنین بو تاریخی ده دوز دئییلدی، شرقى تورک سلالهسى ۶۳۰- جو ایلده کاتایل خاقان چینلی لره اسیر دوشدو کدن سونرا سقوط ائتمیشدیر.

پوسا وفات ائتدی کدن سونرا، اویغورلارین رئیسى «خولو سیلیفاتومیدو»^{۳۱} باشقا قبیله لرله اتفاقدا سئیانتو قبیله سینه هجوم ائدیر و اونو مغلوب ائدیر و تورپاقلارینی توتور. بوندان سونرا، او، جنوبدا، «خلان شان» دان کئچهرک «خوان خه»^{۳۲} چایینا قدر گئدیر و چین امپراتورونا ائلچى گؤندریپ و اونو تابع لیگینه قبول ائتمه سینی خواهش ائدیر. چین خاقانى ایسه اونو بوتون قبیله سى ایله بیرلیکده اؤز تابع لیگینه قبول ائدیر. بوندان سونرا قالان ۱۱ قبیله باشچیلاری دا گلیب چین تابع لیگینی قبول ائدیرلر. تکجه سئیانتو قبیله سى چینین واسسالى اولماسینی قبول ائتمیر. چین سالنامه چیسى یازیر: سئیانتو بؤیوک دولته تابع اولماق ایسته مه دی و بونولا دا اؤزونو اولومه محکوم ائتدی. اونا تابع اولان قبیله باشچیلاری قورخودان، قوشلار کیمی اطرافا سپه لندیله، بیلنمه دی کی هارایا گئتدیله. ایندی هر کس اونون اوچون آیریلیمیش تورپاغا مالیک دیر، هامی گؤی اوغلونا تابع اولماغا جان آتیر و اونلاردان «تان» سلاله سىنین رتبه لرینی وئرمه یی خواهش ائدیر.^{۳۳}

^{۳۱} - xulusılıfa tumidu

^{۳۲} - فیکریمیزجه «هوانگ هو چایی» دئمکدیر. ح. اوموداوغلو.

^{۳۳} - ن. ی. بیچورین گؤستریلن اثر. ص ۳۰۲

امپراتور امر ائدير كى، بويوك قوناقلیق تشكيل ائدلسين. قبیله رئیس لرین بیر نئچه سینه، چین رتبه لری وئریلیر. ۶۳۰- جی ایلده ده بئله بیر قوناقلیق اولور. سونرا چین حکومتی، چین تابع لیگینه کئچن تورپاقلاردا، انضباطی اراضی اصلاحاتی آپاریر. اویغور آیماقی بایکال، دولانگه آیماقی یان جان، بوغو آیماقی قین وه، بایرقو آیماقی یولین، تونرا آیماقی کوی لین، سیغه آیماقی لوشان، هون آیماقی فائولانچ ژواو، خوسه آیماقی خائوقولچ ژواو، آده آیماقی کین یانچ ژواو، کیبی آیماقی یوخیچ ژواو، خیقہ آیماقی کیلوچ ژواو، بایسی (دیانیانچ ژواو) دایره لرینه چئوریلیر.^{۳۴} اونلاردان شمال غرب ده یاشایان «قییه قو» قبیله سی قیان قون فو، شمال داکی قولی قان قبیله سی سوآن-کولچ ژواو، شمال شرق ده کی قوی لوبو قبیله سی چژواو-لون-چژواو اداره سینه چئوریلیر.^{۳۵} بئله لیکله تئله قبیله لرین یاشادیغی تورپاقلاری، چین حکومتی آلتی والی لیک و یئددی دایره یه بؤلور. بوتون آیماق قبیله لرین رهبرلری اؤز ولایت و دایره لرینه رئیس تعیین ائدیلیر و اونلارا چین رتبه سی وئریلیر. بو آلتی والی لیک و دایره بیرلشدیریلیب «یان جان» آدیله جانشین لیک تشکیل ائدیلیر. جانشین چینلی، «لی سو» تعیین اولونور.

چین سالنامه سی ایلك دفعه، اون بئش قاوقو (تئله) قبیله سی اوچون، چین حکومتی نین تشکیل ائتدیسی سیاسی تقسیماتی تقدیم ائدیر. «دنگین» ابوالقازی خانین اویغورلار، حاقیندا وئردیگی معلومات دان

^{۳۴} -ن.ی. بیجورین گؤسترلن اثر. ص ۳۰۳

^{۳۵} -ن.ی. بیجورین گؤسترلن اثر. ص ۳۰۳

استفاده ائدهرک یازیر: بو یئر، یعنی اؤن و آرخا «چئشی» نه واخت سا تاتارستانین بو حصّه‌سی‌نین ان شهرتلی تورپاقلاری حساب ائدیلیدی و «قائوچان» آدلانیردی. بو اویغورلارین تورپاغی دیر. او میلاددان اوّل اؤز حکمدارلارینا صاحب ایدی و ایکی دولته بؤلونموشدو. ایکی‌سی‌نین ده آدی «çeşi» ایدی. بیرینجی سی جنوب، ایکینجی سی شمال آدلانیردی. تاتارلارین طایفا تاریخینی یازان «ابوالقازی» چینلی‌لرین معلومات وئردیگی بو قدیم منطقه‌نی تانیییردی. او یازیر کی: موغولستان مملکتینده ایکی بؤیوک داغ واردی. اونلارین اوزونلوغو شرق دن غربه چاتیر. بیرینین آدی «توکراتو- بۆزلوق» و او بیر «اوسکوکلین تَکَرَم» دیر. موغول تورپاقلاری‌نین غربینده، بو ایکی داغین آراسیندا، داها بیر داغ واردیر. اونون آدی «کوت داغ» دیر. بو داغلار آراسیندا بیر طرفه اون، او بیر طرفه دوققوز جای آخیر، بونلار هامیسی بول سولودور. قدیم اویغورلار بو چایلارین آراسیندا یاشامیشلار. اون چایین آراسیندا یاشایانلار اون اویغور، دوققوز چایین آراسیندا یاشایانلار، دوققوز اویغور آدلانمیشدی‌لار. دئگین چئشی حاققیندا اؤز فیکرینی ابوالقازی‌نین اویغور مسکن‌لری‌نین تصویری ایله اویغونلاشدیراراق علاوه ائدیر: بیرینجیسی شمال اویغورلاری، ایکینجیسی جنوب اویغورلاری دیر. بو دئگین ده گؤزل یئرلردن بیر دیر. ابوالقازی بیر شی یازیر، دئگین ایسه اونون عکسینه اولاراق باشقا بیر شی دئیر و اینانیر ماغا چالیشیر کی، او دا اویغورلار حاققیندا ابوالقازی‌نین یازدیغی ایله عینی شئی دئییلدیر، غربی اروپا عالم‌لری ایسه چین سالنامه‌لرینی ده اونلارلا داها مزه‌لی شکیلده اویغونلاشدیریر، نه

دئىكلرىنى اۆزلىرى دە باشا دوشمورلر. ايكي چئشى پادشاهلىغى ماوى داغلارین شرق اوجقاریندا يئرلشیردی، اؤنده کی اونلارین جنوب، آرخاداکی شمال طرفینده يئرلشیردی، بو تصویردن گۆرونور کی، دئگین ده اويغورلارین مسكون اولدوغو يئر، ابوالقاسى نین اؤز تاریخینده اونلار اوچون معین لشدیردی يئرله تمامی ایله اويغون گلمیر. آخیرده یازیر کی: اويغورلار اوچ سیراداغین آراسیندا اؤن دوققوز چایین ساحیلینده یاشاییردی. بو چایلاردن اونو داغین بیر طرفینده، دوققوزو او بیرى طرفینده ایدی. عکسینه چئشى کنیازلاری ماوى داغلارین لاپ یاماجلاریندا عکس طرفلرده يئرلشیردی، بو يئرلرده بیر تک بؤیوک چای، حتّی آز- چوخ اهمّیتلى کیچیک چای بئله یوخدور. چوخلو داغ بولاقلاری و قار اریمه سیندن عمله گلن چایلار واردیر کی، اونلار ۵۰ دن ۱۰۰ کیلومتره قدر آخیر و بؤیوک قوملاردا ایتیر. دئگین بو فرقه هئچ دقّت یتیرمه میشدیر.^{۳۶}

۶۳۰- جو ایلده تورکوت خاقان لیغى سقوط ائتدیکده قوبى صحراسیندان جنوب داکی تورپاقلاری چین امپراتورلوغو، شمال داکی تورپاقلاری آلتاین «نورو» داغلاریندان باشلامیش «بایکال» گؤلونه قدر اولان اراضینی سئیانتو حکمداری اینان خاقان توتور. تورکوتلارین چوخو سئیانتو قبيله سینه قوشولور.

چین منبع لری نین وئردیگی معلوماتا گۆره، ۶۲۸- جی ایلده بؤیوک

چۆلده ياشايان اويغولارين سايى ۱۰۰ مينه^{۳۷} (معجزه دير، خالق بير ايلده
ايكى قات آرتير. ل. ن. قومىلى افين يازديغينا گوره ۶۳۱- جى ايلده
يوز مين نفره چاتير؟^{۳۸}) (دۆرد ايلده ايكى قات آرتيم دا شوبهه
دوغورور). سئيانتو قبيله سى نين سايى ۷۰ مينه آلاچيغا چاتيردى. بو
ايكى قبيله آراسيندا نفاق دوشور. اويغورلارين رهبرى توميدو سئيانتو
قبيله لرينه هجوم ائديب اونلارى مغلوب ائدير و تورپاقلاريني اله
كتچيرير. ديگر اون تئله قبيله سى نين رهبرلىرى چين امپراتورونون يانينا
گنديب اؤز خاقان ليقلارى نين تانينماسيني خواهش ائديرلر. امپراتور
اونلارى قبول ائدير آما بير طرف دن ده سئيانتو رهبرى اينان خاقانا
ائلچى گؤنديرير و اونو خاقان كيمي تانيدىغيني بيلديرير. بؤيوك چۆلده
وضعيت درحال ديشير. اويغورلار محاربه نى فوراً دايانديرير و يئنى
خاقانا تابع اولورلار. سئيانتو دولتى نين سر حدلىرى آلتاي دان «خينقان» و
قوبى صحراسيندان بايكال گؤلونه تك بير منطقه نى احاطه ائدير. اينان
خاقان سئيانتو دولتى نى توركوت خاقان ليغى تپينده قورور. خاقانين
اوغلانلارى تقسيماتين باشيندا دورورلار. تولوس و تاردوش
بؤلمله لرى نين باشيندا دورورلار. فرق تكجه بوندادير كى، ايندى
تولوسلار شمالدا، تاردوشلار ايسه جنوبدا يئرلشيدى. اينان خاقانين
اوردوسونداكى عسگرلرين سايى ايكى يوزمين مينه چاتيردى. سئيانتو
خاقانى، بؤيوك چۆلده اونا قارشى چيخان هر هانسى توركوت خانى ايله

۳۷- ن. ي. بيجورين گؤستريلن اثر ص ۳۰۲.

۳۸- ل. ن. مولى اف. درئونيه تيوركى. ص ۲۲۱.

اوغورلو مبارزه ائده بیلیردی.

۶۴۰- جی ایلده چین امپراتورو «Tay tszun»، تورکوت و کییی قبیله لرینه، خوآن خه چاییندان شمال داکی چؤلّه کؤچوب اورادا مسکن توتماغا اجازه وئردی. تورکوت خاقان لیغی نین برپا ائدیلمه سی خبری سئیانتو خاقانی اینانی برک غضبلندیردی. اینان خاقان تورکوت لرین هامیسینی قیلینچ دان کئچیردی. آما تورکوت لری محافظه ائتمک اوچون، چین حکومتی خصوصی حربی چینوونیک^{۳۹} تعیین ائتمیشدیر و تورکوت لره هجوم ائتمک چین له محاربه یه باشلاماق دئمک ایدی. اینان خاقان بونا جرأت ائده بیلمز ایدی. ۶۴۱- جی ایلده اینان خاقان بو قناعته گلیر کی، تورکوت لردن قصاص آلماغین و اونلارا هجوم ائتمه نین واختی چاتمیشدیر. چین امپراتورو «تایشان» داغلارینا قوربان کسمه یه گئتمیشدیر و بوتون اوردودا اونونلا گئتمیشدی. اینان خاقان فیکیرلشیر کی، امپراتور اوردوسو تورکوت لرین کؤمه یینه چاتا بیلمز. او، تابع لیگینده اولان تونرا، بوغو، اویغور، موخه (جورجن) و تاتایی قبیله لرینی حاضرلاییر و اوردوسونو اوغلو «تاردوش شاد» ین سرکرده لییی ایله قوبی صحراسیندان جنوبا تورکوت لرین اوزرینه گؤندیریر. احتیاط اوچون هر عسگر اؤزو ایله دؤرد آت گؤتورموشدو و اونلاری دَییشه رک لشکر دایانمادان گئدیردی. آما «آشینا سیمو» تورکوت لرین رهبری بوندان خبردار اولوب واختیندا خوآن خه چایینی کئچیب «اوردوسا» چکیلیر و هجوم حاققیندا چین پایتاختی «چانان»ا خبر گؤندیریر. چین حکمداری

در حال سواری ضربه دسته‌سینی کۆمه‌یه گۆندیریر. ۶۴۱- جی ایلده، تورکوت و امپراتور قوشونلاری‌نین بیرلشمیش قوه‌لری «Noçjen» چایی ساحیلینده سئیانتو اوردوسو ایله اوز- اوزه گلیر. امپراتورون اوردوسو سئیانتولارین اوستونه یثیرییر و اونلاری دؤیوشه گیرمه‌یه مجبور ائدیر. سئیانتو عسگرلری‌نین هر بیرینی‌نین دؤرد آتی اولدوغو حالدا پیادا ووروشوردولار. دؤیوش زمانی آتلاری مخصوص آداملار ساخلایردی. دؤرد دؤیوشچونون آتینا (یعنی ۱۶ آتا) بیر نفر باخیردی. دؤیوشون اولینده سئیانتو قوشونو موفقیت قازانیر و اونلار اؤز همیشه‌کی تاکتیک‌لرینه صادق قالاراق تورکوت عسگرلرینی یوخ، اونلارین آتلارینی اوخونان ووروب آرادان چیخاردیرلار. پیاده ووروشماغا عادت ائتمه‌میش تورکوت‌لر گئری چکیلمه‌یه مجبور اولور. اونلاری تعقیب ائدن سئیانتو قوشونو هجوماً کئچیر و اؤز جرگه‌سینی پوزور. چین سرکرده‌سی «Litszi» بوندان استفاده ائدیب چین لشکرینی یوزلوک‌لر شکلینده ردیفه دوزور و سئیانتو لشکری‌نین سیرالاریندا یارانمیش بوشلوق‌لارا ضربه ووروب هجومون قارشى‌سینی آلیر. اوز قوت‌لرینی یئنی‌دن نظاماً سالان تورکوت‌لر، آرخادان هجوماً کئچیب سئیانتو قوشونونون اوبئش مین آتینی اله کئچیریرلر و سئیانتولاری دارماداغین ائدیرلر و قاجیرلار. بو حادثه قیش فصلینده باش وئردییی اوچون قالان قوشونون چوخ حصّه‌سی‌ده صحرا شاختاسیندا محو اولور. اینان خاقان عسگرلری‌نین سکسن فایزینی (۸۰ درصد) نفرینی ایتیریر. بو دهشت‌لی مغلوبیت‌دن سونرا اینان خاقان صلح ایسته‌مه‌یه مجبور اولور و عینی زماندا چین سارایی ایله قوهوم اولماق آرزوسونو بیلدیریر.

امپراتور ايسته ييركى، اينان خاقان اۋزو شخصاً سرايا گلسين و توى
 هديه سى اولاراق، لازم اولان قدر مال- قارا گتيرسين. مال- قارانى چينه
 آپارماق ممكن اولمور، چونكى بو زمان مال- قاراي يوت^{۴۰} دوشور. بوتون
 بونلار اينان خاقانين قدرتينى سارسيدير. اينان خاقان بير دفعه ده چينه
 حمله ائتمه يه تشبث ائدير. آما چين قوشونلارى ايله قارشلاشديغى
 زمان دالى چكيلير. ۶۴۵- جى ايل ده اينان خاقان اۋلور. سئانتو
 اعيانلارى اونون قانونى اوغلو «باچور» و دئييل، غير قانونى اوغلو
 «ايمان»ى خاقان سئچيرلر. باچور آتاسى نين دفينده هجوم ائديب
 ايمانى اۋلدورور و اۋزونو خاقان اعلان ائدير. چين قوشونونون اساس
 حصه سى گره محاربه سينده اولماسيندان استفاده ائدن باچور چينه
 باسقين ائدير ولى سرحد قوشونلارى نين طرفيندن مغلوب ائديلير.
 آتاسى نين سركرده لر ينى اعدام ائتديى اوچون دوشمن قوشونلارى
 اوندان ناراضى ايدى. بونا گۆرده ده چين قوشونلارى ياخين لاشديقدا
 اوردو خاقانى ترك ائديب داغليشير. باچور اويغورلار طرفيندن
 اۋلدورولور. ۶۴۶- جى ايلين پايزيندا چين قوشونلارى سئانتو
 اوردوسونون قاليق لارينا چاتير، بير حصه سىنى قيرير، بير حصه سىنى
 اسير آلير، بير حصه سى ايسه قاجيب داغليير. سئانتو قبيله سى
 هميشه ليك تاريخ صحنه سيندن چيخير.

چين امپراتورو سئانتو دولتينه داها دوغروسو بو دولت دن قالان
 قبيله لره رهبرليک ائتمك اوچون توركوت بهادر ينى گۆندريير. آما

اونون اوچون بوردا ایش تاپيلمير چونكى اويغورلار توميدونون رهبرليگي ايله عصيان ائديب سئياتولولارى مغلوب ائدير. اويغورلار غلبه دن سونرا ديگر رهبرلرى ايله بيرليکده چين حاکميتيني قبول ائديرلر. دوزدور بيرآزدان سونرا توميدويا قارشى مخالفت يارانير و مخالفلر اونو اۆلدورورلر. بئله كى: توميدونون بۆيوك قارداشى نين اوغلو «اۆگه» توميدونون آروادى ايله علاقه يه گيرير. او «قوتلو باغاتارقان قولى لوبو» ايله بيرليکده قيام ائديب و تورکوت حکمدارى «چبى» خاقانين طرفينه گئتمک ايسته ييردى، اونلار هر ايكيسى چبى خاقانين كوره كنى ايدى. اۆگه بير دسته آتلى ايله توميدونو توتوب اۆلدورور. «يان ژان» جانشين ين معاونى يوآن لى - چئن اۆگه يه خبر گۆنديريكى، باش رئيس اولدوغو اوچون اونون يانينا گلمله يدير. اۆگه اورايا گلينجه اونو توتوب باشيني كسيرلر. چين حكومتى اۆلوموندن سونرا توميدويا حربى رتبه وثيرير و اونون دفنى اوچون چوخ هديّه گۆنديرير. توميدونون اوغلو «Pojun» اوچون حربى رتبه وثيريلير و اويغورلارين رهبرى تعيين ائديلير. بوندان سونرا اويغورلار چين امپراتورلوغونون صادق تبعه لرى اولورلار و چين ين بوتون محاربه لرينده اشتراك ائديرلر. چين سالنامه لرى خصوصاً «قان مو» اويغورلارى چين سيلاحى نين شهرتى، چين دولتى نين قدرتى يولوندا گۆستردىگى قهرمان ليقلارلا دولودو. مثلاً ۶۴۵- جى ايل ده چين - گره محاربه سينده «كيبى خلى» (اويغوردور) آدلى بير نفرين گۆستردىگى شجاعتلر حاققيندا قان مو سالنامه سى نين آيرى - آيرى صفحه لرينده حرمت له دانيشيلير. سالنامه چى حتّى يازير كى، كيبى خلى نين ياراسيني امپراتور اؤزو معالجه ائديردى و او اؤزو

شخصاً خلینى يارالايان آدامى آختاریب تاپیر و خلییه اسیری
اۆلدورمه‌یى تکلیف ائدیر: خلی دئییر: او اۆز حکمداری اوچون
ووروشوردو، بو صادق و جسور دؤیوشچودور من اونو باغیشلايرام.

کویلو باغاتارقان قویلوبو چین سرائینا گلن کیمی اونو توتورلار.
«آشیناخلو» بئش بالیق (Beytin) شهرینی تالان ائندنه «پوژون» ۵۰
مین سواری ایله آشیناخلونو مغلوب ائدیر و بئش بالیغی گئری آلماقدا
کیبی خلییه کؤمک ائدیر. پوژون چین اوردوسو ایله بیرلشیب «ایلی»
جایی طرفینده «QinyaŞan» داغلاری یاخین لیغیندا آشیناخلونون
قوشونون دارماداغین ائدیر. چین حکومتی اونون حربی رتبه‌سینی
آرتیریر و او گره محاربه‌سینده، چین امپراتورونا چوخ کؤمک ائدیر.
پوژون وفات ائتدیکن سونرا اونون اوغلو «ییلی» اویغورلارین رئیسی
تعیین ائدیلیر. بیز کیبی خلی آدینا ۶۵۲ - جی ایل چین - تورکوت
محاربه‌سینده ده راست گلیریک. او ۵۰ مین نفرلیک تئله قوشونونون
باشیندا (۲۰ مین لیک چین قوشونو ایله بیرلیکده) تورکوت حکمداری
«آشینا ایش‌بارا» خاقان ایله ووروشمادا اشتراک ائدیر.

اویغورلار چینه تابع اولدوقدان سونرا اونلارین یاشادیقلاری
تورپاقلاری «یان‌ژان» جانیشین لیگینه داخل و جانیشین لیگین آدی
دیشدیریلیب بایکال جانیشین لیگی اعلان ائدیلیر. بیلی اۆلدوکدن سونرا
اوغلو «دوقه‌ایچ‌ژی» اونون یئرینه تعیین اولونور.

چین منبع‌لرینه گۆره ۶۵۶ - جی ایلده اویغورلار تئله قبیله‌لریندن
«یوانگه» (اویغور) باییرقو، سیقه، بوغو و تونرا قبیله‌لری چین امپئریاسینا
قارشى عصیان ائدیرلر. عصیانچیلارین باشیندا مرحوم خاقانین باجیسی

«بی سوڭو» دوروردو. ۶۶۲- جی ایلین اوللرینده عصیان یاتیریلیر، آما چین اوردوسو قیشین سویوغوندان آغیر تلفات گؤرور.

تئله قبیله لری اؤز تاریخ لری بویو نئچه دفعه مسکن لرینی دییشمیشلر. منبع لر اونلارین مسکون لاشماسینی یئددینجی قرنین اورتالاریندا بئله یازیر: غربده «szabaxan» چایی ایله شرقده اورخون چایی نین منبعینده «خانقای» داغلاریندا دولانقه- تئله گئت لر، سئلنگا چایی نین یوخاریلاریندا سیه- ایزگیل لر، سئلنگا و اورخون چایلاری نین آراسیندا تونلو- تونرالار، سئلنگا و اورخون چایی نین آشاغی سیندا بوقو- بوغولار، تولا و اورخون چایلاری نین- آراسیندا کی چؤلده اویغورلار، کئرونده شمالدا خینتای و خینقان آراسیندا بایئقو- بایئرقولار، بوغولاردان غربده سئلنگا چایی وادی سینده سیه لر (نه دنسه سیه- ایزگیل قبیله لری نین مسکون لاشدیغی یئر ایکی دفعه گؤستریلیر) و بایئرقولاردان جنوبدا بایسی لر (گویا باسملار) زابایکالی ده قولیقان- کورگانلار، آلاشان داغلاریندا آدئه- ائدیزلر، اوردوسدان (شوفان دان) غربده چؤلده هون و کیبی لر یاشامیشلار.

قبیله لرین سایى آز ایدی. مثلاً ۶۸۸- جی ایلده اویغورلار استقلال اوغروندا تورک لره قارشى چیخیش ائتدیکده جمعا ۶ مین لیک قوشون چیخارمیشدی لار. ۶۸۸- جی ایلده اویغورلارین سایى ۳۰ مینه یاخین ایمیش. بونو دا نظره آلماق لازم دیر کی، اویغورلار تورک قبیله لری آراسیندا آن چوخ جمعیتته مالیک ایدیلر. بو ۳۰ مین آدام دوققوز قبیله نی (دوققوز اوغوز بودون) تشکیل ائدیردی و بئله لیکله هر قبیله یه

۳/۳۳ مین آدام دوشوردو. اکستنسئو^{۴۱} مالدارلیق شرایطینده بو قدر آدام تصرفات - تشکیلات واحیدی - اوغوز تشکیل ائدیردی.^{۴۲} دوققوز اوغوز تئرمینی ده بورادان میدانا گلیمیشدیر.

۶۸۱- جی ده تورک قبیله لری چین استبدادینا قارشى عصیان قالدیردیقلاریندا اویغورلار نه اینکی عصیاندا اشتراک ائتمه دیلر حتی اونو دوشمنجه سینه قارشیلادیلار. اویغور، یاخود دوققوز اوغوز قبیله لری «خالخا» دا چین امپراتورونون صادق خدمت چیلری ایدی. چین دولتی رتبه و هدیه نی اونلار بول - بول پایلا بیردی. آزادلیق ایده آلی اونلار یاد ایدی. اونلار اؤز لرینه قدرتلی دولت یارادا بیلمه میشدیلر و بونا تلاش دا ائتمیردیلر.

چین منبع لری نین یازدیغینا گوره ۶۸۲- جی ایلده چین دولتی نه قارشى عصیان ائتمه دن بیر آز اؤل گؤک تورک قبیله لری نین باشچىسی «قوتلوق خان» دوققوز قبیله یه، یعنی اویغورلارلا هجوم ائدیپ، پارتیزان حرکاتی اوچون ضروری اولان چوخلو آت اله کئچیرمیش و اویغورلارین حسابینا چوخ دا وارلانمیشدی.

قوتلوق خانین ریاست ائتدیگی گؤک تورک قبیله لری نین خالخادا گؤرونمه سی خانقایین بوتون مسکونلارینی ناراحت ائدیر، اونلار باشا

^{۴۱} - گنیش لن.

^{۴۲} - باخ ل. ن. قومیلی اف درنونییه تیورکی، ص. ۲۶۷. من اوغوز کلمه سینى «تصرفات - تشکیلات واحیدی» یلدرن تئرمین کیمی قبول ائتمیرم. من بنله حساب اندیرم کی، بو کلمه مرکب ترکیبه مالیکدی. اوغ + اوز. اوغ سؤزو اوغلان، اوغوش و سایر سؤزلرده ده محافظه ائدیلیر. ز مورفئمی ده جمع لیک عنصری دیر.

دوشورلر کی، آزاد حیاتین سونو چاتمیشدیر. چؤلون بوتون قبیله‌لری گۆک تورکلره قارشى محاربه‌یه حاضیرلاشیر. سونرالار اوچ گۆی تورک خاقانی‌نین وزیرى اولموش مُدریک «تونیکوک» بو وضعیتی بئله ایفاده ائتمیشدیر: «یاغی‌میز اطرافدا قوش تکی ایدی، بیز ساییق (لش) ایدیک. (تونیکوک کتیه‌سی ۸- جى سطر). «تانشو» آدلى چین سالنامه‌سی گۆی تورک اورخون یئنی‌سئی عاییده‌لری‌نین دوققوز اوغوزلارین «باز» آدلان‌دیردیغى خاقان چین دولتینی و ختای قبیله‌لرینی قوتلوق‌خانا قارشى اتّفاقا و اتّحادا چاغیریر. بو اتّفاقا گۆره، چین‌لیلر جنوبدان، ختای‌لار شرق‌دن، اویغورلار ایسه شمال‌دان هجوم ائتمه‌لی ایدیلر. غرب‌ده یاشایان تورک دیللی اوڭ‌اوخ قبیله‌لری (بئش‌دؤل و بئش‌نوشیبی قبیله‌سی)‌ده اونلارا کۆمک ائتمه‌لی‌ایدی. «ایل‌تریس» خاقان (قوتلوق‌خان، خاقان اولدوقدان سونرا بو آدی قبول ائتمیشدی) بوندان خبردار اولور و دوشمنین قاباغینا چیخماق قرارینی آلیر. او اوّل تونیکوگون فرمانیندا اولان بیر دسته‌نى اویغورلارا قارشى گۆندیریر. تورکلر و اویغورلار «تولا» چایی ساحیلینده قارشلاشیرلار. ۲ مین‌لیک تورک دسته‌سینه قارشى ۶ مین‌لیک قوشون چیخارماسینا باخمایاراق اویغورلار مغلوب اولورلار. باز خاقان هلاک اولور و اویغورلار گۆی تورکلره تابع اولور. تونیکوک بو حادثه‌لری بئله تصویر ائدیر: اوتورورکن، اوغوزلاردان جاسوس گلدی و بئله دئدی: دوققوز اوغوز خالقینی اوستونده خاقان اوتوردو: تابقاچ‌لارین (چینلی‌لرین - آ. ر) یانینا «کونی‌سه‌نون» و گۆندرمیش. ختای‌لارین یانینا «تۇنراسمی»‌نى گۆندرمیش، خبری ائله گۆندرمیش: آزاجیق تورک خالقى ژوپوژو

ايميش. خاقانى آلپ (جسور) ايميش. آيقوجى سى (وزىرى) مُدريك ايميش. نه قدر كى، او ايكى آدام وار، سنى، تابقاچى (چين) اۆلدوره جكدير، دئيىرم: شرق ده ختايى اۆلدوره جكدير، دئيىرم: منى اوغوز اۆلدوره جكدير، دئيىرم: تابقاچ جنوب طرفدن هجوم ائت. ختاي، شرق طرفدن هجوم ائت. من شمال طرفدن هجوم ائديم. تورك «سير» خالقى يئرینده صاحب يورومه سين. باجارساق، حكمدارىنى محو ائدهك - دئيىرم. او خبرى ائشیدیب، گئجه يوخوم گلمه دی، گوندوز اوتورماغیم گلمه دی. اوندان اۆترو خاقانىما مراجعت ائتدیم. ائله مراجعت ائتدیم:

تابقاچ، اوغوز، ختای - بو اوچلوك بيرلشسه، قالاساييق بيز اۆز ايچینی، بايیرینی توتموش تك يعنى (محاصره ده قالاجاييق).

نازیک ايكن توپلاماق آسان ايشدير، اينجه ايكن اوزمك آسان. نازیک قالین اولسا، توپلاماق ايگيت ايشیدير، اينجه يوغون دا اولسا، سيندرماق ايگيت ايشیدير. شرق ده ختایدا، جنوب دا تابقاچدا، غرب ده كورداندا، شمال دا اوغوزدا، ايکی - اوچ مين قوشونوق، گله جه ييك بونا سوزون وارمی؟! ائله مراجعت ائتدیم. خاقانىم، منیم اۆزوم مُدريك تونیو كوگون، ائتدیگی مراجعتی ائشیتدی - ايسته ديگين قدر، آپار - دئدی.

«گۆی اۆنوك» يوخاری قوشونو، «اۆتوكن» اۆرمانينا آپاردیم. اينك و يوك حيوانلاری ايله توغلادا اوغوزلار گلدی. قوشونو، ۶ مين ايميش. بيز ۲ مين ايديك. دؤيوشدوك. تانری يار اولدوغو اوچون داغيتديق (يايدیق) چايا تۆكولدو. سېه ليندیگی يوللاردا دا البته اۆلدولر. سونرا

اوغوزلار تابع اولماغا گلدى. (تونيو كوك داش يازىسى ۱۶-۸ جى سطرلر). اويغور، چين و ختاي قبيله لرى اتفاقينا قارشى آپاريان محاربه لره يثكون ووراراق تونيو كوك يازير كى: ايل ترىس خاقان جنوبدا تابقاچى، شرق ده ختاي، شمالدا اوغوزو چوخ اؤلدوردو. (تونيو ك عابده سى ۷-جى سطر). قوتلوق خان، ايل ترىس خاقان آدى قبول ائدير و خالخانى اؤزونه تابع ائديب و اوردوسونو اوتوكن ده سالىر. گؤك توركلرى، اؤتوكنى اوردو اوچون سئجمه لرى ايله علاقه دار اولاراق، اويغورلار بير مدت قوهوم قبيله لر ايله بيرليكه اؤتوكنى ترك ائدير و جنوبا «قانسو» اطرافينا گئديرلر. اصلينده بو كؤنول لو يوخ، مجبورى كؤچمه ايدى. ۷۰۶-۷۰۳ - جى ايللر آراسيندا گؤي توركلره چين ليلر آراسيندا بارىش اولور. چينلى لر، اويغورلار آراسيندا تبليغات آپاريب و اونلارنى خيانتته تحريك ائديرلر. تولا دؤيوشونده اؤلدورولموش باز خاقانين اوغلو «دويقيچى» اؤز اويغور قبيله سى ها بئله كيبى، ايزگيل و هون قبيله لرى ايله بيرليكه قاجيب قوبى صحراسينى كئچير و چين امپراتورلرلارونا تابع اولور. چينلى لر اونلارنى «ليانچى» اطرافيندا «آلاشان» دا و «قان سو» دا يئرلشديرير. و قوتلى سوارى اؤز اوردولارينى جلب ائديرلر.

«قاپاغان» خاقانين حاكميتى ايللرينده (۷۱۶-۶۹۲) گمان كى، سونلاريندا دوققوز اوغوز قبيله لرى ايله گؤي توركلر آراسيندا قانلى دؤيوشلر اولور. چين سالنامه سى يازير كى: «اويغورلار ين رهبرى باز خاقان اولدوقدان سونرا اونون اوغلو «دويقيچى» اونون جانيشينى اولدو. بو زمان قاپاغان خاقان گؤچلندى و تئله توپراقلاريني اشغال ائتدى. بو

سېبدن دە اويغورلار اوچ قىبلە ايلە - كىبى، سىقە (ايزگىل) و ھون قىبلەلر يە بۇيوك قوملو چۇلو كئچدى و «ليانچژو»، «قانچژو» قارشىسىنداكى تورپاقلارى توتدو. تان سلالەسى دىۋىزىيا (گۇردان) اوچون تئز - تئز اونلاردان گوجلو سوارىلر گۇتوردو. دوقىچى ژى اۋلندن سونرا اونون يئرئە اوغلو «فودىفو» تەيىن ائىلدى. او بىرى ايل، ۶۶۳ - جى ايل فودىفو تان سلالەسىنە كۆمك ائەدرك. «موچچژو» يا قارشى گئتدى و اونو اۋلدوردو.^{۴۳} بورادان فودىفونون خان تەيىن ائىلمەسىنى و باباسىنىن وفاتىنىن تارىخىنى مەيىنلەندىرەك اولار. (۶۶۲ - جى ايل) لاکىن مەلۇمدور كى، دوقىچى ژى ۷۰۶ - ۷۰۳ ايللر آراسىندا باغلانمىش چىن - تورك صلح نامەسىندە سونرا جنوبا - چىنە كۆچموشدور. داھا بىر مەلۇم فاكت دا بودور كى، قاپاغان خاقانى اويغورلار بوخ، بايرقولار اۋلدورموشدور. چىن تارىخچىسى گۇرونور، نەبى ايسە دولاشىق سالىر.

اصليندە حادثەلر باشقا جور و باشقا تارىخ دە باش وئرمىشدور. ۷۱۵ - ۷۱۰ - جى ايللر آراسىندا غرب دە قارلوق و دوققوز اوغوز قىبلەلرى تورك خاقانليغىنا قارشى عصيان ائەدور. ۷۱۵ - ۷۱۰ - جو ايللردە كول تيگىن^{۴۴} قارلوق قىبلەلرىنىن عصيانىنى ياتىرماق لا مشغول اولور. ۷۱۴ - جو ايلدە دوققوز اوغوز قىبلە اتقاقىنا داخىل اولان ايزگىلرلە دۇيوشور. تورك اوردوسو ۷۱۵ - ۷۱۴ - جى ايللر آراسىندا دوققوز اوغوز

^{۴۳} - ن. ي. بيجورىن. گۇستريلىن اثر. ص ۳۰۶.

^{۴۴} - اصليندە «گۇل تكىن اولماليدور.

قبيله لرینه قارشى ۵ حربى عمليات كئچيرير. ۷۱۵- جى ايلده دوققوز اوغوزلار مغلوب ائدیلیر لاکین عصيان ياتيريلمير. گؤل تيگين ين حربى شجاعت لريله علاقه دار اولان بو حربى عمليات لارى اونون عاييده سى نين موللى «يول ليغ تيگين» آتاسى بيلگه خاقانين دىلى ايله بئله تصوير ائدير: عميم خاقانين ائلى قاريشيق اولدوقدا و خالقين ائلى عاصى اولدوقدا ۷۱۴- جو ايل ايزگيل خالقى ايله دؤيوشدوك. گؤل تيگين «آلپ شالچى» نين آغ آتيني مينيپ هجوم ائتدى. او آت اورادا اؤلدو. ايزگيل خالقى اؤلدو. دوققوز اوغوز خالقى اؤز خالقيم ايدى. تانرى يئر- گؤى قاريشديغى اوچون ياغى اولدو. بير ايلده بئش دفعه جنگ ائتديك. اول «توغو» شهرينده گؤل تيگين «آزما» نين آغ آتيني مينيپ هجوم ائتدى، آلتى عسگرى نيزه دن كئچيردى و يئددىنجى دؤيوشچونو قىلىنچ لادى. ايكىنجى «كوشلاغاكد» «ائديز» ايله دؤيوشدوك. گؤل تيگين «آز كهر» نى مينيپ هجوم ائديپ اول بير عسگرى سونرا دوققوز عسگرى محاصره ده نيزه دن كئچيردى. ائديز خالقى اورادا اؤلدو. اوچونچو دفعه «بؤلن» دا اوغوز ايله دؤيوشدوك. گؤل تيگين آزمانين آغ آتيني مينيپ هجوم ائتدى نيزه دن كئچيرتدى. قوشونونو قيرديق و ائلىنى آلدیق. دوردونجو دفعه «چوش» باشندا دؤيوشدوك. تورك خالقى آياغىنى قاجاراق قويدو خايين اولاسى ايدى. قاباق قوشونونو گؤل تيگين قوۋوب «تونرا» لاردان بير قبيله «آلپاغو» لاردان اون دؤيوشچونو «تونا تيگين» ين دفينده محاصره ائديپ اؤلدوردوك. بئشىنجى دفعه «آزگنتى كاداز» دا اوغوز ايله دؤيوشدوك. گؤل تيگين آز كهرىنى مينيپ، هجوم ائتدى. ايكى عسگرى نيزه دن كئچيردى، شهره گيرمه دى، او قوشونو اورادا

اۋلدوردوك. «ماغى كورقاندا» قيشلايىب يازدا، اوغوزلار قارشى سرحدى كىچىك. گۈلتىگىن اتۇى مدافعه ائتمەيە تەيىن ائتىك. گۈلتىگىن يىتىم آغ آتى مېنىب دوققوز دۇيوشچونو نىزەدن كىچىرتدى اوردونو وئرمەدى. (گۈلتىگىن عابىدەسى، شىمال اوزو ۹-۳-جو سطرلر). دئمەلى ايزگىل قىبىلەلرى نىن دە دوققوز اوغوزلار عايد اولدوغونو نظره آلساق (بىلگە خاقان اونلارى دوققوز اوغوزلاردان بىلمىر) دوققوز اوغوزلار ۷۱۴- جو ایلده گۇي-تورک خاقان لیغینا قارشى عصيان ائتمىش. عصيان ۷۱۵- جى ایلە قدر دوام ائتمىش و بو اىكى ایلده تورکلر ایلە دوققوز اوغوزلار آراسیندا آلتى جنگ باش وئرمىشدى. گۈلتىگىن عابىدەسىندن گىردىگىمىز پارچانین سون جملەسىندن بئله بىر نىتىجەيە گلەك اولور كى، دوققوز اوغوزلارین عصيانى او قدر گۈجلو اولموشدور كى، اونلار حتى، خاقان اوردوسونا هجوم ائتمىشىدلر.

۷۱۶- جى ایلده بايىرقو قىبىلەسى نىن رئىسى «اولوغ ایرکین» تورک خاقان لیغینا قارشى عصيان ائدىر و خاقان اوردوسونا قوشون چكىر. ۷۰۶-۷۰۳- جى ایللر آراسیندا بايىرقو قىبىلەلرى نىن عصيانىنا دا اولوغ ایرکین باشچىلىق ائتمىشدى: - يئر بايىرقو سرکردهسى اولوغ ایرکین ياغى اولدو. اونو داغیدیب «تورقى يارغون» گۈلۈندە مغلوب ائتىك و او آز عسگرلرلین قاجیب گئتدى. (گۈلتىگىن عابىدەسى شىرق اوزو: ۳۴- جو سطر) گۇرونور اولوغ ایرکین او واخت چینه قاجمىش ايمش. چين سالنامه چىسى ناحق يئرە يازمىر كى، فودىفو تان سلالەسىنە كۆمك ائدەرک موچرۇيا قارشى گئتدى و اونو اۋلدوردو. قاپاغان خاقان بايىرقو قىبىلەسىنە قارشى حربى يوروشە شىخصاً اۋزو رهبرلىك ائدىر. تورکلر

تولا چايى ساحيلينده بايىر قوشونو ايله قارشىلاشیر و تام غلبه چالیرلار. آما قاپاغان خاقان قرارگاه قايىداركن تلهيه دوشور و اؤلدورولور.

جنوبا كؤچن اويغورلار چينلى لرله اويوشموردولار. اونلار اوچون ان ياخشى شرايط ياراديلسا دا چين چينوونيك لرى^{۴۵} اويغورلارا قارشى تحريك تشكيل ائتمكدن چكىنميرديلر. «وان-گون چو» آدلى بير چينلى دولت خادىمى اويغورلارین سرکردهسى «چن تسزون» لا سؤزلاشیر. بير مدّت سونرا وان گون چونو «خسى» ايالتينه والى تعيين ائديرلر. اوندا والى پايتاختا خبر گؤنديرير كى، چن تسزون ايمپريادان آيريلماق ايسته يير. چن تسزونو سورگون ائديرلر. اويغورلار چوخ اينجيك اولور و بو واختدا تبت و چين آراسيندا جنگ باشلاير. خسى واليسى وان گون چو حربه يوللانير. اويغورلارين تابع ليگينده گؤنديريلميش رهبرى نين اوغلو «خوشو» خالقى توپلاير و آتاسى نين انتقامىنى آلماق اوچون پوسقو قورور و اونو (يعنى وان گون چو) نو اؤلدورور. عصيان ائدن اويغورلار چين دن «كوچا» يا گئدن كاروان يولونو كسيرلر. «آنسى» تورپاقلاريندان پايتاختا خراج گؤنדרمك ممكن اولمور. چين قوشونلارى ايله اويغورلار آراسيندا سلاحلى دؤيوش لر اولور. بير مدّت سونرا خوشو اؤز خالقى ايله خسى ايالتيندن شمالا كؤچور و يئنى دن توركلره تابع اولور آما بير مدّت دن سونرا وفات ائدير و اوغلو «كولى پئيلو» اويغورلارين رهبرى سئچيلير.

^{۴۵} - دولت خادىمى. دولت مامورو.

بو حادثه‌لرین اویغورلار اوچون بؤیوک اهمیتی واردیر. اولاً دوققوز اوغوز قبیله اتقاقی ضعیف باغلارلا بیر- بیرینه باغلانمیش دوققوز قبیله‌دن عبارت ایدی. جنوبا یالنیز ۴ قبیله- خویخو (اویغور)، کیمی، سیکه (ایزگیل) و هون قبیله‌لری کؤچموشدو. سونرا- تونرا و بایسی (باسمیل) قبیله‌لری ده اونلارا قوشولموشدو. یاریم قرن سونرا- آلاشان و نانشان داغلارینین اتک‌لریندن «خالخا» یا مؤنولیت^{۴۶} خالق- اویغورلار قایدیدردی. احتیاج- دایمی جنگ‌لر، تعقیبلر، عادت- عنعنه‌نی، دینی، مدنیّتی، دیلی یاد تأثیریندن قوروماق قایغی‌لاری قبیله‌لر آراسینداکی سویوقلوغو آرادان آپارمیش و اونلاری واحید بیر خالق شکلینده بیرلشدیرمیشدی.

اویغور مدنیّتی چین و تبت مدنیّتیندن فرق‌لندیگی کیمی تورک مدنیّتیندن ده فرق‌لنیردی. اویغورلارلا تورکلرین پسیخولوژیاسی دا فرق‌لی ایدی. تورکلر چین علیه‌نه عصیانا اؤز ایش- گوجلرینی تابقاچلارا وئرمه‌مک و آزادلیق اوچون قالخمیشدی‌لار. آمما اویغورلار اؤز رهبرلرینین انتقامینی آلماق اوچون عصیان ائتمیشدی‌لر. ایستر دیلده‌کی، ایستر مدنیّت و پسیخولوژیا بو کیچیک فرق‌لر بیر یئره توپلانیدقا بؤیوک فرقه چئوریلیر و بو ایکی خالقی بیر- بیریندن آیریردی.

گؤی تورکلرین اویغورلار اوستونده‌کی حاکمیتی یاریم قرن‌دن چوخ (۷۴۱-۶۸۸) سورور. اویغورلارین رهبری آتاسیندان ارثی اولاراق

«شاد» رتبەسى آلىر و ۷۴۲- جى ايلدە دوققوز اوغوز خالقىنى بىرلشدىرير. و ھەن ايل اونون باشچىلىقى ايلە اويغور، باسمىل و قارلوق قىبلەلرى گۇى توركلرە عصيان ائدير و غالب اولورلار. باسمىللارین رھبرى خاقان اويغورلارین رھبرى، شرقى، قارلوقلارین رھبرى غربى يابقو اعلان ائدىلير. گۇک توركلر خاينجەسىنە اۆلدورولن «پانكول»ون اوغلو «اۆزمىش تيگين»ى خاقان سچىرلر. آما آرتىق گئچ ايدى، اۆزمىش خاقان مغلوب اولور، آما چينە گئتمك اوچون چين امپراتورونون تكليفينى رد ائدير. ۷۴۴- جى ايلدە باسمىللار اونو توتوب اعدام ائدىرلر و غريبە بوراسى دىر كى، اۆزمىش تيگينين توتولماسى و اعدامىنى اويغور خاقانى «قولى پئىلو»دان سونرا اويغور خاقانى اولموش. «مويونچور» اۆز خدمتى حساب ائدير: «اۆزمىش تيگين خان اولموش. قويون ايليندە (۷۴۳- جى ايلدە) قوشونلا يورودوم. ايكينجى دؤيوشو ان ايلك آيين آلتىسيندا هجوم ائتديم. اۆزمىشى توتدوم. خانمىنى اوندا آلدیم.» (مويونچور عايىدەسى ۹-۱۰ سطرلر). توركلرين بىر حصەسى اۆزمىش تيگينين قارداشى «باي مى» خاقان «كولونبى»ين رھبرليگيندە مبارزەنى دوام ائتدىرير. بو زمان عصيانچىلار آراسيندا ايكى تيرەليك باش وئيرير. اويغورلارین باشچىسى كولى پئىلو باسمىللارا هجوم ائديب اونلارى مغلوب ائدير، باسمىللارین خاقانى «سئدەيشى» خاقانين باشىنى كسير، چين پايتاختى «چانان» شەرىنە گۆندريب خواھش ائدير كى، امپراتور اونون «قوتلوغ بىلگە كولچور» رتبەسىنى قبول ائتسين. باسمىللارین بىر عدەسى «بئش بالىق» شەرىنە قاچير و اورادان چينە گئدير، بىر قسمىدە

اویغورلار قاریشیر. بای می خاقان بو ایکی تیره لیکدن استفاده ائتمه یه چالشییر. قوتلوغ بیلگه خاقان بای می خاقانین باشینی کسیب چانانا گۆندیریر و اۆزونه امپراتورون خیردا فئودالی اعلان ائدیر. اویغورلار تورکلری بوتون چؤل بویو دارماداغین قورد اوولایان کیمی ایزله ییر، توتوب اۆلدورورلر. بیلگه خاقانین دول قالمیش آروادی «پوئی پوفو» (تونو کوگون قیزی) ساغ قالمیش تورکلری باشینا ییغیب چینه آپاریر. او، آداملاری خلاص ائدیر آما خالقى محو ائدیر، چونکی گۆی تورکلر آز بیر زمان عرضینده چینلی لشییرلر.

دوشمن لری الدن چیخمیش اویغورلار بوتون غضبلرینی گۆی تورک اورخون- یئنی سئی عابیده لری نین اوستونه تۆکورلر. اونلار تورک بهادورلاری اوچون قویولموش بوتون هیکل لرین باشلارینی سیندیریر، گۆل تیگین یین هیکلینی تیکه- پارچا ائدیرلر. اویغورلارین مقصدی بو ایدی کی، تورک ائلی و اونونلا علاقه دار اولان هر شئی محو ائتسین لر و تورکلری خالقین یادداشیندان سیلسین لر.

اویغورلار اۆز دولت لرینی گۆی تورکلردن فرقلی قورموشدولار. اوغوز خالقینی دوققوز طایفا تشکیل ائدیردی کی، بو قبیله قبیله لر اتقاقیندا آپاریجی قوه ایدی، آما حاکم قوه دئییلدی. اویغورلار باسمل و شرقی تورکلری تابع ائتدیکده اونلاری کۆله (برده) وضعیته سالمادیلار، اۆزلری ایله برابر آدام کیمی قبول ائتدیلر. دیگر آلتی تئله قبیله سی- بوغو، هون، باییرقو، تونرا، ایزگیل و کیبی قبیله لری ده وظیفه و حقوقی نظردن دوققوز اوغوزلارلا برابر توتولدو. سونرا، اویغورلا باسمل و قارلوق قبیله لرینی ده تابع ائتدی و قبیله لرین سایى اون بیره چاتدی و

اویغور تورپاقلاریندا اون بیر والی لیک (ایالت) یارادیلدی.

اویغور خاقانی نین قرارگاهی اؤتوکن (خانقاي) داغلاری ایله اورخون چایی آراسیندا ایدی. دولتین سرحدلری شرق ده غربی منچوریانی، غرب ده جونقاریانی احاطه ائدیردی. اویغورلارلا قارلوقلار آراسینداکی سرحد ۷۴۵- جی ایل محاربه سیندن سونرا معین اولموشدو. گوئی تورکلر مغلوب ائدیلدن سونرا قارلوقلار تورگیش لرله اتفاقا گریب اویغورلارلا قارشى يوروش ائتمیش، لاکین مغلوب اولموشدولار. بونون نتیجه سینده قارا ایرتیش چایی ساحیلینده یاشایان قارلوقلار اویغور خاقان لیغی نین ترکیبینه داخل اولموشدولار. «قوتلوق بیلگه کول» خاقان اؤز تورپاقلارینی شرق ده «شیوه» یه غرب ده آلتای داغلارینا قدر گئیش لندیریر. دولتین سرحدلرینی جنوب دا قوبی صحراسینا چاتدیریر. یعنی هونلارین حاکمیتی آلتیندا اولان بوتون تورپاقلاری توتور.

اویغورلا قوبی صحراسیندان غرب ده اولان چؤل و چین امپراتورلوقو اوچون ساخلامیشدی. سونرالار خاقان لیغین سرحدلری شمال غربه دوغرو گئیش لندیرلمیشدی. آما قید ائتمک لازم دیرکی، اویغورلار اراضی اشغالینا میل ائتمیردی. اویغور خاقان لیغی قبیله لر کونفئدراسیونوندا تشکیل ائدیلمیشدی، بو دا خاقانا محاربه لر آپارماق اوچون قوشون ییغماغا امکان وئریمیردی. دیگر طرفدن قبیله لر گوئی تورکلر دؤرونده کی فاصله سیز جنگ لر دن جانا گلیمشیدیلر.

بوتون بونلار اویغورلارین صلح سیاستی یئرئتمه سینه سبب اولوردو. قوتلوق بیلگه کول خاقان (چین دیلینده کولی پئیلو) «مویون چور» ون

آتاسى اويغور خاقانلىغى نىن بانيسى اۋزونو چىن امپراتورونون واسسالى^{۴۷} اعلان ائىدىردى. ۷۴۷- جى ايلده خاقانلىق تاختىنا اوتوران مويون چور خاقان دا بو سياستى دوام ائىدىرىدى. غرىبه دىركى، مويون چورون تاختا اوتورماسى خالقين ناراضى ليغينا سبب اولوردو. عصيان چيلارا يابغقو «تاي بىلگه توتوق» باشچىلىق ائىدىردى. مويون چور شرفينه قويولموش عايىده ده بو فاكتا گۆره دئىلىر كى، «قارا بودون منه صادق ايدى آما بى لر تاي بىلگه توتوغو خاقان اعلان ائىدىلر. من قوشونو يىغىب اونا هجوم ائىدىم... نيزه دن كئچىرتدىم، غالب اولدوم، توتدوم» (مويون چور عايىده سى ۱۲-۱۳- جو سطرلر). آما ائله مويون چورون اۋزونون دئىگى بو سۆزلردن خالقين اونون طرفينده اولمادىغى آيدىن اولور. تاي بىلگه آلچاقلىق ائىدىگى اوچون، بير ايكي مشهور آدام آلچاقلىق ائىدىگى اوچون ملتيم اولدون، سونا يئتىدىن، يىيه نه تابع اول، اولمه مه لى، سونا يئتمه مه ليسن- دئىدىم، يىيه نه ايشىنى، گوجونو وئر،- دئىدىم، ايكي آى گۆزله دىم، گلمه دى. سگگىزىنجى آيين بيرىنده.- قوشون يورودون دئىدىم (مويون چور عايىده سى ۱۷- جى سطر). كىتاي و تاتار قىيله لر ده عصيان چيلارا قوشولدو. مويون چورو تىكجه آتاسى نىن دوستلارى مدافعه ائىدىردى. لاكىن آتاسى نىن اعيانلارى بير مدت يئنى خاقانىن حاكىمىتىنى قبول ائتمه دى. «بوكه گۆگ» ده ايكي گونلو ك دؤيوشده مويون چور خىتاي و تاتارلارى داغىدير و اۋز قىيله سىنه تابع ائىدىر.

^{۴۷} -بۇيوك حكومت طرفىندىن تعين اولموش فتودال. اۋزوندىن بۇيوك بير حكومته باغلى اولان

كىچىك حاكم. حاكم دست نشانده.

«....اوندا بوکه گوگه چاتدیم گئجه گونش باتاندا دؤیوشدوم. اورادا نیزه دن کئچیرتدیم، غالب اولدوم، گوندوز قاچمیش، گئجه توپلانمیشدیلار. بوکه گوگده، سکگیز اوغوز، دوققوز تاتار قالمادی. آیین ایکی سینده گون چیخاندا دؤیوشدوم.» (مویون چور عابیده سی، ۱۳- جو سطر). خاقان اعیان لاری غضبلندیریر. آمما ملّتی باغیشلاییر. «گناهکار رهبرلری تانری الیمه وئردی، ساده کوتله نی قیرمادیم. ائوینی، سرایینی، ایلخی سینی، غارت ائتمه دیم. جزالاندرمادیم. اؤز خالقیما دئدیم، آرخامدان گلین، دئدیم قویوب قاچدی، گلمه دی» (مویون چور عابیده سی ۱۴- جو سطر). خاقان قرارگاهای قایدان کیمی عصیان یئنی دن باشلاندى؛ عصیانچیلار یئنه ده خیتای و تاتارلاری کؤمه یه چاغیردیلار آمما اونلار ایکی آی گئچیکدیلر. خاقان اؤز رعیتینی تابع ائتدی و رهبرلری جدّی جزالاندریدی. اویغور قوشونو خیتای و تاتارلارلا سئلئنگا چایی نین شمال غربینده توققوشدو و اونلاری سیخیشدردیلار. کئری چکیلن لر یولدا ایکی یئره آیریلدیلار: خیتای لار تلفات وئرمه دن چیخیب گئتدیلر. تاتارلار ایسه «کئیره باشی» و «اوج بیر کو» ده آغیر مغلوبیته اوغرا دیلار، قوشونون یاریسی اسیر دوشدو: «بایراق قالدیریب سفره چیخان زمان سواری عسگرلر گلدی: دوشمن گلیر- دئدی. دوشمنین سرکرده سی چاپا- چاپا گلدی. سکگیزینجی آیین ایکی سینده «آچیق آلتیر» گؤل و ساحیلینده «کاسوی» اطرافیندا دؤیوشدوم. اوردا غالب گلدیم. اورادا تعقیب ائده رک یورودوم. همین آیین اون بئشینده کیره باشیندا، اوج بیر کوده تاتارلارلا ساواشدیم. خالقین یاریسی تابع اولدو و یاریسی... خیتای لارین تابعی اولدو.»

(مويون چور عابيدەسى، ۱۹-۱۷- جو سطرلر).

وطنداش محاربه سىنى غلبە ايله بيتىردىكەن سونرا مويون چور، گۆى توركلر كىمى اطراف قىبىلەلرى اۆزونه تابع ائتمك سياستى يئىرىتمەيە باشلاير. ۷۵۰- جى ايلده او «كئم» (يئنى سىنى) چاينىن يوخارسىندا ياشايان «چىك» قىبىلەلرىنى تابع ائدىر: بوندان سونرا بارس ايلينده (۷۵۰) چىكلره قارشى يورودوم. ايكىنجى آيين ۱۴-دە كئمدە توققوشدوم. همين ايل چىكلر تابع اولدو. (مويون چور عابيدەسى ۲۰- ۱۹- جى سطرلر). همين ايلين پايزىندا منچورىانين شمال غرىبنده ياشايان تاتارلار اويغورلار تابع اولماغا مجبور اولدولار. «يائى اورادا يايلاديم....اوندان سونرا همين ايلين پايزىندا شرقە يورودوم، تاتارلارى چاغىردىم.» (مويون چور عابيدەسى ۲۰- جى سطر). ۷۵۱- جى ايلده شمال غربده ياشايان هانسى بير قىبىلە ايسە (قىبىلەنن آدى، عابيدەده سىلىنىب) چىك و قىرقىزلار كؤمك اوچون آدام گؤندىرېب، اويغولار قارشى چىخىر: «دووشان ايلىنن (۷۵۱) بئشىنجى آيينا قدر... اؤتوكن اورمانى باشى اورادا...باشى اورادا ايدوك باشدان غربده «ياباش توكوش» جوارىندا يايلاديم، سرايى اورادا ياراتدىردىم مين ايللىك، اون مين گونلوك^{۴۸} يازىمى، بىلگىمى اورادا ياستى داشا ياراتدىردىم. دوققوز اوغوز بىلرى گلدى... قىبىلە يئنه ياغى اولموش. «اۋرون بئى»دە، «قارا بؤلوك»دە، اونلار اوتورور. قىرقىزلار طرف آدام گؤندرمىش.- سىز عصيان ائدىن، «چىك»لرىدە عصيانا قالدىرىن،- دئمىش، من

^{۴۸} - تقويم روزانه. هر گونده باش وئرن حائەلرى گؤسترن بازى.

عسیان ائدیم دئمیش... اؤتوکن... دئمیش... آیین اون دوققوزوندا «توتوک» ون باشچی لیغی ایله «چیک» لره قارشى مین نفرلیک دسته گؤندردیم. متقی اولان یئر قارشى آز عسگر گؤندردیم. باخ، دئدیم، قیرقیز خانى «کوقمن» ایچینده... ائوینده، سراییندا، یاشاییر، سواری دسته لیرینی متقی لری نین یانینا گؤندرمیش. سواری دسته سینی منیم دؤیوشچولریم باسمیش، دیل^{۴۹} «توتמוש». (مویون چور عابیده سی ۲۴-۲۰ سطر لر). اساس تهلکه بو ایدی کی، قارلوقلار دا چیک و قیرقیزلاری مدافعه اوچون قالخماغا حاضیرلا شیر دیلار. آمما گئج قال دیلار: «متقی لری نه آدام گلدی. - قارلوقلار متقی لری نین یانینا گلمه دی، - دئدی. قارلوقلار قارشى ایرتیش چایینی آرقار باشى نین توشوندا اثر قامیش آلتیمدا سال لا کئچدیم. اون بیرینجی آیین سکگیزینده اونلاری قارشلا دیم. «بؤلچو» چاییندا اوچ قارلوقو داغیتدیم.» (مویون چور عابیده سی. ۲۵-۲۶ سطر لر). مویون چور مین نفرلیک عسگر له چیک لره هجوم ائدی ب اونلاری اطاعته گتیریر. (مویون چور. ۲۶- سطر). اویغورلاری و قیرقیزلاری قوور و قارلوقلاری مغلوب ائدیر. بئله لیکله محاربه بیتیر. چونکی منبع لرده عسیانا تشبث ائدن نامعلوم قبيله نین محو ائیلدیگی گؤستر یلمیر. من بو حادثه نین بئله تمام اولدوغونا اینانمیرام. اولایلمز کی، چیک، قیرقیز و قارلوق قبيله لیرینی عسیانا تحریک ائدن نامعلوم قبيله اوژو عسیاندا اشتراک ائتمه سین و اودا اولایلمز کی، اویغورلار عسیانین دیگر اشتراک چیلارینی جزاء لان دیر سینلار.

آما اساس قوۋە اولان تشكىلاتچى قىبىلەيە توخونماسىنلار. نھايت مويون چور عابىدەسى نىن منطىقىنە دقت ائىتسك گۇرورىك كى، موٲف بىرىنچى اولاراق قارلوقلار قارشى محاربەيە باشلادىغى و اوچ قارلوقو داغىتىدىغىنى يازىر. چىكلرى ايسە خاقان اۋزو يوخ، اونون مىن نفرلىك بىر آلايى «سورەرك گتيرىر»، عابىدەنىن متنىندە قىرقىزلارلا دۇيوشدن صحبت بئلە گتتىمىر. بورادان بئلە بىر نىتىجە آلماق اولار كى، چىك و قىرقىزلارنى نامعلوم بىر قىبىلە يوخ، بلكە قارلوقلار اويغورلارلا قارشى عصيانا تحرىك ائتمىشىدىلر. بونو دا قىد ائىتمك لازىم دىركى، قارلوق قىبىلەلرى اويغورلارنى شمال غربىندە ياشايدىلار.

۷۵۲- جى ايل دە محاربە يئنىدن باشلانىر. بو دفعە باسمىل، تورگىش و اوچ مقدس قىبىلەلرى (اوچ ايدوك)^{۵۰} اتفاق باغلايدىر. دۇيوش اويغورستانىن لاپ مركزىندە اۋتوكن (خانقاي) مئشەلى داغلارىندا باش وئىرىر. اويغورلار متفقلىرى مغلوب ائدىر، قارلوق و تورگىشلىرىن بوتون املاكىنى اليندىن آلىر.

«تايغون» گۇلو ساحىلىندە توپلاشدىم اۋنچو دستەنى گۇندىردىم،- دئە اويغور خاقانى مويون چور يازىر،- آداملار گلىدى. «قارا يۇتالىق» چايىنى كئچىپ اونلارنى تعقيب ائىدن دوشمنى گتىردىلر. مىن اونلارلا طرف گتتىم... قارلوقلار قارشى آدام گۇندىرمىش..- عصيان ائىدىن،-

^{۵۰} - ئو قومىلىف بئلە حساب ائدىركى، «اوچ ايدوك» قىم آدى دئىل، مىسحيت اجماعسى دىر. اونلار «تروايتساي» توپلانيدىلار. گمان كى، ۷۵۱- جى ايلدىن عصيانىنى، اونلار دىن سىز خاقانا قارشى ائتمىشىلر. (قدىم توركلر. ص ۳۷۸) بونو دا قىد ائىتك كى، مويون چور عابىدەسىندە، تاتار قومونون آدىندان اول ايدوك كلمەسى ايشلەنىر.

دئمیش - داخیلده من اغتشاش سالیم، - دئمیش، - بایردان...توپلاشق،
 - دئمیش. باسملیلار یاغی اولوب ائویمه طرف گتدی. اونلاری تابع
 ائتمه دیم. چؤلدن اوچ قارلوق، اوچ مقدس تاتار،...تورگیش...اؤتوکنده
 من... باشی اورادا توققوشدوم، غالب گلدیم. «ایچوی» چایینی کئچهرک
 گون دوغاندا غالب گلدیم. اوندان اؤترو تورگیشین، قارلوقون مالینی
 آلاراق، ائوینی داغیداراق، گئتمیش، ائویمه قایتمیش... سگگیزنجی آی،
 من، تعقیب ائتدیم و گئتدیم، اورایا چاتدیم، باسملیلاری، قارلوقلاری...
 اورادا نیزه دن کئچیرتدیم.» (مویون چور عابیده سی ۲۷-۳۱ سطرلر). بو
 زمانلاردان منبع لرده، اوچ ایدوک دان دا صحبت اولمور.

منبع لرین یازدیغینا گؤره، بو دفعه اونلار محو ائدیلمیشدی. من بو
 فیکرده ییم کی، بو زمانلاردان باشلایاراق منبع لرده اوچ ایدوک قبیله سی
 حاققیندا صحبت ده اولایلمزدی. متن ده وئریلمیش اوچ ایدوک
 ایفاده سی فقط تاتارلارا عاید اولایلمزدی. همین متن دن بیر قدر
 آشاغی دا اوچ ایدوک تاتار - «اوچ مقدس تاتار» ایفاده سی واردیر و
 مویون چور بو تاتارلارلا جنگ ائدیپ اونلارلا غالب گلیر. بونا گؤره ده
 ۷۵۲- جی ایل محاربه سینده باسملیل، تورگیش، تاتارلارین اتفاقینی
 قطعی سؤیلمک اولار. مویون چور عابیده سی ۳۱- جی سطریندن
 باشلایاراق برک زده لنمیشدیر.. قیریق - قیریق ایفاده لردن معلوم اولور
 کی، ۷۵۳- جو ایله ده باسملیلار (مویون چور عابیده سینده اوغوزلاپ،
 یازیلیمیشدیر) و قارلوقلار مرکزی حکومتیه قارشی قالخیر. آدی
 گؤستریلمه ین بیر تورک قبیله سی ده اونلارلا قوشولور. عادتاً اویغور
 عابیده لرینده مخصوصاً گۆی تورک، اورخون - ینی سئی الیفباسی ایله

گۆی تورک قبیله‌لری نظردە توتولور. قالان بوتون تورک قبیله‌لری اؤز سوی آدی ایله گۆستریلیر. دئمه‌لی بورادا آدی چکیلن تورکلر فقط گۆی تورکلرین قالیق‌لاری اولابیلیردی. محاربه‌ایکی ایل چکیر و ۷۵۵-جی ایلده اویغورلارین تام غلبه‌سی ایله بیتیر: «اورادا اوتوران باسملیلار، قارلوقلار محو اولدو». «قویون ایلینده (۷۵۵)... یایلاق لادیم». (مویون چور عابیده‌سی ۴۱-۴۲ سطرلر). «قارلوقلارین ساغ قالانی تورگیش‌لره قاریشیر» (مویون چور عابیده‌سی -۴۰-جی سطر). بوندان سونرا خیتای‌لارین کۆنوللو صورتده اویغورلارا تابع اولماسی، اویغور خاقانلیغی‌نین شرق سرحدلرینی محکم‌لندیریر. آما شمالدا قیرقیزلار ۷۵۸-جی ایله قدر مقاومت گۆستریلر. لاکین مغلوب اولدوقدان سونرا اویغورلارا تابع اولورلار و اونلارین سرکرده‌لری اویغورلاردان رتبه‌آلیر. بئله‌لیکله، اویغورلارین شرقه، غربه و شمالا یاییلمالاری طبیعی سرحدلره چاتدیغی اوچون بیتیر. اویغورلار اؤزلری بیرلشدیریلیمیش قبیله‌لری «قوناقلار» آدلاندیریردی. اویغور دۆلتی کونفئدراسیا تشکیل ائدیردی. دوققوز اوغوزلار، یعنی اویغورلار فئدراسیونا حاکم قبیله حساب ائدیلمیردی. باسمل و شرقی قارلوقلار، آلتی «تئله» قبیله‌سی (بوغو، هون، بایرغو، ایزگیل، تونرا، کیبی) ترکیبینه داخل ائدیلن قبیله‌لر ساییلیردی. بو قبیله‌لرله اویغورلارین حقوق‌لاری برابر ایدی. تابع ائدیلمیش قبیله‌لر، دوققوز اوغوز قبیله‌سیندن چیخمیش و خاقان عائیله‌سی حساب اولان «یاغلاقار» طایفاسینا خراج وئیریردی. اویغورون قبیله اتحادینا داخل اولان قبیله‌لر، حقوقی جهتدن برابر اولسالار دا، خاقان قبیله‌سی‌نین داخل اولدوغو دوققوز اوغوزلار، حتی باسمل و

قارلوقلار بۇيوك امتيازلارا مالیک ایدی. چین تاریخچیسی یازیر کی: «بوزمانلاردا ایکی یاد قبیله (باسمیل، قارلوق) جنگلرده همیشه قاباقدا گئدردی».^{۵۱} تصادفی دئییلدیر کی، مویونچور عابیده سینده باسمیل و قارلوق قبیله لرینین اویغورلارا قارشى بیر نئجه عصیان دان صحبت ائدیلیر. بو اوج قبیله برابر حقوقلو اولسایدی باسمیل و قارلوقلار اویغورلارا قارشى عصیان ائتمزدی. دوققوز قبیله دن باشقا اویغورلار کونفئدراسیونونا داخل اولمایان بیر سیرا قبیله لرلرده وار ایدی کی، اونلارلا سیخ مناسبتده ایدیلر. آما بو قبیله لر (نوئنی چایی نین ساحیلینده «ختای» لار، آمو چایی ساحیلینده تاتارلار، اونلاردان جنوبا طرف «تاتابی» و «قاراکیبی» لر، «زابال کالیه» ده «دولئمان» لار، اویغورلاردان شمالدا «قیرقیزلار» و غیره) اؤز استقلالینی قوروپوب ساخلامیشدی و هردن بیر قبیله لردن بو و یا دیگر قبیله لر ایله اویغورلار آراسیندا دؤیوش لر باش وئیردی. اویغورستانین شمال شرقینده یاشایان خیتای لار چین له قدیم دن دوشمن اولدوقلاری اوچون اویغورلارلا متحد اولماغا مجبور ایدیلر. تاتابی و قاراکیبی لر حاققیندا دا عینی سؤزلری دئمک اولار. و آما قیرقیزلار، ۷۱۱- جی ایلده قاپاغان خاقانین اوردوسو طرفیندن مغلوب ائدیلدیکدن سونرا قرقیز خاقانلیغی و قبیله لر ی پارچالانمیش و بیر نئجه قبیله عمله گلیمشدی. قدرتلی اولان قیرقیز قبیله سی ضعیف لمیش و اویغورلار اوچون یونگول غنیمته چئوریلیمشدی. قیرقیزلار اویغورلارا سمور دری سیندن (خزیندن) خراج

^{۵۱} -ن. ی. بیچورین. گؤسترلین اثر. ص ۳۰۸.

وئىرىدىلەر. قىرغىزلاردان باشقا جەنۇبى سىبىرىدە بىر نەچچە بۇيۇك قەبىلەدە (ئىددىيەدە ۋە كۈچۈك قەبىلەلەر) ياشايدى. بونلار اويغورلارلا دايم جەنگ ئاندىرىلەر.

تەبئىي جۇغراپىيەسى ئالتاي داغلارلىرىدا ۋە ائونون جەنۇبىدا ايكى قەبىلەدەن سۆز ئاندىر. ائونون يازدىغىنا كۆرە بو قەبىلەلەردە بىرى او قدر قاپالى بىر اۋلەكەدە ياشايدىكى، قارلۇقلار اورايدا داخىل اولايلىمىر بو قەبىلەلەرنى باشچىسىنى تىتولو «ايكى ايل قول اركىن» يەنى ايكى ائل بىرلەشمەسىنى اركىنىدىر. ائتمالاً بو ايكى قەبىلە بىرلەشمەسى مغلۇب ئاندىلەش كۆي توركلەرنى قالىقلايدىر؛ اونلار «سىيەن»لەر طرفىندەن مغلۇب ئاندىلەيدىكەن سونرا ئالتاي داغلارلىرىدا كىزىلەش اولو بابالارنىن وطينە سىغىنىشىدىلار. اونلار قەدىم عادتلىرىنە اويغون اولاراق «تۇلىس-تاردۇش» سىستەمىنى ياراتىشىدىلار (ايكى قەبىلەلەرنى بىرلەشمەسىندەن يارانان قەبىلە ئاتقۇ). ايكىنچى خەلق تەبئىي جۇغراپىيەسى «ايپىل كور» آدلاندىرىر. بونلار تورك «كولۇق كولچور»ون نەلىندەن عملە كلىمىش «چومۇقان»لاردىلار. چومۇقانلار قارلۇق ۋە تورگىش كىمى ايكى قدرتلى قەبىلەلەرنى آراسىندا (جۇغراپىيە جەتەندە) ياشامالارينا باخمىياريق سىككىزىنچى يوز ايل لىگىن اورتالارينا قدر اۋز استقلاللارنى ساخلامىش يگەنە «چو» قەبىلەسىدىر. بو قەبىلەلەرنى تورپاقلارنى «تارباغاتاي»لەرنى غەرب طرفىندە ئىشلىتىدى. غەرب تارىخچىسى تارىخچىسى- كرىزى ھەمىن دۇردە بو ئىشلىتە «كىماك»لارنى ياشادىغىنى كۆستىرىر. دئەلى چىن- تەبئىي مەنبەلەرنى كى «ايپىل كور- چومۇقان قەبىلەسى ابلە غەرب مەنبەلەرنى كى، «كىماك»

قبیله سی عینی دیر. جونقاریادا باسمل و قارلوق قبیله لریندن باشقا علم عالمینده آز تانینان «باییرقو» قبیله سی ده یاشاییردی. بو قبیله گۆی تورک خاقان لیغی نین ایلک ایل لرینده بۆیوک و چوخ ساییلی تورک قبیله لریندن بیر ی ایدی. آما سونرالار «قاپاغان» خاقانین حاکمیتی ایل لرینده تورکلره قارشی عصیان ائتدیگی اوچون اونلارین طرفیندن قیریلیمیشدی. سکگیزینجی یوز ایل لیگین ایکینجی یاریسی نین اوّل لرینده باسمل لار قارلوق لارلا بیرلیکده اویغور کونفئدراسیونونون اساسینی تشکیل ائدیردیلر. گۆرونور جونقاریادا یاشایان باسمل لار ۷۴۷- جی ایلده اویغورلارلا قارشی جنگ ائدن قبیله نین ساغ قالمیش و قاجمیش حصّه سیدیر. جونقاریادا یاشایان ایکینجی قبیله «اوغراق» قبیله سیدیر کی، مین ایل میلاددان اوّل جونقاریادا «اوقه» آدی ایله یاشایان قبیله دیر کی، تورگیش لرین شرقینده یاشاییردیلار. تورگیش لرده اویغورلارین متّقی ایدیلر. عربلر طرفیندن سیخیشدیریلان تورگیش لر اویغورلارلا متّحد اولماغا مجبور ایدیلر تورگیش لرین غربینده اویغورلارین دوشمن لری کنگرلر (اروپا منبع لرینده پئچئنق) و (گۆی تورک، اورخون ینی سئی عابیده لرینده «کنه رس») و تبت منبع لرینده «قارا یونتلیق» یعنی قارا ایلخیلی یاخود قارا آتلی آدلانان قبیله یاشاییردی. «سئر جرارد گلاوسون» بوقبیله نین مسکون لاشدیغی یئری «اوروشان» و «فرغانه» ده یئرلشدیریر. ل. ن. قومیلی اف قید ائدیر کی، بو زمان همین اراضی ده فقط تورگیش لر یاشامیشلار. دئمه لی، قارا آتلی لار و تورگیش لر عینی قبیله دیر. گمان کی، همین بو تورگیش لر دیر کی، کۆنوللو صورتده اویغورلارلا تابع اولمامیشدیلار.

۷۵۹-جى ايلده اويغور حڪمدارى مويون چور خاقان وفات ائدير. اونون بۇيوك اوغلو، تاج-تاختين وارثى نامعلوم بير گناھا گۆره ايسه اعدام ائدىلمىشىدى. بونا گۆره اونون ايکينجى اوغلو «بوقو ايتيگن» خاقان تاختا چىخىر. بوقو خاقان مشهور چين سرکردهسى «بوقوخوآي آن»ين كوره كنى ايدى. بو زمان چينده داخىلى ساواشلار باشلامىشىدى. عصيانچىلار حتى چينين هر ايکى پايتاختى- چانان و لويان شهرلرينى ده اله كئچىرمىشىدىلر. اويغورلار مويون چور خاقانين حاكمىتى ايللرينده هم امپراتور اوردوسونون تركييينده همده سربست دستهلر شكيلينده امپراتور اوردوسو طرفينده عصيانچىلار قارشى موقىقتله دۇيوشوردولر. ۷۵۷- جى ايلده سربست اويغور دستهسى تيان شان داغلارى نين جنوب اتكلرينده فعالىت گۇسترن عصيانچى دستهلرينى محو ائتمك امرى آلير. او زمان بورادا امپراتور اوردوسو «Qotszi-in» سرکردهلىگى آلتيندا عصيانچىلار قارشى ساواشىردى. عصيانچىلار بو اوردونو برک سيخىشديريردى. بونو ائشىدن اويغورلار عصيانچىلار آرخادان و گۇزلىلمه دن ضربه وورورلار. عصيانچىلار لويان شهرينى ترك ائديب «خوان خه» چايى نين او طرفينه چكىليرلر. بوندان سونرا اويغورلار تالانا باشلايىرلار. ايکى عبادتگاھى يانديرير، اون مين نفرى اۇلدورورلر. فقط قوجالار اويغورلارين سرکردهسىنه اون مين توپ ايپك پارچا گتيرديكدن سونرا اويغورلار چيني ترك ائديب گئديرلر.

۷۵۸- جى ايلده اويغورلار قيرقىزلارى تابع ائتمك له مشغول اولدوقلارى اوچون چينين داخىلى ايشلرينه قارىشميرلار. ۷۵۹- جى ايلده بوقو ايتيگن خاقان حاكمىت باشينا گلديكدن سونرا ايکى ايل

عصيان چيلارا قارشى اوزوجو دۇيوشدن سونرا پوقوخوآي آن (يعنى قاين آتاسينا كۆمك ائتمير). ۷۶۱- جى ايلده عصيان چيلارين رئيسى «شيسمين» اۇلدورولور. اونون بۇيوك اوغلو «شى چائوآي» عصيان چيلارا رهبرلىك ائتمه يه باشلايير. همين واخت چين امپراتورو دا اۇلور. شى چائوآيى اويغور خاقانىنا تكليف ائدير كى، امپراتورون اۇلوموندن استفاده ائدهرك خزانه نين دفينه سيني و تاجى گۆتورسون، خالقى ايله تورپاغى اونون اوچون ساخلاسين. خاقان بو تكليفه طاماح لانيير و جنوبا گئتمه يه حاضرلاشير. ۷۶۲- جى ايلين سگگيزينجى آييندا چين ساراينندان دا ائلچى گلير و خبر وئيرير كى، يئنى امپراتور «دايت سزون» چين تاختينا چيخميشدير. بو همين دايت سزون ايدى كى، ۷۵۷- جى ايلده اويغورلارلا بيرليكدە عصيان چيلارى مغلوب ائتميشدى.^{۵۲}

۷۶۲- جى ايلين پايزيندا اويغور اوردوسو جنوبا طرف حربە چيخير. آما هئچ كيم بيلميركى، بو لشكر كيمە قارشى- عصيان چيلار يا امپراتور لشكرينه قارشى جنگه گئدير؟ امپراتورا مخفى خبر چاتير كى، يوز مين نفرلىك اويغور اوردوسو سرحدى كئچميشدير. بو خبر چين ليلرى دهشته سالير. امپراتور اعيانلاردان بيرينى اويغور اوردوسونا گؤنديرير. چين اعيانى امپراتورا مخفى خبر گؤنديرير كى، اويغور اوردوسو دۇرد مين نفرلىك ضربه، اون مين نفرلىك كۆمكىچى عسگردن عبارت دير. بونلار اؤزلرى ايله قيرخ مين آت آپاريرلار. خاقان و اونون

خانىمى دا اوردودادير. امپراتور پوقوخوآن آنه امر ائدير كى، اويغورلارلا گۇروشسون. پوقوخوآن ان كوره كىنىنى راضى سالىر كى، قوشونونو عصيان چيلارلا قارشى چئويسين. خاقان تكليف ائدىلن بير نئچه شرطى ردّ ائدير، و سانچزو مسيرينده حركت ائتمك حاققىنداكى پلانى قبول ائدير. ۷۶۲- جى ايلده سانچزو دا امپراتور اوردوسو ايله خاقان اوردوسو بيرلشیر. امپراتور اوردوسونا چين امپراتورونون وليعهدى باشچىلىق ائدیردى.

خاقان اۋزونو حتّى چين تاخت- تاجى نين وليعهدى ايلهده دىكتاتور كىمى آپايرير. چين وليعهدى اويغور عادتى ايله خاقانا تعظيم ائتمكدن امتناع ائتكده او، ايكي چين اعيانىنى اۋلونجه يه قدر دۇيدورور. بونو چين سالنامه چىسى بئله تصوير ائدير: بو، زامان خان سانچزو شەرى نين شاليندا سنگرده دورموشدو. پادشاه اونونلا گۇروشه گئتدى. خان اونو مذمت ائلهدى كى، اونون قارشى سىندا تعظيم ائتمير. «تسزى مائو» دئدى كى، خاقان امپراتورون دوغما نوهسى دير. هر ايكي امپراتور بو دونيادان كۈچموشدور و عادته گۇره بئله حركت ائتمك لازيم دئيلىدى.... خاقان اونلارن فكرلرني ديشمه ييني غير ممكن اولدولوغونو گۇره رك تيسزى مائونو چىخارماغىنى امر ائتدى و اعيانلاردان «ۋى شائوخوآ» و «بى كو» يه يوز چوبوق ووردوردو كى، بوندان دا اونلارن هر ايكىسى ائله همين گئجه اۋلدو. شاه اۋز دوشرگه سینه قايتىدى. خاقانين تحقير ائدىلديگىنى گۇرن امپراتور اوردوسو بيرلشميش قوه لرله اويغور اوردوسونو قيرماق ايستهدى. «لاكين خاقان اونلارى ساخلادى. چونكى

داخیلی قاریشیق لیق هله آرادان قالدیر یلما میشدی».^{۵۳} بوندان سونرا بیرلشمیش چین- اویغور اوردوسو اطراف تورپاقلاری تالان، ووروشمانی دوام ائتدیریرلر. «قانمو» سالنامه سی نین یازدیغینا گؤره عصیان چیلاردان آلتیمیش مین نفر اؤلدورولور، ایییرمی مین نفر اسیر آلتینیر. «شی چائوای» شرق پایتاختینی- لوپان شهرینی ترک ائدیپ. «موچ ژو» قالاسینا چکیلیر. ۷۶۲- جی ایلین نوامبر آییندا لویان آزاد ائدیلیر و خاقان امپراتورو تبریک ائدیر. بو زامان «فانیان» قالاسی نین- باشچیسی دا شهری تسلیم ائدیر. موچ ژو قالاسی نین باشچیسی شی چائوای یه مصلحت گؤرور کی، قوه توپلاماق اوچون گئتسین و او قالانی ترک ائدن کیمی باشچی قالانی تسلیم ائدیر. او، بیر نئچه کؤچری و سواری ایله تاتابی و خیتای لارین یانینا گئتمک ایسته ییر، لاکین تعقیب ائدیلدیگی اوچون مئشه ده اؤزونو آسیر و بئله لیکله، چین ده یئددی ایل دوام ائدن اؤلکه داخیلی ساواش بیتیر. سونرا اویغور اوردوسو یئنه ده تالان ائتمه یه مشغول اولور و چین قوشونو دا اشتراک ائدیر. چین تاریخ چیسی یازیر کی: «شهرده بیر آدم سلامت قالما میشدیر. هر یئر داغیدیلیمیشدیر. اهالی پالتار عوضینه اوستونو کاغاذ ایله اؤرتوردو».^{۵۴} سونرا حادثه لر ائله گتیریر کی، پوقوخو آن اؤزو امپراتورا قارشی عصیان قالدیریر. بورادا حادثه لرین گئدیشین یی ایزله مه یه امکان یوخدور. تکجه اونو قید ائتمک لازیم دیر کی، منشایی اویغور اولان بو سرکرده عؤمور بویو امپراتورا

^{۵۳} - ن. ی. بیچورین. گؤسترلن اثر. ص ۳۱۸.

^{۵۴} - ن. ی. بیچورین. گؤسترلن اثر ص ۳۱۹.

صداقتله قوللوق ائتمیشدی. قیرخ آلتی قوهومونو ایتیرمیشدی. اوغلونو ایسه عصیان چیلارا اسیر دوشدویو اوچون اوردونون سیراسی قارشی سیندا اعدام ائتمیشدی. ایکی قیزینی شاهزاده لرین یئرینه اوزاق یئرله آره وئرمیشدی. اویغور خاقانی - کوره کینی ایکی دفعه امپراتورا قارشی محاربه ائتمکدن منع ائدیپ اونون دوشمن لری نین اوستونه گؤندرمیش، چین پایتاختینی ایکی دفعه عصیان چیلاردان گئری آلمیشدی. بوتون بونلارین عوضینه امپراتورون یاخین آداملاری اونا بهتان ائتمیشدی. اعدام دان قاجماق اوچون پوقوخوآی ان عصیان ائتمیشدی. اونون سرکرده لیگی نین آلتیندا چین قوشون لاریندان باشقا تبت، توقون و اویغور قوشون لاریندان عبارت قدرتلی بیر لشکر توپلانیر. آما چین پایتاختینا هجومون آن شدتلی واختیندا پوقوخوآی ان غفلتاً وفات ائدیر. بونولا دا چین امپریاسی خلاص اولور و پوقوخوآی ان یاراندیغی اتفاق داغیلیر. اویغورلار تبت لیلرین متفق لریندن دوشمن لرینه چئوریلیرلر. اویغور حکمداری «مودو باغاتارقان تون» چین لیلرین «شوفان» اوردوسونون رئیسی «بای یوآ قوان» لا بیرلشیپ تبت لیلرین دوشرگه سینه هجوم ائدیر، الی مین انسانی دوغراییرلار. اون مین نفری اسیر توتوب، چوخلو آت، دوه، اؤکوز و قویون غنیمت اله کئچیریرلر. بئش مین چینلی عائیله سینی آزاد ائدیرلر. ۷۶۸- جی ایلده اویغور خاقانی نین آروادی وفات ائدیر. ۷۶۹- جی ایلده امپراتور پوقوخوآی ان یین کیچیک قیزینی اویغور خاقانینا اره وئیریر. امپراتور باشقا جهیزلرله برابر خانیماییرمی مین توپ ایپک باغیشلامیشدی و اونو شاهزاده یه لاییق طنطنه ایله کؤچورموشدو.

۷۷۸- جى ايلده اويغورلار گۆزلىلمەدن چىن يىن داخىلى اىالتلرىنە ھجوم ائدىر. اونلار قارشى گۆندريلن چىن قوشونونو مغلوب ائدىرلر، اون مین نفره ياخين آدام اۆلدورورلور ياخود يارالانىر. اويغولار طلب ائدىرلر كى، چىن حكومتى اونلاردان اون مین آت آلسين. آما امپراتور اۆز خالقىنى وئىرگى وئىرملە وار- يوخذان چىخارتماق اىستەمىر. ايكى يوزقىرخ مین توپ اىپىك وئىر يالنىز آلتى مین آت آلىر. اويغورلار قارشى گۆندريلن ايكىنجى اوردو اونلارى مغلوب ائدىر. ۷۷۸- جى ايلده امپراتور وفات ائدىر و «دئسزون» چىن تاختىنا چىخىر. بو خبرى اويغورلار چاتدىرماق اوچون خاقانىن يانىنا ائلچى گۆندريلر. بو زمان خاقان بوتون قوشونو ايله سرخده گئتمە يە حاضىرلاشىردى، بونا گۆرەدە ائلچىلرى سويوق قارشىلايىر. سر كردهلردن بىرى «گون باغا= دۇن موخە» تارقان خاقانا دئىير: «تان بۇيوك دولتىر و بىزىملە صلح اىستەيىر. بوندان اۆل «تاي يوانا» حملە ائتدىك و بىر نئچە مین قويون آپاردىق، اونلار دا يولدا اۆلدو. ايندى بوتون قوهرلىمىزلە اوزاق دۇبوشە گئدىرىك. آما غلبە چالماساق، نئجە قايداجاغىق؟».^{۵۵} خاقان اۆز سر كردهسىنە قولاق آسماق اىستەمىر. بوندان غضبلىن گون باغا تارقان خاقانا ھجوم ائدىب اونو اۆلدورور. اونونلا بىرلىكدە مصلحت چىلرىنى و دوققوز طايڧايا منسوب ايكى مین اويغورو دا اعدام ائدىر. اۆزو «خە-قو- دولو» (قات قوتلوغ بىلگە) خاقان آدى ايله تاختا اوتورور. قان مو سالنامەسىندە بو حادثەنىن ۷۸۰-جى ايلده باش وئىدىگى گۆستىرلىر.

هونلار، توركلر و قديم موغوللار «ابدی گوئیو» حیاتین منبعی و تانریسی ساییر، اونا ستایش ائدیردیلر. قديم اویغورلار ایلک دؤرلرده اؤز سلفلری و قونشولاری کیمی «گؤک تانری» یا ستایش ائدیردیلر. آمما «بوقو ایتیگن» خاقانین دؤرونده اونلار مانى دینینی قبول ائتدیلر. مسیحی اویغورلار وطنداش محاربه سینده خاقانین مخالفلری نین جبهه سینده اولماقدا بؤیوک سهو ائتمیشدیلر. مویون چور اؤزو کوهنه دینه بیعت ائدیردی. مانوی لیک اوندان سونرا قبول ائدیلیمیشدی. منبع لرین وئردیگی معلوماتا گؤره اویغورلار مانى دینینی قبول ائتمزدن اؤل بودیسم «بورهان - بودا» دینینه بیعت ائدیردیلر. گؤرونور کی، اویغورلار بودیسم له یئددینجی یوز ایل لیکده تانیش اولموشدولار. منبع لرده بیر اویغور بی نین «پوسا» لقبلی اولدوغو گؤستریرلر. پوسا «بودیساتو» سؤزونون تورک واریانتی دیر. بودی ساتو بودیسم ده بیر رتبه دیر. مانى دینینی قبول ائتدیکن سونرا قیده آلینمیش ۸۳۲- جی تاریخلی بیر سندده دئییلیر: «کئچمیشده اویغورلار جاهل اولدوقلاریندان شیطانى بورهان اولاراق تانییردیلار، ایندی حقیقتی آنلادیلار». مؤلفین قصدی کئچمیشدن ۷۳۲- جی ایلدن اؤل کی دؤر، یعنی اویغورلارین هله بودیسمه ایناندیغی دؤرو نظرده توتور. ۷۶۲- جی ایلده مانى دینی اویغورلارین دولت دینی اولدو. چین منبع لرینه گؤره، اویغورلار مانى دینینی ۷۶۳- جی ایلده «شى چائو» نون عصیانینی یاتیردیقدان سونرا قبول ائتمیشدیلر. معلوم اولدوغو کیمی مویون چور ۷۵۹- ایلده وفات ائتمیش و اونون ایکینجی اوغلو «ایتیگن» (تورک آدی بوقو خاقان) تاхта چیخمیشدیر. گمان ائتمک اولار کی، اویغورلار مانى دینینی قطعاً اونون

مویون چور حاکمیتی ایل لرینده (۷۶۶-۷۶۷) قبول ائتمیشدیلر. بعضی منبع لره گۆره بوقو خاقانین دؤرونده ۷۶۲- جی ایلده قبول ائتمیشدیلر و اویغور خاقانلاری اؤز هم دین لرینی چین ده، اورتا آسیادا و دیگر یئرلرده مدافعه ائدیردیلر. مانی دینینی قبول ائتمه سی اویغورلارلا اونلارین قونشولاری- اورتا آسیا مسلمانلاری، بودیست تبت لیلر، کنفسیوسا اینانان چینلی لر و شامانیست قیرقیز خاقان لیغی آراسیندا نفاق سالدی.

مانی دینی نین قبول ائدیلمه سی یئنی ایفبانین، تاریخ ده اویغور ایفباسی نین آدی ایله تانینان و قبول ائدیلمه سینه سبب اولدو. بو ایفبا یئنی سغد ایفباسیندان تۆرمیشدیر، چوخ ساده و راحت دیر. سطرلر یوخاریدان آشاغی و ساغ دان سولا یازیلیر. (گۆی تورک، اورخون-ینی سئی ایفباسی دا بئله ایدی). مانوی، مسیحی و اسلامی متن لری همچنین تورفان حقوق سندلری بو ایفبا ایله یازیلیمیشدی. بونلارین ایچینده ان قدیمی مانوی متن لری دیر، چونکی اونلار تلفظ و گرامئر باخیمیندان گۆی تورک، اورخون- یئنی سئی ایفباسی ایله یازیلیمیش عابیده لرله داها یاخین دیر. بونلارین ان قدیمی، ۷۵۹- جی ایله عاید ائدیرلر.

مانی دینی احکاملاری حتی یاغ و سوت ایشلتمه یی قاداغان ائدن اوروج گونلری نظرده توتدوغونا گۆره اویغور چوبان و شکارچیلاری آجیندان اؤلمه مک اوچون بوستانلارا یوروش ائتمه یه مجبور اولورلار. بئله لیکله اویغورلار آراسیندا اکین چی لیک باشلانیر. چؤلده یئنی قانون لارین قوبولماسی تجارتین ده انکشافینا تکان وئیر.

قید ائتمک لازیم دیر کی، مانی دینی قدیم اویغورلارین طبیعتینه او

قدردە اويغون دئيىلدى. بونا گۆرەدە اويغورلار آراسىندا مانى دىنىنى حىكرانلىغى اوزون سورمور. ۸۴۰- جى ايلده «كۆچۈ» دولتى يارانير و اويغورلار يئنىدن بودىسم دىنىنە قايدىرلار. دۇققوزونجو قىرندە اويغورلار ين اوتوراق حياتا كئچمەسىدە اونلار ين قىطعى شكىلدە (اسلام دىنىنى قبول ائتمەسىنەدك) بودىسم دىنىنە كئچمەسىنە شرايط يارادير. گۆى توركلرىن قىرارگاهلار يندان فرقى اولاراق اويغورلار ين پايتاختى كئچە آلاچىقلار دان قورولموش قىرارگاهلار بىزە مىردى. يئنەدە گۆى توركلردن فرقى اولاراق اويغورلار گئنىش شكىلدە شىرلر سالىردىلار. ھەمدە بونو بو ايشىن اوستاسى اولان سىغدىلرە و چىنلىلرە تاپشىرىدىلار.

اويغورلار ين پايتاختى «قاراقوروم» اۆز گۆركمىنى دىشمىشىدى. ھلە مويونچور عابىدەسىندە ۷۵۸- جى ايلده سئلىنگا چاينىن ساحىلىندە «باى بالىق» (وارلى شىر) شىرىنىن سالىندىغى خىر وئىلىردى. اويغورستان سىرەتەلە مدنى اۆلكەيە چئورىلىردى. مويونچورون سىرلرى سايەسىندە اويغورلار اوچون چوخ الوئرىشلى شرايط يارانمىشىدى. شىرەدە ختالىلار، شىمالدا قىرقىزلار اويغور خاقانىنا تابع ائدىلمىشىدى. غىربەدە قارلوقلار اۆز ايشلىرى ايلە مشغول ايدىلر و اويغورلارنى ناراحت ائتمىردىلر. جنوبدا خرابازارا چئورىلمىش چىن يئرلىشىردى. اىلك اويغور خاقانلارى- «قوتلوغ بىلگە چور» خاقان (۷۴۷-۷۴۴) مويونچور خاقان (۷۵۹-۷۴۷) بوقو ايتىگن خاقان (۷۸۰-۷۵۹) اۆز قىبىلەلرىنە دايانىب گۆى توركلرە بىزەمەيە چالىشىردىلار.

۷۶۲- جى ايلىن مقاولەسىنە گۆرە اويغورلار چىن امپراتورلۇغوندىن

بیر نچە امتیاز آلمیشدیلار.

امپراتور «دتسزون» یاواش-یاواش بو امتیازلاری لغو ائدیر. بو دا اویغور خاقانی غصب‌لندیریر. ۷۷۹ - جی ایله چین له مناسبت‌لر چوخ کسگین‌لشیر. دوققوز اوغوزلار محاربه و قازانج الده ائتمک ایسته‌ییردیلر. آما متفق قبیله‌لر ایسه محاربه ایسته‌میردیلر چونکی، جنگ اونلارا تلفات و تهلهکه کتیریردی. محاربه مسئله‌سی‌نین مذاکره‌سینده خاقان و اونون طایفاسی ایله اکثریت آراسیندا ضدیت یارانیر. اعیان‌لاردان گون باغا تارقان عصیان قالدیریب بوقو ایتگن خاقانی اؤلدورور و اؤزونو حاکم اعلان ائدیر (۷۸۰- جی ایل). بئله‌لیکله اویغورلارین ان بؤیوک قبیله‌سی اولان یاغلاقلار سوینونون اونلارلا بیرلیکده دوققوز اوغوزلارین حاکمیتینه سون قویولور.

یئنی خاقان «قات‌قوتلوغ بیلگه» ایلک نوبه‌ده چین سرائینا ائلچی‌لیک گؤندیریر. اونون زمانینا قدر ائلچی‌لر چین پایتاختینده قوناق حساب ائدیلیردی و «چانان» شهرینده قالدیق‌لاری مدت اونلارین ساخلانماسینا چکیلن خرج‌لری چین دولتی وئریردی. ائلچی‌لر ایسه تخمیناً مین نفردن عبارت اولوردو. اونلار ائولرینه قایداندا آپاردیق‌لاری شئی‌لر یوخلانمازدی، چانان شهرینین رئیس گیزلی صورت‌ده خبر آلیر کی، اویغورلار چانان شهریندن کیسه‌لرده چین قیزلارینی آپاریرلار. چین قانونلاری چین قیزلارینی آپارماغا اجازه وئرمیردی. شهرین رئیس اوزون بیزله کیسه‌لری یوخلادیغیندا آلدیغی معلوماتین حقیقت اولدوغونا اینانیر. تصادفاً بو زمان ائلچی‌لره اویغور خاقانین عمی‌سی «تودون‌ایمیشا» باشچیلیق ائدیردی. شهر رئیس دولتی مأمورلاریندان

بىرىنە اۆيردىر كى، تودونا ادب سىزلىك ائتسىن. تودون بوندان غضبلىنر و اونو قامچى ايله دۇيور. شەر رىئسى بوندان استفاده ائدىب اونون اشىاءسىنى آخترىر. كىسەدە قىز آپاردىغى نىن اوستو آچىلىر. او دا قوشونو دوزدورور و تودونو و اونون يولداشلارنى اعدام ائتدىرىر (۷۸۰-جى). امپراتور ۷۸۱-جى ايلده اويغور خاقانىنا ائلچىلر گۆندىرىر و اونلار تودونون و داها اوچ نفرين كولونو اويغورلارنى پايتاختا گتىرىرلر. ائلچىلر لى اللى گون اويغورلارنى يانىندا ساخلايىر و نهايت خاقان ائلچىلرىن رىئسى «خون» و آزاد ائدىر و خبر گۆندىرىر كى، «اعيانلار هامىسى، سنىن اۆلومونو ايستەيىر. تىكجە من عكس فكىردەيم. تودون آرتىق اۆلموشدور. ايندى سنى اۆلدورورسم، بو قانى قانلا يوماق اولاردى و منە منفعت گتىرمىر، ياخشى اولماز مى كى، من قانى سو ايله يويوم؟ منە خبر گتىردىلر كى، آتلارىن يول خىرجى حكومتە ۱۸۰۰۰۰۰ باشا گلمىشىدىر. تىزلىكلە منىم بو خىرجىمى اۆدەيىن».^{۵۶} ايكى ايل سونرا ۷۸۳-جى ايلده چىن پايتاختىنا اويغورلارنى يىنى ائلچىلرى گلىر. نىتيجەدە چىن ايله اويغورستان آراسىندا آشاغىداكى شىرطلرلە صلح ماقولەسى باغلانىر:

- ۱- خاقان اۆزونو چىننىن والىسى اعلان ائدىر.
- ۲- چىندە كى اويغور سفىرلىگى ايكى يوز نفر دن آرتىق اولمامالىدى.
- ۳- مجبورى تجارت اوچون چىنە مىن دن آرتىق اولماماق شىرطى ايله آت آپارماق اولاردى (اۆلر آلتى مىن ايدى).

۴- چينلى لرى سرحدن كنارا آپارماق قاداغان ائدليلردى.

مقاوله ۷۸۸- جى ايلده نكاح (شاهزاده «سيان آن» خاقانا آره وئريليردى) و تېتە قارشى حربى اتقاقلا محكم لنديريلدى. مملكتين داخيلينده قات قوتلوغ بيلگه خاقان محكم قانونلار قويوموشدو و بو قانونلارى پوزانلارى جزالانديريردى. مثلاً اولكى سلاله نين ايكي شاهزاده سى اونون امرى ايله اعدام ائديلميشدى. چين منبعى قات قوتلوغ خاقانى مرد و ايگيت آدام كيمي سجيە لنديرير. اويغورستان چينين والى ليگى اولماقدا ايتيرديگيندن چوخ قازانيردى. اصلينده اويغورلار چينه يوخ، چين اويغورلارا آسيلي ايدى. خصوصاً كى، غربده محاربه اوچون امپراتورلوغون كيفايت قدر قوشونو يوخدو. بو مسئلهده چين تماميله اويغورلاردان آسيلي ايدى و اويغورلارچينه كۆمك ائديرديلر، عوضينده ايسه گئتديكجه داها چوخ حقق طلب ائديرديلر. چين حكومتى اونلارين حاقينى وئيريردى. اويغورلار چين طرفينده تېتە قارشى محاربه آپايريردى.

۷۸۹- جى ايلده تېت قوشونو بئش باليق (بئيتين) شهرينه طرف حركت ائدير. اويغور قوشونو شهرين مدافعه چيلرينه كۆمە يە گلير و تماميله مغلوب اولور و اونون دا سببى «شاتو» قبيله لرى نين خيانتى اولور. شاتو قبيله سى تېت ليلرين طرفينه كئچير. ۷۹۰- جى ايلده تېت ليلر بئش باليغى توتورلار. بئش باليغين ياخين ليغيندا اولان «كوچا، كاراشار، خوتان و كاشغر» اونلارا (تېت ليلره) تابع اولمور. ۷۹۱- جى ايلده تېت قوشونو «خوان خه» (هوانگ هو) چاينين بويو هجوملاريني داوام ائديرير. آما «لينچ ژو» ياخين ليغندا اويغور قوشونو اونلارين

قاباغىنى ساخلاير و سونرا مغلوب ائدير. اويغورلار گئندىن سونرا تېتلىلر يئەدە هجوملارينا داوام ائدير و چين تورپاقلاريني تالان ائديرلر. قات قوتلوغ بىلگە خاقان دوققوز اوغوز قىبلەسىندىن دئيىلدى، بونا گۇرەدە حاكىمىتى اله آلدىقدان سونرا دوققوز اوغوز قىبلەسى نىن امتيازلاريني لغو ائدير. مبارزەدن غالب چىخان آلتى قىبلە نىن نمايندەلرى اؤز آزادلىق لاريني قوروماق اوچون مركزى حاكىمىتىن گوجلنمەسىنى ايستەمىردىلر. بو دۇردن باشلايلاق اويغور خاقانلىغى اصليندە مۇنارخيا^{۵۷} دئيىل بلگە عۇمورلوک سئچىلن خاقان طرفىندىن اداره ائدىلن جمهورىت اولور. حاكىمىت ورثەلىك يولو ايله آتادان اوغولا كئچمىر. بو فاكت اويغور دولتىنى قديم يونان و روم ايله بير سىرايا قويور. آسبادا بو تىپلى ايلک دۇلت اويغور خاقانلىغى اولموشدور.

حاكىمىت قىبلە رهبرلىرى نىن اليندە اولور. خاقانى قىبلە رئيسلىرى نىن قورولتايى سئچىر. بو بير نوع سئچگىلى مونارخيا ايدى. بو دۇردە خاقانلار او قدر ضعيف ايدى كى، تاريخ اونلارى وصف ائتمك ايستەمەمىشىدى.

۷۸۹- جو ايلدە قات قوتلوغ بىلگە خاقان وفات ائتدىكدن سونرا اونون اوغلو «دولۇسى» تاختا چىخمىشىدى. آما خاقانلىغا ورثەلىك يولو ايله گلەمەمىشىدى، اعيانلار شوراسى طرفىندىن سئچىلمىشىدى. گۇرونور كى، قات قوتلوغ خاقانين نفوذو او قدر گوجلۇ، شخصىتى او قدر مشهور اولموشدور كى، اعيانلار شوراسى محض اونون اوغلونو خاقان

سئچمیشدیر. اعیانلار شوراسی اونا «پان قوآن تیگین» تیتولو وئریر. امپراتور اونا «بیگه چزویی چزئن خان» تیتولو وئریر. بو زمان تبت ایله محاربه یثنی دن باشلانیر. اساس دؤیوش لر جونقاریادا، بئش بالیق اطرافیندا گئدیردی. بئش بالیق اطرافیندا یاشایان شاتو قبیله سی شرقی قارلوقلار، بایان و تورک قبیله لری اویغورلاردان ناراضی ایدی. چونکی چین منبع لرینه گؤره اویغورلار اونلاری تالان ائدیردی. بونا گؤره، بو دؤرد قبیله گیزلینده تبتین غلبه سینی اؤز آزادلیغی کیمی گؤزله ییردیلر. تبتلیلر شاتو قبیله سی نین کؤمه یی ایله بئش بالیغی توتورلار. شرقی قارلوق ایسه جونقاریانی اشغال ائدیرلر. اویغور قوشونو و چین جانشینی «یان شی قو» نون رهبرلیک ائتدی بئش بالیق حربی دسته سی مغلوب ائدیلیر، بیرلشمیش اویغور- چین اوردوسونون اوچده ایکی حصه سی اؤلدورورلور. اویغور قوشونونون باشچیسی اوردونون قالیغینی بیر یئره توپلاییب «سیچزو» یا داخیل اولماق ایسته ییر و جانشینه ده چینه قاییتماغی تکلیف ائدیر. «سی قو» اؤزونو اؤلدورور. اویغورلار جنوبا چکیلمه لی اولورلار.

۷۹۴- جو ایلده قوچلوغ بیلگه خاقانا آروادی نین الی ایله زهر وئرلیر و تاختا اونون کیچیک قارداشی چیخیر. آما صاحب منصبلری قصرین اعیانلاری ایله بیرلشیب اونو اؤلدورور. خاقانین کیچیک اوغلو «آچژو» نو وارث اعلان ائدیرلر. بو زمان تبتله دؤیوشن قوشونون سرکرده سی پایتاختا قاییدیر. آزیاشلی خاقان و بوتون اعیانلار اونون قباغیندا اوزو اوسته یئره اوزانیب خاقانین دیشمه سی شرایطینی اونا ایضاح ائدیرلر. سرکرده، خاقانین جوان لیغینا حیفی گلیر و اونا والی

اولاجاغینا آند ایچیر. چین حکومتی اونا «فین چان خان» تیتولو وئریر. بیر ایلدن سونرا، ۷۹۵- جی ایلده فین چان خاقان اؤلور. (چین سالنامه سی اونون اؤلومونون سببینی گؤستریر). اعیانلار شوراسی ناظیر قودولونو خاقان سئچیر. امپراتورون فرمانی ایله اونا آی تئتری قوتلوق بیلگه «خوآی سین خان» رتبه سی وئرلیر. اونون حاکمیتی ایل لرینده آنا یاسا (قانون اساسی) قبول ائدیلیر. بو قانونا گؤره، خاقان یالنیز تاختدا اوتورمالی ایدی، دؤلت ایشلرینی اونون معاونی- چین لیلرین «چئنسیان» عرب لرین وزیر آدلاندیردیقلاری شخص اداره ائتمه لی ایدی. همین قانونون ایکینجی طلبی محکمه حاکمیتینه عاید ایدی: «قانونلارین قطعی تثبیت ائدیلمه سی اؤزباشینالیغین قارشسینی آلمالی ایدی. نهایت همین قانون قطعی شکیلده طلب ائدیردی کی، دولت ایشلرله کیلسه ایشلری مطابقتده اولسون. باشقا سؤزله دولتین اداره ائدیلمه سینده مانی دینی باشچیلارینین فکری نظرده آلینسن. اصلینده خاقان تکجه حربی ایشلرده سربست ایدی. تصادفی دیئلدیر کی، منبع لر قوتلوق بیلگه خاقانی همیشه اوردو باشیندا تصویر ائدیر. لاکین اعیانلار بورادا اونا دینچ قویمورلار. اونلار طلب ائدیرلر کی، خاقان اؤز دؤلتینده مانی دینینه قارشسی گلنلری تعقیب ائتسین. بئله سیاست چین لیلر و عرب لرین اعتراضینا سبب اولوردو. مثلاً خوراسان امیری بیلنده کی، اونون تورپاغیندا بیر نئچه یوز زندیق (مانوی) وار، اونلاری اؤلدورمک قرارینا گلیر. او حاضرلاشانا قدر دوققوز اوغوزلارین خاقانیندان ائلچی گلیر و بونلاری امیره یئتیریر: «منیم تورپاقلاریمداکی مسلمانلارین سایسی سنین تورپاقلارینداکی زندیق لردن اوچ دفعه

چوخذو، سن بیر زندیقه توخونسان، من بوتون مسلمانلاری قیرارام». چؤلون کۆچری قبیله‌لری تورک‌لردن و خصوصاً اویغورلاردان نفرت ائدیردیلر. چونکی گۆی تورکلر کۆچری قبیله‌لردن اطاعت و خراج، آما اویغورلار مغلوب ائدیلمیش قبیله‌لردن بوتون حیات طرزینی دییشمه‌سینی طلب ائدیردیلر. اونلار دا اویغورلارین طلب ائتدیگی تصوّرلری نه باشا دوشور، نه‌ده قبول ائدیردی. بونا گۆره اویغورلارلا اونلاری احاطه ائدن قبیله‌لرین آراسیندا مناسبت‌لر کسگین‌لشیر. مانی دینینی قبول ائتمکدن باشقا شهرچیلیگه کتچمک‌ده اویغورلاری ناراضی ائدیردی. آما تبت‌له محاربه دوام ائدیردی. چین‌ین غرب ایالت‌لرینده کی دۆرد قالاسینا آرخایین اولان اویغورلار اونون شمالا هجومونا مانع اولدولار. اویغورلار «بوغور» یاخین‌لیغیندا تبت قوشونو اوچون حاضرلانمیش آت ایلخی‌سینی اله کتچیریر. «تیتام» و «چون» یاخین‌لیغیندا تبت دسته‌لرینی دارماداغین ائدیر. ۷۹۵-جی ایلده یئنی دسته‌لرله محکم‌لندیریلیمیش اویغور قوشونو تبت‌لیلری بش‌بالیق یاخین‌لیغیندا مغلوب ائدیب، اونلارین حرکتینی شمالا دایانديریر.^{۵۸} نهایت اویغورلار آزاد چۆله چیخیرلار. آما چۆلده تبت غلبه‌سینده اۆز آزادلیغینی گۆرن قارلوق و تورگیش قبیله‌لری اونلاری دوشمن کیمی قارشیلایرلار. اویغورلار «اُرونقو» چایی‌نین ساحیلینده بو قبیله‌لرله دؤیوشوب و غالب اولورلار و اوچ ایل‌لیک جنگ اویغورلارین غلبه‌سی

^{۵۸} - ن. ی. بیچورین. بش‌بالیق یاخین‌لیغیندا کی بو غلبه‌نی قان‌مو سالنامه‌سینه اساس‌لانیب ۷۹۱-

جی ایله عاید ائدیر. گۆسترلین اثر. ص ۳۳۰.

ایله بیتیر.

بوندان سونرا قوتلوق بیلگه شمالدا قیرقیزلارین عصیانینا و دولتینه سون وئیر. سونرا اویغورلار یئنی دن بئش بالیق دا تبت و قارلوقلارلا ساواشیر و بئش بالیغین خرابه سی اونون الینه کئچیر. تبت لیلرده تامماً تله یه دوشوب قیریلیرلار.^{۵۹} اویغورلار تبت لیلرین محاصره ائدیلن کوچانین کۆمه یینه گئدیرلر، تبت دسته سی محاصره یه دوشوب خاقانین طلب ائتدیگی خراجی وئرمیرلر. خاقان دا اونلاری فرغانه طرفینه قدر تعقیب ائدیر و «نارین» چایی نین ساحیلینده اونلارا چاتیر و اونلار خاقانا خراج گۆتورمه سی اوچون یالوایرلار. کوچا اویغور خاقان لیغی نین ترکیبینه داخیل اولور. بیلگه قوتلوق شرقی و غربی قارلوق و تبت لیلری مغلوب ائدیر. بونلار هامیسی قوتلوق بیلگه خاقانین حاکمیتی ایل لرینده باش وئردیگی اوچون، اونلاری (۸۰۵-۷۹۵) ایل لره عاید ائتمک اولار. همین جنگ لرین نتیجه سینده خوٴتان و کاشغر تبت لیلرده قالیر. کوچا و کاراشار اویغورلارا کئچیر.

۸۰۵- جی ایلده قوتلوق بیلگه وفات ائدیر. اعیانلار شوراسی اونون اوغلو کولوق بیلگه نی (آی تانری کولوق بیلگه خاقان) تیتولو ایله خاقان سئچیلیر. ۸۰۶- جی ایلده اویغورلار هجو ملارینی دوام ائتدیریب لیانچژو شهرینی آلیرلار. ۸۰۸- جی ایلده شاتو قبیله سی تبتّه قارشى عصیان ائدیپ، چینه پناه آپاریر، آما اوتوز مین آلاچیق لی خالق دان

^{۵۹} - ن- ی- بیجورین بئش بالیق (بی تین) یاخینلیغیندا بوغلبه نی، قان مو سالنامه سینه استنادو

۷۹۱ اینجی ایله مربوط ائدیر.

جمعاً ايکي مینلیک بیر آتلی دسته چینه گئدیپ چیخیر. قالان اھالینی تبتلیلر اۆلدورور. ۸۱۳- جی ایلده اويغورلار غرب دیوارلاری یاخینلیغیندا «سۆیودلو وادی» ده چینه حملة ائدیرلر. نهایت چین، تبت و اويغورستان آراسیندا صلح معاهدهسی باغلانیر.

۸۰۸- جی ایلده کولوق بیلگه خاقان وفات ائدیر. اونون یئرینه «اولوغ میشیخه بیلگه» خاقان سئچیلیر. ۸۱۶- جی ایلده اويغورلارین یئنی دن تبتلیلرله محاربهسی باشلانیر: تبتلیلر شمالا- اويغورلارین پایتاختی قاراقوروم شهرینه هجومدا باشلایلرلار و بو زماندا اويغورلارین آرخاسیندا قیرقیزلار عصیان ائدیر (۸۱۵). اويغورلارلا قیرقیزلار آراسیندا باشلانان مجاربه ایییرمی ایل چکیر. دیگر خاقانلارا گؤره اولوغ بیلگه خاقانین حاکمیتی بیر آز اوزون چکیر: خاقان ۸۲۱- جی ایلده وفات ائدیر. آما اونون حاکمیتی ایللرینده اويغورلارین حیاتیندا ائله بیر اهمیتی حادثه باش وئرمیر. ۸۲۱- جی ایلده «کوچ چور بیلگه خاقان» حاکمیت باشینا گلیر. کوچ چور بیلگه خاقان جمعاً اوچ ایل حکومت ائدیر و ۸۲۴- جی ایلده وفات ائدیر. غریبه بوراسی دیر کی، چین سالنامهسی فقط اونون چین شاهزادهسی ایله اتولنمه صحنهسینی مفصل شکیلده تصویر ائدیر. اويغور تاختینا «قسه تیگین» چیخاریلیر. اولوغ میشیخه بیلگه خاقان آدینی قبول ائدیر. بو خاقانین حاکمیتی سگیز ایل سورور. چین سالنامهسی اونون حاقیندا یازیر کی، ۸۲۷- جی ایلده چین سارایی ساتین آلینمیش آتلارین مقابلینده اونا بئش یوز مین توپ ایپک پارچا وئریر. خاقان ۸۳۲- جی ایلده اونا تابع اولانلار طرفیندن اۆلدورولور. اعیانلار شوراسی اونون عمیسی اوغلو «خو

تيگين»ى خاقان سئچير. ۸۳۳- جى ايلده چين امپراتورو خصوصى فرمان گۇندريب اونون خاقانليغىنى تصديق ائدير و اونا «بيلگه چزا اؤتسىزىن» رتبهسى وئيرير. خاقانين حاكمىتى نين دۇردونجو ايلينده (۸۳۹- جى) ناظرلردن بيري «كولوق بى» خاقانا قارشى عصيان قالديرير و شاتو قوشونو ايله اونا هجوم ائدير و خاقان اۋزونو اۋلدورور. اعيانلار اونون يئرینه آز ياشلى «كسى تيگين»ى حاكم ائدير. ۸۴۰- جى ايلده قبيله باشچيلاريندان «كولوق باغا» قيرقىزلارلا بيرلشيب يوز مين ليك سوارى قوشونلا خاقانا حمله ائدير و اونو اۋلدورور. اونون اوتلاقلاريني يانديرير. بوندان سونرا اويغور قبيلهسى اطرافا داغيلير. (۷۹۴- جى). شاتو قبيلهسى اويغور خاقانليغى نين تركيبيندن چيخمىشدى. «سيچى ژى پان تيگين» باشدا اولماقلا اون بئش آيماق قارلوقلارين يانينا قاجير. قالانلارى تبتّه و «آنسى» يه گئدير. خاقان آيماغى نين اون اوچ طايڧاسى بيرلشيب «اۋگه تيگين»ى خاقان اعلان ائدير. اوردو جنوبا كۆچور. بو حادثه لرين آراسيندا اويغورلارلا علاقهدار نظره چارپان حادثه لر بونلادير:

۸۱۵- جى ايلده قيرقىزلار عصيان ائديب اييرمى ايل سورن مبارزه دن سونرا استقلال الدهه ائديرلر.

۸۱۸- جى ايلده قيرقىز قبيله لرى عصيان قالديرير و اونلار ين بى يى «آيو» اۋزونو خاقان اعلان ائدير.

۸۲۰- جى ايلده تاتار قبيله لرى آمور چايى ساحيليندن «اينشان»ا كۆچورلر. هله ۷۹۴- جو ايلده شاتو قبيلهسى اويغور خاقانليغى نين تركيبيندن چيخمىشدير.

۸۳۵- جى ايلده تاتايى قبيلهسى ده خاقانليقدان آيريلير.

قوبى صحراسيندان جنوبا كۆچن اويغورلار ۸۴۱- جى ايلين مارت آييندا «اۋگه تيگين»ى خاقان اعلان ائديب محاربهنى داوام ائتديرمك قرارينا گلير. قيرقيزلار قاراقورومو توتاركن چوخلو غنيمتله ياناشى سون اوج اويغور خاقانين آروادى اولموش- چين شاهزادهسىنى ده اله كئچيرميشديلر. آما چين له مناسبتلىرى پوزماماق اوچون اونلار شاهزادهنى طنطنهلى شكيلده چينه گۆندريرلر. اۋگه تيگين كاروانا هجوم ائدير بوتون قيرقيزلارى اۋلدورور، شاهزادهنى آزاد ائدير و اونونلا ائولنير. او باشا دوشور كى، خالخابا قالا بيلمز، اونا گۆره ده آج و پوزولموش اوردوسو ايله قوبى صحراسىنى كئچيب خوان خه چايى ساحيل لرينه گلير. چين حكومتى بيليردى كى، اۋگه تيگين محاربه آختارمير و اويغورلارلا دانىشيق آپارير. آما آج كۆچرىلر دانىشيقلارلا نتيجه سىن گۆزلمه دن خالقى تالان ائديرلر. اعيانلار گۆرورلر كى، وضعيت آغيردير و فلاكتله نتيجه لنه بيلر. اۋگه تيگين قارداشى «اوموس» متفق شاتو قبيلهسى نين باشچىسىنى اعدام ائدير و تالانى اونون اوستونه ييخير. شاتو قبيله سىنين ديگر باشچىسى «ناسه چور» يئددى مين آلاچىق دان عبارت اولان قبيله نى گۆتوروب «منچوريا» يا گئدير. چين ليلر اونو مغلوب ائدير. او اۋگه تيگين يانينا قاچير. خاقان ايسه اونو اعدام ائدير. باشقا اويغور اعيانلارى چين امپراتورونا تابع اولورلار.

۸۴۱- جى ايلده اۋگه تيگين چينه هجوم ائدير و سرحدده كى چين قوشونونو مغلوب ائديب، «شانسى» و «اوردوس» ايالتلىرىنى تالان

ئاندىر. چىن امپراتورو اونلارى ۸۴۲- جى ايلده مغلوب اندىر و همان ايل اويغورلار يىن مەققلىرى، خىتايلار عصيان اندىب چىن طرفىنە كىچىرلىر. ۸۴۳- جى ايلده چىن لىلر اويغورلارى قىلى شىكىلدە مغلوب اندىر و اۋگە تىگىن اۋز طرفدارىلارى ايل بىرلىكىدە «قارا آرابا» قىبىلەرىنە قاچىر، آما اونلار خاقانى چىن لىلرە وئىرلىر و اۋگە تىگىن اعدام اندىلر. اۋگە تىگىن يىن قارداشى «ائىن تىگىن» اويغورلار يىن قىلانلار يىن باشىنا توپلايىب «تاتابى» قىبىلەلىرىن يانىندا ياشاير، آما ۸۴۷- جى ايلده چىن قوشونو تاتابىلىرى مغلوب اندىر و ائىن تىگىن تاتارلار يىن يانىنا قاچىر. چىن لىلر تاتارلاردان اونو طلب اندىرلىر. ائىن تىگىن آروادى، اوغلو «دۇسا تىگىن» و دوققوز نفر سوارى ايله نامعلوم بىر شەهرە گىدىر.

قىرقىز خاقانى اويغورلار يىن، تاتارلار يىن يانىندا ياشادىقلار يىن ئاشىندىكىدە اون مىنلىك اردو ايله منچورىيا گلر و قاچانلارى توتوب اعدام اندىر. تىك- توك خلاص اولان اويغورلار داغلاردا و مەشەلردە گىزلىنەرك غىرە- پان تىگىن يىن يانىنا گىدىر. اونون رەبرىلىيى ايله غىرە گىدن اويغورلار يىن طالعى داها اوغورلو اولور. قارلوقلار پناه گىتىر بو اويغورلار تىزلىكلە ايكى يىرە پارچالانىر. بىر حصە كوچادا مسكون لاشىر، قىلانلار بىش بالىق اطرافىندا يورد سالىر. بو دۇرەدە اويغورلار قوۋە توپلايىر.

۸۵۶- جى ايلده كوچادا آرتىق يىنى خان «مانلى خان» تاختا چىخمىشىدى. او، چىن دولتى ايله مناسبتلىرى قايدايا سالىر. آما بىر ايلدن سونرا تىت قوشونلارى هجوم اندىر و اويغورستاندان چىنە گىدن يولو كسىر. او زمان جونقاريا اويغورلارى ايشە قارىشىر. «بوغو تسزون»

بئش بالیقدان یوروش ائدیر و تبت سرکرده سی «شان کون ژو» نو مغلوب ائدیر. او تبت لیلرین تورفان، بئتین (بئش بالیق)، لانتای (اورمچو یاخین لیغیندا) و «تسزین چن» ده کی قالالارینی آلیر و تیان شان داغلاری جواریندا تبت استیلا سینا سون قویور.

چین له تبت آراسیندا کی یکی یوز الی ایل لیک محاربه چینین غلبه سی ایله بیتیر. بوندان اویغورلار دا قازانیر. «بوغوتسزون» کوچا و بئش بالیق دان علاوه «لۇبنۇر» گؤلونون شمالینی و «ماناس» چایینا قدر جونغقاریانی احاطه ائدن کیچیک، آما محکم بیر دولت یارادیر. بو دولت کیچیک اولدوغو اوچون خاقانلیق آدلانا بیلمزدی. بونا گؤرده اونون حاکیمی «ایدی قوت» رتبه سی آلیر. بو دولت دن اورتا عصر لر اویغورستانی یارانمیشدیر. تیان شان و آلتایا کؤچه رک اونلارین پایتاختی بئتین (اورومچو یاخین لیغیندا) اولدو. اونلار تئزلیکله گوجلندیلر و ۸۷۴- جی ایله تیان شان طرف ایره لی کین تبت لیلری مغلوب ائتدیلر. اویغورلار تیان شاندا بئش یوز ایله یاخین یاشایان و غربده کوچادان و شرقده «خامی» یه قدر تخمیناً یاریم میلیون کیلومتر مربع اراضی یه مالیک اولان دولت یاراتدیلار.^{۶۰}

اویغورلارین «تاریم» چایی حوضه سینده یارادیلان بو کوچا دۆلتی (۱۲۰۹-۸۴۰؟) تیان شان داغلاری نین اتک لرینده یئرلشیردی. کوچا موغوللارین تاریخ صحنه سینده چیخدیغی واختادک، مدنیّت نظریندن بیرینجی درجه لی رؤل اوینامیشدیر.

اويغورلار گلمزدن اول، كوچا، تورفان و خامى ده بودا دىنى حاكم ايدى. بو اراضى يه گلن اويغورلار يئددىنچى يوز ايل ليكده قبول اتتىكلرى مانى دىنندن امتناع ائدير. اسلام دىنىنى قبول ائدنه قدر بودىسمى قبول ائديرلر. كوچان دان غرب ده كى تورپاقلار، اوللر قارلوق، سونرا ايسه قاراخانلى توركلرى نين حاكمىتى آلتىندا ايدى. اسلام دىنىنده اولان قاراخانلىلار شرق تورپاقلارنى اله كئچىرملك اوچون دفعه لره تشبث گؤسترمىش لاكين موفق اولمايمىشديلار. ۱۱۲۵- جى ايلدن ۱۲۰۹- جو ايله دك اويغور دؤلتى خىتاي لاردان آسيلي وضعىته دوشور. اويغور حاكم لرى عين حالدا «جورجان» لارا و «سۇن» سلاله سيندن اولان چين امپراتورلارينا دا سفىر ليكلر گؤندردىلر. ۱۲۰۹- جو ايلده اويغور حاكمى، موغول حكمدارى چنگىز خانا آسيلي اولدوغونو اعلان ائدير. اصلينده ائله بو تاريخدن ده اويغور دؤلتى نين سقوط ائتمه سيندن دانىشماق اولار. آما تاريخ چيلر اويغور دولتى نين سقوط تاريخىنى ۱۳۷۳- جو ايل گؤستىرلر. بو زمانلار موغول خانلارى چين دن قوۋولور (موغوللار چىنى ده اشغال ائتمىشدى). اويغور دولتى ۱۳۷۳- جو ايلده چاغاتاى ملتى نين تركىبىنه داخيل اولور. بو عامل اويغورلار نين حكومتىنه سون قويسا دا، اونلار نين واحيد خالق كىمى تشكل تاپماسىندا بؤيوك رۇل اويناير. اويغورلار اسلام دىنى ن سنى مذهبىنى قبول ائديرلر. دىنين بير اولماسى شرقى و غربى اويغورلارى آيىران معيشت و دىل فرق لرى نين آرادان قالخاماسىنا ياردىم ائدير و واحيد خالق ن تشكۇنه امكان يارادير. اون يئددىنچى يوز ايل ليگىن سونوندا مسلمان روحانى لرى اويغورستاندا سياسى حاكمىتى اله آلىرلار، آما

حاکمیت اوچون طایفالار آراسی مبارزهلر مملکتی ضعیف‌ل‌دیر و ۱۷۵۹- جو ایلده منچورلارین شرقی ترکستانی اشغال ائتمه‌سینه سبب اولور.

شرقی تورکستانین محکوم خالق‌لاری منچور استیلاچیلارینا قارشی دفعه‌لرله قیام ائتمیشدیلر. منچورلار تورکستانی فتح ائندن ۶ ایل سونرا ۱۷۶۵- جی ایلده اوشه (اوج- تورفان) شهرینده عصیان اولموشدو. ۱۹- جو یوز ایل‌لیکده اغتشاشلار، قیاملار و عصیانلار بیر- بیرینی عوض ائدیر. شرقی ترکستان‌داکی ان بؤیوک عصیان (۱۸۷۸- ۱۸۶۴) ایل‌لرده باش وئریر. ۱۸۶۷- جی ایلده یعقوب خان شرقی ترکستانین حاکمیتین اله کئچیریر. او اۆل‌لر یارانان کچیک خانلیق‌لاری اؤزونه تابع ائدیب امیرلیک یارادیر اؤز دولتی‌نی «جئتی شهر» آدلاندیریر و پایتاختی کاشغر شهری اولور. یعقوب‌بی زادگان‌لار و روحانی‌لره آرخالاناراق اؤز خالقینی منچورلاردان هئچ‌ده آز استعمار ائتمیر. اونون سیاستی ترکستان‌داکی خالق‌ی اوندان اوزاق‌لاشدیریر. منچورلار عصیانچیلارا قارشی سلاحلانمیش اوردو گؤندیرلر. خارجی سیاستینده یعقوب‌بی انگلیسه آرخالانیر و اونون واسطه‌سیله ترکیه‌دن سیلاح آلیر. حربی تعلیماتچیلار چاغیریردی. ۱۸۷۷- جی ایلده منچورلار یئنی‌دن شرقی ترکستانی اشغال ائدیرلر.

۱۹- جو یوز ایل‌لیگین ایکینجی یاریسیندا شرقی ترکستان تدریجاً دونیا بازارینا جلب ائدیلیر. اساساً خارجی سرمایه‌نین خصوصاً روس و انگلیس سرمایه‌سی‌نین تجارت عرصه‌سینه نفوذ ائتمه‌سی، طبیعی تصرفاتین داغیلماسینا گئیرسه ده، فتودال- سوسیال مناسبت‌لره ضعیف تأثیر گؤستریردی.

چين ده منچور حكومتىنى سرنگون ائدن «ھوميدان» انقلابى بىر ايلدن سونرا شرقى تركستانا دا چاتىر. انگليس طرفىندىن مدافعه ائدىلن محلى ملكدارلار شرقى تركستانى چين دن آيىرماغا جھد ائدىرلر. آمما روسيە مانع اولور. گمان كى، روس حكومتى اورتا آسيا و قازاقستان خالق لارى نىن شرقى تور كستاندان نمونه گۇتورمكدن قورخوردو.

ايالت لردە مختلف فئودال قوروپلارنى نىن حاكميت اوغرونند مبارزه سى چىنى او قدر طاقت دن سالمىشدير كى، شرقى تور كستان مركزى حكومت دن آيىريلمىش كىمى ياشايدى. چين ده ھوميدان دىكتاتورلۇغونون قورولماسى بىر طرف دن صنفى و مىلى ضديت لرى قاتىلاشديرىر دىگر طرف دن ده، بوتون ملت لرىن گئنىش خالق کوتله لرىنى انقلابى لشديرىر.

۱۹۴۴- جو ايلده «اىلى» ولايتىندە خالق عصيانى قالخدى. عصيان شرقى تور كستانىن اوچ دايره سىندن - اىلى، تارباغاتاى و آلتاى دان ھوميدان چىلارنى قوولماسى ايله نتيجه لندى. عصيانچىلار چين خالق اوردوسونون تور كستانا گلەنە قدر اوژلرىنى دفاع ائتدىلر. ۱۹۴۹- جو ايلىن سونوندا شرقى تور كستان تام آزاد ائدىلدى و بورادا ياشايان بوتون ملت لرىن نامىندە لرى نىن تمثيل ائدىلدىگى ايالت بىر شلمىش دموكراتىك حكومتى يارادىلدى.

اويغورلارنىن اجتماعى - اقتصادى قورولوشوندا فئودال مناسبت لرى اوستون لوک تشكىل ائدىردى. تورپاغىن چوخ حصە سى مالىك لرىن، حاكم لرىن، بى لرىن ۱۹- جو يوز ايل ليگىن ايكىنجى يارىسىندا وارلانمىش تجارت بورژواسى نىن يىندە ايدى. بوندان باشقا سو

منبع لری ده فئودال لارا مخصوص ایدی. کندلی لر تورپاقلارینی سووارماق اوچون اونلار بؤیوک مقداردا سو پولو وئریدیلر. فئودال لار اؤز تورپاقلارینی کیچیک پارچالار شکلینده اجاره یه وئریدیلر. کندلی لرین آز قسمی نین اؤز تصرفاتلاری وار ایدی.

شرقی ترکستان دا کندلی اجاره ائتدیگی تورپاق اوچون محصولون یاریسینی وئرمه لییدی. او، صاحبکاردان حیوان، توخوم و اکین چیلیک آلت لری ده آلدیقدا محصولون فقط آلتی دا بیر، یئددی ده بیر حصّه سینی اؤز زونه ساخلایا بیلردی.

خالق حاکمیتی هر شئی دن اوّل سو منبع لری و سووارما قورقو و کانال لاری اوزرینده خصوصی ملکیتی لغو ائتدی و اونلاری عموم خالق ملکیتی اعلان ائتدی. (۱۹۵۳-۱۹۵۲- جو ایل لرده شرقی تورکستاندا اویغورلارین یاشادیغی بوتون اراضی لرده تورپاق اصلاحاتی کئچیریلدی. ۴۳۶۶ مین «مو»^{۶۱} ملک دار تورپاغی کندلی لره پایلاندى و هر تورپاق سیز و آز تورپاقلی کندلی عائيله سینده ۱۵-۷ مو تورپاق وئریلدی.

^{۶۱} - چین دیلینده اؤلچو واحیدی.

تصرفات

اویغورلارین بۇیوک اکثریتی کند تصرفاتی ایله مشغول دور. لاکین اونلارین آراسیندا صنعت کارلیق دا چوخ انکشاف ائتمیشدیر. کند تصرفاتی باشلیجا اولاراق صنعی سووارمایا اساسلانیردی. دئیم اکینجی لیک اساساً داغلاردا و داغ اتکلرینده آپاریلیر. شرقی تورکستان دا اهالی نین عمومی سیخ لیغی (تراکمی) هر کیلومتر مربع ده، ۵-۶ نفر اولدوغو حالدا بعضاً چای کنارلاریندا، شرقی چین ده اولدوغو کیمی بو رقم ۳۰۰ نفر دن چوخ دور. اویغورلار اساساً دنلی (دانالی) بیتگی لر، بعضاً ده صنعتی بیتگی لر دن، توتون، زعفران، بویا (قیزیل بویا) و سایر... بئجرمکله مشغول اولورلار. اونلار تورپاغی بوتون ایل بویو بئجریر لر کی، بونا دا فاصله سیز اکین چیلیک دئییر لر. تپه لر دن گئیریلن گیل، مختلف چورونتولر، لیل و پئین دن گوברה (کود) کیمی استفاده ائدیلیر. پاییز لیک تاخیلی مای (ماه مه) آییندا (بهار) ییغیر و اونون یئرینده قارغیدالی (ذرت)، لوبیا، ایون (خردادین اورتاسی) آییندا ییغیلان یازلیق بوغدانین یئرینده ایسه، جوغارا، کنجد و سایر... آکیر لر.

سون زمانلار ا قدر کهنه اکین چیلیک اصوللاریندان استفاده ائدیلیردی. تارالا (مزرعه) آغاجدان حاضیرلانمیش خیشلا شوملانیردی.....

تاخیلی (غلّت) دیش سیز اوراقلا بیجیردیلر. تاخیل خرمن ده دؤبولوردو. تارلانین کناریندا حاضیرلانمیش دوز، توخاج لانمیش یئره

دئیلیر. درزلیرى میدانچایا سریر و اوستونده حیوان قووردولار... آرپانی،
اۋین یاخین لیغیندا قازیلیمیش چالالاردا ساخلا ییردیلار.

اویغورلار باجاریقلا ترهوز (صیفی جات) گۆیرتی و بستان چیلیقدا دا
مشهور دولار. اونلار تصرفات لاریندا سوغان، لوبیا، خیار، بادمجان
گئشینش، نانه، بیبر، ساریمساق، شوید و... آکیلر. اونلار یئمیش
(قوهون) و قاریزین مختلف نوع لرینی بئجیرلر. تورفان و خامی
وادی لرینده یئمیش و قاریز ساتیشی، اورومچو منطقه سینده ایسه اخراج
(صادرات) اوچون یئتیشدیریدیلر. کاشغرده باغچیلیق داها چوخ
انکشاف ائتمیشدیر. میوه آغاجلاری حیطلرده و اکین یئرلرینین
آراسینداکی گئنیش کردی لرده اکیلر. باغلاردا اوزوم، اریک، شافتالی،
آلما، نار، ایگده، هئیوا، گیلان، آلبالی، یونان قوزو، توت اکیلر. باغچیلیق
و اوزوم چۆلۆک ان چوخ تورفان وادی سینده انکشاف ائتمیشدیر.

شرقی تورکستاندا سووارمانین ان چوخ آرخ سیستمی یایلمیشدیر.
بو مقصدله سو، چایلاردان و بولاقلاردان گۆتورولور. تیان شان
داغلاریندان آخیب گلن داغ چایلاری داغ اتکلرینده تورپاغا جومور و
بعضی یئرلرده بولاق شکلینده اوزه چیخیر. اویغورلار یئرآلتی سو
منبع لرینی تاپماق و دوزنه (دوز یئر) گتیرمک اوچون بعضاً درین
لیگی ۱۰۰ متره چاتان دار قویولار قازیرلار. بو قویولار «قودوق/قویوق»
دئییلیر. سو طبقه سی تاپیلان یئردن درین لیگی گئتدیکجه آزالان
قویولار قازیلیر و اونلاری یئرآلتی کانال لارلا بیرلشدیریلیر. سونوندا

قويودان سو آرخا آخيديلير.

اويغورلاردا مالدارلىق انكشاف ائتمه ميشدير. بو دا وتلاق لارين آزلىغى ايله باغليدير. اونلار آغارتي (لبنىات) مقصديله آز مقداردا اينك و كئچى، كند تصرفاتى ايشلرينده استفاده ائتمك اوچون آت، گل و ائششك ساخلاييرلار. يار كند، خوتان و خامى وادى لرينده چاي ياتاقلارى و داغ اتك لرينده طبعى وتلاقلار اولدوغو اوچون حيوان دارلىق نسبتاً گئنیش انكشاف ائتميشدير. بورادا آت و دوه و ان چوخ كئچى و قويروقلو قويون ساخلاييرلار. خوتاندا ظريف يونلو قويونلار دا بسله نيلير.

حيوان دارلىق لؤبنورلارين، خوتان داغلى لارى نين و خامى اهاالى سى نين اساس پئشه سيدير. تاغ ليقلار، يايذا اوجا آلپ چمن ليكلرينه قالخير، قيشدا ايسه دايمى مسكن لرى اولان داغ وادى لرينه، ياخود «كونلون» داغ لارى نين شمال اتك لرينه ائيرلر. كئچميش ده داغ وادى لرينده ياشايان و سورو صاحىبلرى اولان وارليلارلا باغلانميش شرطلره گؤره يون و ياغين بير حصّه سى چوبانلارا وئريليردى. اونلار سوروونون سلامت ليگى اوچون مسئول ايديلر و هر ايل دوغولان بالالارى سالم تحويل وئيرديلر. لؤبنوردا سوباسار چمن ليكلر وتلاق رؤلويونا يير، قيش اوچون قميش درزلىرى حاضيرلاييرلار. ايكي هور كوجلو دوه سورولرى «باكتريا» جنسلى و آت ايلخى لارى بوتون ايل عرضينده ياشيل وتلا ساخلانيلير.

اویغورلارین تصرفات حیاتیندا اییک چیلیکده مهّم ایدی و بو تورکستانین هر یئرینه یایلسا دا، اصلی یئری «خوتان» دیاری دیر. بالیق چیلیقلا تاریم چایی نین آشاغی آخاریندا و لوبنور گؤلونده «دولان» لار و لوبنولار مشغول اولورلار. آما بالیق چیلیغین اهمیتی گتتدیکجه آزالیر. یاخین زمانلارا قدر بالیق اووونون چالا اصولی چوخ گئنیش یاییلمیشدی. چایدان چکیلن کاناللا قونشو دوزنی سو ایله دولدوروردولار. بهاردا کانالین آغزینی تورپاقلا دولدوروب سویون قاباغینی کیسیب آغ (تور/تله) قورودوردولار. سو یالنیز درین چؤکک لرده (چالا) قالیردی. یازین سونوندا چؤکک لردن سو بوراخما کانال لاری قازیلیر، بالیق لار کانال دان کئچمک ایسته دیکده تورا دوشورلر. گۆلده بالیغی بؤیوک اولمایان دایره وی تورلا توتورلار. بعضاً ده بؤیوک تورلار قورور و بالیغی تورا ساری آوار (پارو) ضربه لرله قوورولار. تیلوودان و چنگل دن ده استفاده ائدیلیر. دولان لار بالیق توتماق اوچون مخدر بیتگی لرین توخوموندان استفاده ائدیرلر. کئیمیش بالیق لاری قارماقلا توتورلار.

دولان و لوبنورلارین تصرفاتیندا اوچولوق یاردیمچی واسطه رولونو اویناییر. دوشان، کهلیک، اؤردک و قازی تور واسطه سیله توتورلار. اون دوققوزجو یوز اییل لیکده تورفان و خامی دا وحشی دوه لری اوولاماق گئنیش یاییلمشدی. تیان شان دا مارال، تولکو و قورد اوولاییرلار. کیچیک ییرتیجی حیوانلاری اوولاماق اوچون شاهین، قارتال و قیرقی

ساخلايرلار.

صنعت كارلىق و اكين چىلىگه كۆمكىچى واسطه اولموش و ان چوخ شهرلرده انكشاف ائتمىشدى. شهر صنعتكارلارى ياخين زمانلاردا قدر رئيس طرفىندن باشچىلىق ائدىلن سىخ^{۶۲} قورولوشونو قۇرۇموشدۇ و بىر سىرا يازىلى نظامنامەلرى وارىدى.

كاشغردە ان چوخ انكشاف ائتمىش صنعت، پامبىق آيىرمك و پامبىق پارچا توخوماق دىر. كاشغر وادىسىندە بوتون اھالى نىن پامبىق استحصالى ايله مشغول اولدۇغو شەرلەر چوخدۇر. اساساً سادە پارچا (دابا، بوز) سونرا آلاچا- رنگلى ناخىش لارى اولان آغ پارچا، چكىن، بورولموش ساپلاردان، سىخ رنگلى پارچا، اىپك پارچالار (ماشرون، اطلس، شايى) توخوپورلار. يون پارچالار خوتاندا حاضىرلانير. سون زمانلار كرخانا صنايع سى نىن انكشاف ايله علاقه دار اولاراق بو صنعتىن اهمىتى آزالمىشدير. صنعت كارلىغىن انكشافىنا گۆره بىرىنجى يئردە خوتان دورۇر. بورادا اىپك چىلىك، خالچاچىلىق، كىچە چىلىك، پامبىق پارچا، خىز، قىز و ئىفريت^{۶۳} محصوللارى استحصالى گىنىش يايلىمىشدير. خوتان خوۋلو خالچالارى محكم ليگىنە، بوتالارى نىن گۆزل ليگىنە، رنگلرى نىن الوان ليغىنا گۆره فرق لنير. خالچاچىلار كرخانا تىپلى كىچىك موسسەلردە (۲۰-۱۰ و داھا چوخ فحلە) بىرلشمىش لىر. خالچا توخوماسى، اساساً، ال امەينە دايانير. يار كند وادىسى ان چوخ

^{۶۲} - موسسە. شەبە

^{۶۳} - آغ و سود رنگلى برك اولان مادە.

گون- دَرى محصوللارى، سونرا ماتا، خالچا، ايپك و نئفريت محصوللارى ايله شهرت لنميشدير و يئرلى بازارلارين احتياجىنى اؤدهيپر. درى دن يَهَر، قاييش، باشماق (قالوش- چكمه) استحصاليندا استفاده ائديليپر. اويغور صنعت كارلىغى نين اساس ساحه لر يندن بيرى ده كئچه چيليكدير. خوتان دا مشهور آغ خوتان كئچه لرى حاضيرلانىپر. كوچا گؤزل ناخيشلار و بوتالى كئچه لر يله شهرت لنميشدى. كوچا دا مينا كارلىق و ناخيشلى سراميك صنعت لرى انكشاف ائتميشدير. ۱۹۴۹- جو ايلدن سونرا تور كستان دا صنايع ياراديلماسى فحله صنفى نين تشكل پروژه سى باشلانميشدير.

ايريمينجى يوز ايل لگين اول لر ينده شرقى تور كستان دا اساس نقلّيات واسطه لرى دوه، آت، اؤكوز و ائششك ايدى. يوك داشيمالارى نين اساسىنى ايكي بؤيوك آغاچ تكرلرى و ديشله قوشقوسو اولان آرابا (خاروا) تشكيل ائديردى. انسان داشيماسيندا مَپَه آديندا آرابادان استفاده اولونوردو. مپه نين سگى اوزرينده كى يونگول اؤرتويو اولان آرابادير. اورتوك يانلارى و اوستو حصيرله اؤرتولموش ياريم بيضى چرچيوه دن عبارت دير. كاشغرده يوك حيوانى كيمى ان چوخ ائششك دن استفاده ائديليپر. سوارى آت لار ينى يالنىز وارلى اويغورلار ساخلايپردى. سو نقلّياتى ايله يوك داشيماسى فقط تاريم و ايلى چايلاريندا يايىلميشدير. ماشين نقلّياتى نين يارانماسى ۲۰- جى يوز ايل ليگين اوتوزونجو ايل لر يندن باشلانميشدير. سون ايل لرده بير نئچه ماشين يولو و اورومچو و قازاقستان آراسيندا دمير يولو چكىلميشدير.

يىنلار

اويغورلار ھر طرفدن صحرا ايله احاطه اولونموش آيرى- آيرى وادىلرده ياشايرلار. وادى اونون مرکزىندە اولان شھر، ياخود كندىن آدى ايله آدلانىر. شھرلرین اطرافىندا چای و چای بۇيۇ بىر ايکى كۇچەلى كندلر اوزانىر. عائىلە يە مخصوص ھم ياشايش ھمدە تصرفات تىكىلىلرى، او قدرده بۇيۇك اولمايان باغ و بوستانى احاطه ائدن حىطلر سىخ جرگەلر شكىلىندە دير.

شھر بىر نئچە بۇيۇك و چوخلو كيچىك آيرى- اويرو كۇچەلردن و بازار ميدان يندان عبارت دير. عاداتاً اويغور شھرلىرىندە مسجد بازار ميدان يندا اولور. بازارلار و اونلار ايتىشىك كۇچەلر، بازار و كۇچەلرى احاطه ائدن ائولرین داملارینی بىرلشدیرین حصیرلە اۇرتولور (بازار و كۇچەلرى گونش دن قوروماق مقصدىلە). بونلار اۇرتولو بازار و كۇچەلردە دئمك اولار. شھرلر چىي، ياخود پىشمىش كرپىچ دن ھۇرولموش اوجا حاصارلارلا دورەلنیر و بىر نئچە يئردە قاپى قويولور. بو كاشغر، آغ سو، ياركند، اورومچو، خامى و... بۇيۇك شھرلر عاداتاً «اكىزە» مالىك اولور. منچورلار مسلمان شھرىندن بىر آز آزالى شھر و قالالار سالمىشلار. بو اكىز شھرلردە فقط چىنلىلرە ياشاماغا اجازە وئريلير. اداره اعضاءلارى و قوشون دا بورادا ياشاير. اويغورلار بو شھرلرى معمولاً «يانقى شھر» آدلانىدیرلار. كندلر شھرلردن تىكىلىلرى نىن داغىنىقلىغى ايله فرقلىنىز. بۇيۇك كندلرین مرکزلىرىندە بازار ميدانى،

اونون يانيندا مسجد و دستماز آلماق اوچون اطرافينا آغاچلار اكيلميش حوض اولور.

اکثر ائولرین دیوارلاری چیی کرییچدن یاخود سامانلا یوغرولموش گیلدن (پالچیق) هؤرولور. مئشه‌سی بول اولان وادی‌لرده دیوارین چرچیوه‌سی تاختادان حاضیرلانیر و گیل‌له دولدورولور. چوخ واخت او بینؤوره‌سیز، تورپاق اوستونده دوزلیر. گیل دیوارلارین ائنی آشاغی‌دا ۱۲۰ سانتیمیر اولور و یوخاری قالدیقجا دارالیر. یاستی دام اوزونونا و ائینه قویولموش تیرلرله دوزلیر. اونون اوستونده نازیک شوی و تاختالار دوزولور و قمیش حصیرله اؤرتولور. بونون اوستونه قمیش سرلیر، ۱۰-۱۲ سانتیمتر قالین‌لیغیندا گیل‌له اؤرتولور و شیرهلیر. یاستی دام (اساساً جنوب‌دا یا ییلمیشدی) تصرفات ایش‌لری اوچون استفاده ائدیلیر. دام‌دا مئیوه، سبزه و... قورودولور. اؤلر دامین باجاسی اولاردی، پنجره تاختا قاپاقلا اؤرتولدی. ایندی ایسه اونون پنجره‌سی اولور. قدیم دیوارلاردا پنجره قویولمور و قاپی‌لار حیطه باخیر. زمی بینالاری ائوه بیتیشیک اولور. ائو بوتون بینالارلا برابر اوجا گیل حصارلا یاخود سو اولان یئرده جانلی حصارلا احاطه‌لیر. بینانین اساس قسمتینی قیش اوتاغی تشکیل ائدیر. اونون قاباغیندا یای اوتاغی اولور. دؤرد گوشه شکلینده اولان بو ائولر کونده‌لن آرا کسمه‌لرله آیریلان و داخلی قاپی‌لارلا بیرلشدیریلن بیر نچه اوتاغا بؤلونور. بعضاً مرکزینده بؤیوک بینا یئرلشن یئرده مرگب طرحی ائولره تصادف ائدیلیر. وارلی

آداملارین ائولری ۲۵-۲۰ اوتاق دان (خصوصاً یای بیناسی، مطبخ، قوناق اوتاغی و...) عبارت اولور. هر ائوین گیریشنده اؤرتولو ایوان اولور. اوتاغین چوخ حصّەسی بوتون دیواربویو اوزانان و هوندورلویو یاریم متر اولان اوجاق سکی سی توتور. سکی اولماسایدی اوجاق اوتاغین اورتاسیندا قالمالی، توستو دامداکی دلیکدن چیخمالی ایدی. کاشغر وادی سینده ائولر قیشدا منقل واسطه سیله قیزدیریلیر. وئرانداردا، باغلارین، آرخلارین کناریندا آغاج کؤلگه لرینده «سوپا» آدیندا هوندور یئرلر دوزلدیلیر. عائیله نین بوتون حیاتی سوپا اوستونده کئچیر. بورادا یئییر، ایشله ییر، یاتیرلار. اوتاقلارین دیوارلاریندا مختلف اؤلچولو رفلر دوزلدیلیر. بورایا پالتار صانددیق لاری و یورقان- دؤشک قویولور. قاب- قاجاغی دا بئله رفلره یاخود اوجاغین یانیندا دوزلدیلیمیش تاختا رفلره ییغیرلار. سوپا و سکی نین اوستونه حصیر، اونون اوستونده ده کاسییلار کئچه، وارلی لار ایسه خالچا، یاخود پالاز سَریرلر. بعضاً یئمک زامانی سوپانین اوستونه کیچیک میز قویولور، قالان واختلار میزی سوفره یه بوکوب دیوارا دایاییرلار.

شهر اهالی سی، خصوصاً وارلی لار ایکی مرتبه لی ائولر تیکیرلر. بئله ائولرین دامیندا، آچیق یا یونگول اؤرتوکلو ایوانلار دوزلدیلیر. ۱۹- جو یوز ایل لیکده لؤنبور، دولان و تاغلیکلارین ائولری داها قدیم و ابتدایی ایدی. لوبنورلار اؤز سکی لرینی «ساتما» آدلاندریردیلار. لوبنور ساتماسی نین ان قدیمی سی بئله دیر: ساتمانین اساسینی شوو شبکه،

دیوارلارینی ایسه محکم باغلانمیش قمیش درزلیرى تشکیل ائدیر. دام دا قمیش درزلیله اؤرتولور؛ تورپاق دۆشمهیه قامیش سریلیر؛ ساتما قامیش آرا کسمه لرله ۲-۳ اوتاغا بؤلونور. اونلارین ان بؤیویونده اوجاق قالانیر. توستو باجادان چیخیر. بو اوتاقدان خورک حاضیرلاماق اوچون استفاده اولونور. قازان اوجاغین اوستونده آسلییر دیواربویو سریلیمیش حصیر و کئچه لرден هم اوتوراجاق، هم ده یاتاجاق کیمی استفاده ائدیلیلر. منزلین گیریشی معمولاً جنوبا طرف آچیلیر و قامیشلا اؤرتولور.

دولانلارین منزلی ده کئچمیش ده قامیشدان اولموش آمما گیلله شیرهلنمیشدی. چوخ واخت بئله تیکیلی لر ۲-۱/۵ متر اوجالیقدا یاریم دایره شکلینده اولوردو. خوتان منطقه سی نین تاغلیکلاری چوخ واخت «آلتین تاغین» اتکلرینده «ایيوس» یارغانلاریندا اؤزلیرى اوچون ائو مغاره (ماغارا) قازیردیلار. داغلاردا دیوار هؤرمک اوچون داشدان دا استفاده ائدیردیلر.

گئيىم لر

اويغورلار پالتارى اساساً پامبىق پارچادان حاضىرلايىرلار. لوبنورلار كندىردن توخونموش، تاغلىكلار ايسە اۋزلىرىنىن توخودوقلارى يون پارچادان تىكدىكلرى پالتارى گئيىرلر.

كىشىلرىن آلت پالتارلارى سايا تىكىلمىش اوزون و ائىلى قوللارى اولان اوزون كۆيىنكلردن و چوخ ائىلى، بئلى قايتانلا يىغىلان شالواردان عبارت دىر. تورفانلىلار كۆيىنەيىن آلتىندا اوزونلۇغو بئلە چاتان داھا بىر كۆيىنك گئيىرلر. اوست پالتار مختلف رنگلى خلعت و قىسا پامبىق خرقدەن عبارت دىر. خلعت آستارلى اولور، اوز پارچا كىمى توند رنگلى، ياخود مىلەمىل پامبىق پارچادان استفادە ائىدىلر. دويمە بوغازىن ياخىنليغىندا و سىنەدە قويولور. پالتارىن بوتون بۇرتو بويو ايكي قات قايتان اونون اوستونە دويمەلر تىكىلر. كۆيىنەيىن او بىرى بورتوندا بئلە بىر قايتان دان ايلمەلر اولور.

قىشدا قويون درى سىندن حاضىرلانمىش كورك، سىرىقلى شالوار، ائىلى آستارىنا خز وورلموش درى شالوار گئيىرلر. آتلا گئدركن خلعتىن و كوركون اتكلرىنى شالوارا سالىرلار. كۆيىنك، خلعت و خرقدەنى بورولموش اوست اۋرتوكلە بئل ناحىەسىندە باغلايىرلار. بعضاً بئلىن سول طرفىندىن قىنىندا اولان بىچاق جىب دىستمالى (ياىلغى)، تىبەكى (تىباكو) چوبوغو و توتون كىسەسى آسىلر. درى چيوك، ياشىل، ياخود قىرمىزى رنگلى يوشاق درى و ياخود توماچ اىچىك (مايسا) آياق قابى،

کوچه یه چیخارکن بو باشماق لاری قالوشولا (کئپیش) گئییرلر. چوخلاری دابانلی، اوزون اوجلو و دیزی اؤرتمک اوچون قاباقدا دیلی اولان چکمه دن استفاده ائدیردی. عادی واختلار ماتادان (mata) حاضیرلانمیش جوراب، سویوق دوشنده ایسه یون جوراب گئییرلر.

باشا عرقچین (دۇپا یاخود بؤروک) قویورلار. چوخ واخت اونون کنارلارینا باشقا پارچادان تیکمه لی کؤبه تیکیلیر. ایندی، داها چوخ او قدرده بؤیوک اولمایان عرقچین قویورلار. ایستی پاپاغین آستاری خزدن اولور و دوره سینه ده خز تیکیلیر.

مّلی قادین پالتارلاری اوزون، دوز تیکیشلی دۇندان عبارت دیر، دۇنون قول یئرلری دوزدور، دوز دوران کؤکتکالی یاخالیغی واردیر. قوللار ائنلی و اوزون اولور. قادینلار دونون اوستونده بورتلاری یاخاسی و اتکلری شریتملی، قولسوز، آرخالیق گئییردیلر. قادین شالوارلارینین آشاغیسی ائنلی اولور و توپوقدا بوزولور. چوخ واخت آشاغی قیسمی تیکمه، یاخود لئنتله بزه دیلیر. دونون سینه سینده دویمه لر اولور. اؤللر قیزلار، همیشه کوره یینده کسیم اولان دون گئییردیلر. یاخالیق و کسیمین بورتلاری رنگلی تسمه ایله تیکیلیر یاخود قایتانلا باغلاناردی. آرلی و اوشاغی اولان قادینلارین دونو دؤشده شریتم شکلینده ناخیشلا بزه دیلردی. (خۇتان و کورلادا) قادینلارین اوست پالتاری کیشیلرین کیندن فقط الوان رنگلری (قرمزی، یاشیل، ساری) و کمرلرین اولماسیلا فرق لئیردی. اونلارین قیش پالتاری

كيشىلرين كيندن فرقى يوخودو. يوخسول عائيلهلرده چوخ واخت بير قيش پالتاريني هم ار، همده آرواد گئيردى. كيچيك اوشاقلار اوچون كۈينك، شالوار و جورابى بيرلشديرن پالتار تيكرديلر.

قادينلار هۋروك ساخلايىرلار. قديمده قيزلارين ساچى بئش هۋروك اولار، آلىندا زلف ساخلايار، باشين اورتاسيندا تاغ دوزلدرديلر. قادين اوشاغى (تورفاندا حتى اوج اوشاغى) اولاندان سونرا خصوصى ساچ هۋرمه مراسميندن سونرا ايكي هۋروك هورمه حقوقى قازاناردى. هۋرويون اوجونا قوتازلى قارا قايتان هۋررديلر. بعضاً هۋروك قارا ايبك قايتان وگوموش داناسى اولان قوتازلى مخصوص بركله (چاچ قوچ) بيتدردى. باشا كيشىلرين كينه بنزر لاکين تيكمه و مونجوقلا بول- بول بزه ديلمىش عرقچين، قيشدا دۋرهسى گنىش خز پاپاق قويورلار. پاپاغين آلتيندان كورهيه كيسئى، ياخود ماتادان ائىلى آغ اۋرتوك ائىر. قاباقدان، پاپاغين آلتيندان شفاف كيسئى حاضيرلانان، چوخ واخت كنارلارى تيكمهلى و قوتازلا حاشيهلنن، او قدرده بۋيوك اولمايان آغ اۋرىك ائىر. وارلى قادينلار پاپاغي سو سامورو^{۶۴} خزيندن، جنوب وادىلرينده ايسه قوزو درى سيندن تيكيرديلر. لۋنور قادينلارى پاپاغين اوستوندن آغ اۋرتوك چكپ، چنهين آلتيندا باغلايىرلار. اونلار بعضاً فقط اۋرپهيه بنزر اۋرتوك اۋرتورلر. اۋلر (۱۹- جو عصرده) للهيهى اوستونده قالماقلا، قو و اۋردك درى سيندن پاپاق قويارديلار.

اویغور قادینلاری آراسیندا زرگرلیک معمولاتلاریندان قیمتلی، یاخود یاریم قیمتلی داشدان قاشی اولان اوزوک، سیرغا و قولباغ گئنیش یایلمیشدیر. سیرغا، گوموشدن حلقه شکلینده دوزلدیلیر، دسته یین آلتی نفیس شکیلده پیرامیدجیق لارلا بزه دیلیر. شوشه و مرجان مونجوقلار دا قادین بزه یینه داخل دیر. مرجان یا قیزل و یا گوموشوله ایشلنمیش قیمتلی داشلاردان اولان دویمه لرده پالتارین بزه یی حساب ائدیلیلیر. پالتاری، مثلاً یاخانی، کؤبه نی و دونون کؤکتکاسینی، عرقچین یین دؤره سینی تیکمه ایله بزه مک گئنیش یایلمیشدیر؛ تیکمه لی اوزون لئنت قادین شالواری نین بالاغینی کؤبه لیپردی. ایندی رنگلی چیتدن کؤبه، گونده لیک پالتاردان تیکمه نی سیخیشدیریپ چیخارمیشدیر.

خورك‌لر

اويغورلارین قیداسیندا خمیر خورک‌لر اساس یئر توتور. چۆره‌ی کوکه شکلینده، آجیمیش و شیت خمیردن پیشیریلر. بال‌قاباقلی، آتلی، سوغانلی پیراشکی‌لر حاضیرلایرلار. چۆرک و خورک‌لری حیطده قورولموش سوبادا پیشیریلر. سوبا آذربایجان‌لیلارین تندیرینه اوخشاییر. سوبانین ایچی نازیک گیل طبقه ایله شیرهلیر. سوبایا اۆدون ییغیلیر و دیوارلاری قیزدیریلیر. خمیری کونده‌لییر سو ایله سوبانین دیوارینا یاپیرلار. دیگر خورک‌لر چویون (چۇن) قازان‌دا حاضیرلاییر.

ان چوخ یاییلمیش خورک آریشته‌دیر، اونا آت و تره‌ۆز قاتیر، سییق و قاتی (غلیظ) پیشیریلر. اریشته‌یه خیردا دوغرانییش سوغان، تورپ، قویون آتی، علاوه ائدیلیلر (قازاق‌لارین بش‌بارماغی کیمی). اوندان بیر سیرا بایرام خورک‌لری، مثلاً کچیک دوشبره (آذربایجان‌داکی کیمی، آمما سوسوز)، چوچوره بوخاردا پیشیریلن بۆیوک دوشبره (قیرقزلارداکی کیمی مانتو، ترکیه‌ده مانتی)، پیراشکی، پیده پیشیریلن، فسه‌لی و... حاضیرلایرلار. بیر سیرا خورک‌لر او جمله‌دن آت و پی‌لی سییق، آت و میوه‌لی سییق، دویو (برنج) و نوخود شورباسی، باشلیجاسی ایسه قویون اتی چوخلو کۆک، سوغان و قیرمیزی بییر قاتیلیمیش پلۆو (اۆزبک‌لرین کی کیمی) پیشیریلیر. یاغلاردان ان چوخ مشهورو پی و بیتگی (پامبیک - کُنجد و چته‌نه) یاغلاری‌دیر. قارغیدالی خورک‌لری چوخ یاییلمیش‌دیر. تورفان و خامی‌ده جوقارا اۆلور. ان چوخ حاضیرلانان

خورک قارغیدالی اونوندان پیشیریلن اوماج آدلی خورک دیر؛ اونو ایران و کؤکه ایله یئیرلر. ترهوز، داری و ایران شوربالاری (آذربایجانلی لارین دؤوغاسینا بنزه بیر) دا چوخ پیشیریلر. ات خورک لری بونلاردیر: قویون آتیندن پیشیریلن شیشلیک، آت و قویون اتیندن کالباس. بوتون بو خورک لره بول- بول ایستی اوت، زنجفیل، گشنیش، بادام و چۆرهیه ایسه جیره و زیره قاتیرلار.

سوددن یالنیز قاینانمیش شکیلده استفاده ائدیلیلر. اونو بیر سیرا خورک لره و چایا قاتیرلار. قاتیق دان حاضیرلانمیش ایران اعلاء ایچگی حساب ائدیلیلر. سوددن قایماق (خاما) و پئندیر حاضیرلایرلار. ان گنیش یایلمیش ایچگی جای دیر. اؤنون کرپیچ، قارا و یاشیل نوع لاری واردیر. شرق وادی لرینده (تورفان- خامی) و ایلی چایی حوضه سینده چایی قازان دا قینادیر، اونا بیر آز دوز، یاغ و پی قاتیر (آتکن چای) و پیالادا ایچیلیر. اویغورلارین قیداسیندا یئمیش و مختلف میوه لر بؤیوک رول اویناییر. شافتالی و اریک دن اون قاتیلیمیش هوررا پیشیریلر.

لؤبنورلارین اساس یئمه یینی بالیق تشکیل ائدیر؛ چؤل قوشلاری نین و یابانی حیوان لارین اتی، یاردیمچی رول اویناییر. قیدا کیمی کندیرین کؤکوندن و قامیش زوغوندان دا استفاده ائدیرلر.

شمال وادی لرینده گیل قابلار (معمولاً کاشغر محصولی) جنوب وادی لرینده آغاج قابلار دا یایلمیشدیر. سو اوچون دسته لی یا دسته سیز دار بوغازلی و ائنلی آغیزلی بارداق حاضیرلایرلار. بعضاً بارداق عوضینه

بالقابقدان دا استفاده ائدیرلر. پیلا ان گنیش یاییلمیش قابدیر؛ اوند
شوربا و او قدرده بؤیوک اولمایان چایدان دا دملنمیش چای ایچیرلر.
اویغورلار یا سوبانین اوستونده یا دا دؤشه مه ده خورک یئییرلر. سفره
سریر، کؤکه نی، خورکی و چای پیالاسینی سفره نین اوستونه دوزورلر.
پلوو و ال له، هم ده بؤیوک لرین هامیسی بیر بؤیوک باش قاب دا یئییرلر؛
کیچیک اوشاق لار اوچون آیریجا پای قویورلار. اسلام دینی الکلی
ایچگینی قاداغان ائتسه ده، اویغورلارین بعضی لری شهرلر ده چین عراغی
ایچیرلر. کند یئرلرینده ایسه آریا و داری دان «آراکا» و داری دان
«بوکسون» حاضیرلاییرلار.

عائيله و مراسملر

اویغورلاردا بؤیوک عائيله نین داغیلما سی پروسئسی چوخدان باشا چاتمیشدیر. کیچیک عائيله پاتری آرخال (پدرسالاری) اساسلاری اوستونده قورولور. آما قادینلار نسبی آزادلیغا مالیک دیلر. اویغور عائيله سینده اوشاق لار والدین لرینه چوخ حرمت ائدیر. آتانی یانیندا اجازه سیز اوتورمور، سیگار چکمیر، آتا یاتمامیش یاتمیر و....

اویغور عائيله سینده مهّم حادثه لرین چوخو کند اجماعسی عضولری نین اشتراکی ایله باش وئیریر. اوشاق آنادان اولاندان ۴-۳ گون سونرا اونا آد قویولور. اوشا غی بئشییه قویاندا (۶-۵ یا ۱۵-جی گونو) طنطنه لی صورتده اونا «بشیک توی» ائدیرلر. بعضاً بئشیگی قاینار پیی ده بیشیریلمیش مراسملر چؤرک لری ایله دولدورولار. اوغلان اوشا غی ۶-۵ یاشینا چاتاندا سنت تویو کئچیریرلر.

قدیمده نکاح چوخ کیچیک یاشلاردا (معمولاً ۱۵-۱۲ یاشیندا) والدین لرین رضایتی ایله کسلیردی. تویدان قاباق اوغلان ائویندن گلن ائلچی لرین قبولو مراسمی اولاردی. اویغولارین عادتینه گؤره قیز اوچون او قدرده بؤیوک اولمایان باشلیق (آنلیق) و شریعتین طلب ائتدیگی «مهر» آروادی بوشادیقدا اونو تأمین ائتمک اوچون وسائط وئریلدی.

ئلچی کیمی اوغلان ائوی نین قوهوملاری گئرددی. بیرینجی گؤروشده قیزین وئریلیب- وئريلمه سی مسئله سی حل ائدیلدی. اکینجی گؤروشده عملی مسئله لره- جهیز، مهر، باشلیق، توی اوچون

قىز ائوينه وئریله جک ارزاق و... باخیلاردى. تویا قوهوملار و قونشولار چاغیریلاردى. بی و گلین چۆرهیى گۆتوروب اۆل سویا سالیر، سونرا دوزا باتیریر و هر ایکسی اوندان دادیردی. قیزی ار ائوينه قادینلارین مشایعتی ایله آرابادا کۆچوردیلر. یول بویو قیزین قوهوملاری گلینین آپاریلماسینی لنگیتمهیه چالیشاردیلار. گلین یا پوللا، یا دا رقص له اؤزونو آزاد ائتمه لی ایدی. بی گلینی آرابادان، یا آتدان قوجاغینا گۆتوروب کاندارا (قاینین چرچیوهسی) کئچیرمه لی ایدی. سونرا گلین حایطده یاندریلمیش تونقالین باشینا دولانمالی ایدی. فقط بوندان سونرا اونو بیین اوتاغینا آپاریردیلار. بعضاً یئنی قوهوملارین بیر- بیرین ائوينه گئدیب- گلمه سی داها بیر نئجه گون چکیردی. گلین هر جمعه گونو آتا ائوينه گئدردی. اۆل اوشاقدا آتا ائوينده دونیا یا گلردی. بوندان سونرا آتا ائوينه منتظم گئدیش کسلیردی.

لوبنورلاردا توی مراسمی چوخ فرق لیدیر. والدین لر اوشاقلارا چوخ آرکن بلگه قویاردیلار. اوغلانین والدین لری قیزین والدین لرینه کۆمک ائدر، ارزاق و یانا جاق گۆندیریردیلر. اوغلان و قیزا ۱۶-۱۵ یاشیندا توی ائدردیلر. تویدان بئش ایل اۆل اوغلان اۆز قاییغی، تۆرو و بالیق اوولاماق اوچون لازم اولان لوازماتی ایله گله جک قاین آتاسی نین ائوينه کۆچر، اۆز امه یی ایله قیزین بسلنمه سی خرج لرینی وئیریدی. توی عرفه سینده بی گلینه تولکو دریسی، چۆرک و بۆز واغ قوشونون للکلرینی باغیشلایاردی. تویدان سونرا ایکی قادین گنج لری تاریم چایی نین او

بیری ساحیلینه یولا سالاردی. گنج لر بورادا چادیردا گئجه لمه لیدیلر. اثرته سی گونو اونلار قوناق گئدردی و هر یئرده اونلار بالیق، کندیر، کتان و قاب- قاجاق باغیشلا ییردیلار. قاین آتا اونلار قاییق، تور، آوادانلیق و مال- قارا وئردی.

کاشغرده قادینین حیاتیندا ان مهم حادثه توی یوخ، چاوجاق آدلانان «ساج هۆرمه» مراسمی دیر. معمولاً بو مراسم قادین اوتوز یاشینا چاتدیقدا، همده توی دان داها طنطنه لی اولوردو. مراسمین اساسی حصه سی قادینین باهالی پالتاردا آداملارین قارشى سینا چىخماسى ایدی. او صندلده اوتورار و اونون ساجینی ایکی هۆروک هۆرردیلر. بو مراسمدن سونرا همین قادینا داها چوخ حرمت ائدیلدی. چینه ۱۹۵۰- جی ایلده قبول ائدیلمیش نکاح حاققیندا قانون آزیاشلی لار آراسیندا نکاحی قاداغان ائتدی. عائله ده قادینا کیشی ایله برابر حقوق وئردی. ایندی نکاح هر ایکی طرفین راضییلیگی ایله کسلیلر.

دفن، ممکن اولدوغو قدر اولوم گونو کتچیریلر؛ اولونو یویور، آغ کفنه بوکور، قوهوم و تانیشلارین توپلاشدیگی اوتاغا قویورلار. اولونو گۆتوردو کده آروادلار آغی (نوحه) دئییر. قبری تاقچا شکلینده قازیر، سونرا چیی (خام) کریچله هۆرور، اوستونو اؤرتور، داش، یاخود گیل تپه جیک دوزلدیرلر. گۆرونور، اسلام دان اول کی عادت لرین قالیغی دیر کی، قبرین اوستونه اوزون شوپول باسدیریر و اونا اینک قویروغو و اسکی (پارچا) باغلاییرلار. وارلی لار قیرلری نین اوستونه

مزار- گونبزی سردابه تیکیردیله. دفندن سونرا مرحومون قوهوملاریندان بیرینین ائوینده احسان وئرلیله، چونکی مرحومون ائوینده هله اؤد قالماق اولماز. مرحومون روحی ائوه اوچور و یانا بیلر. ۳۷،۴۰ گونو مراسملری مرحومون اؤز ائوینده کئچیریلر.

۱۹- جو یوز ایلهه لوپنورلاردا دفن مراسمی اویغورلاردان چوخ فرق لنیردی: اوچونجو گون مرحومو قاییغا قویور، دیگر قاییغی اونون اوستونه چئویریر و او قدرده درین اولمایان چالایا قویور، اوستونو قامیشلا اؤرتور، سونرا تورپاق توکوردولر. مرحومون تۇرلارینین (بالیق توتماق تورو) بیر حصّه سی اونونلا بیرلیکده قبره قویولوردو، یاخود همین تۇرلا قبیر دورهلنیردی.

اویغورلار آراسیندا اسلام لا یاناشی مسلمانلیقدان اؤل کی بودیسم، دینینین بعضی قالیقلاری دا یاشاییردی. ایناملار آراسیندا روحلارا (دیو و پری) اینام گئنیش یایلمیشدیر. خستهلردن جینی قووماقلا پئشه کار جیندار (پریخوان) مشغول اولور. اونون قایدالاری خالص شامان سجه سی داشییر.

اویغور دیلی

اویغور دیلینی انکشافینا گۆره اوچ دۆرهیه آیرماق اولار:

۱- قدیم اویغور دیلی- قدیم دۆرهلردن اونونجو یوز ایللیگه دک اولان دۆر؛

۲- اورتا اویغور دیلی- ۱۵-۱۰ یوز ایللیکلر؛

۳- یئنی اویغور دیلی ۱۵- جی یوز ایللیکدن معاصر دوروموزه دک اولان دۆر.

قدیم اویغور دیلی- ترک دیللرینین شرقی هون بوداغینا عایدیدیر. بو دیلده دانیشان قبیلهلر آردیجیل صورتده شرقی هون قبیله اتقاقینا، گۆی تورک خاقانلیغینا، قدیم اویغور خاقانلیغینا و قیرقیز قبیله اتقاقینا داخل اولموشدور. قدیم اویغور دیلی بیر سیرا خصوصیتلری ایله اونا یاخین اولان گۆی تورک (اورخون- ینی سئی عابیدهلرینین) دیلی ایله بیرلیکده شرقی هون بوداغی اویغور- اوغوز قوروپونون اویغور- تورک (بعضاً توکیو کیمی ده یازیلیر) یاریم قوروپونو تشکیل ائدیر. بو دیل بیزیم اثرانین ایلک یوز ایللیکلریندن باشلایاراق مرکزی آسیادان هون، سینی و تورک قبیلهلری ایله قونشولوقدا سیخ تماسدا یاشایان قدیم اویغور قبیلهلرینین دیلی دیر. ایلک باخیشدا غریبه گۆرونسهده گۆی تورک و قدیم اویغور دیللری چوخ یاخین اولماقلا برابر غربی هون بوداغینا داخل اولان ان قدیم دیللرله بیر سیرا عمومی علامتلره مالیک دیر.

قدیم اویغور دیلینین بیر چوخ یازیلی عابیدهلری دۇروموزه دک گلیب چاتمیشدی. همین عابیدهلری مدنیت و دنیا گۇروشونون دیشمه‌سینه گۇره، بئله بۇلمک اولار:

۱- ان قدیم دۇر عابیدهلری. بونلار علمی ادبیات‌دا چوخ وخت رون (run) یازیمی آدلاندریلان گۇی تورک (اورخون- ینی‌سئی) الیفباسی ایله داش و کاغذ اوستونده یازیلیمیشدی. بو عابیده‌لردن ان بۇیویو داش اوستونده یازیلیمیش «سئلئنگا داشی» یا «مویون‌چور» و کاغذ اوستونده یازیلیمیش «ایرق بیتیک» (طالع یازیمی یا خوشبخت‌لیک یازیمی، فالنامه‌ده آدلانیر) عابیده‌لریدیر. گۇی تورک اورخون- ینی‌سئی الیفباسی ایله یازیلیمیش اویغور عابیده‌لرینین دیلی همین الیفبا ایله یازیلیمیش گۇی تورک عابیده‌لرینین دیلینه چوخ یاخین‌دیر و بیر نوع اونون دوامی تأثیری باغیشلایر.

۲- قدیم اویغور دۇرو عابیده‌لری. بو عابیده‌لر قدیم اویغور الیفباسی ایله یازیلیمیشدیر. بیر حصّه‌سی اورژینال ترجمه اولان بو عابیده‌لر مانی و بورهان (بودا) دینی دنیا گۇروشو ایله باغلی‌دیر. قدیم اویغور الیفباسی ایله یازیلیمیش حقوق سندلری‌ده بورایا داخل‌دیر. عرب الیفباسی ایله یازیلیمیش اویغور مسلمان عابیده‌لرینین دیلی قاراخانلی‌لار و سونراکی دۇرون اویغور دیلینه داها یاخین‌دیر. متخصص‌لرین یازدیغینا گۇره، قدیم اویغور دیلی اوز فونتیک و گرامتر قورولوشونا گۇره، قاراخانلی‌لار دۇرو اویغور دیلینه نسبتاً اورخون تورک‌لرینین قدیم اوغوز دیلینه،

یعنی گۆی تورک دیلینه داها یاخین دیر. قدیم اویغور دیلی دونیانین ان قدیم یازیسی اولان دیل لریندن بیریدیر.

اورتا اویغور دیلی:

تورک دیل لری عائیله سی غربی هون بوداغی نین قارلوق قوروپونا داخل دیر. قارلوق قوروپو تورک دیل لری غربی هون و شرقی هون بوداق لاری آراسیندا اورتا موقع توتور. اورتا اویغور دیلی ۱۱-۱۰- جی یوز ایل لیک لرده قاراخانلی لار دؤرونده، بیر طرفدن، غربی و شرقی تورک دیل لری نین، دیگر طرفدن، اورتا آسیانین ایران دیل لری نین (تاجیک و...) قاریشماسی نتیجه سینده یارانمیش دیر. علمی ادبیاتدا اورتا اویغور دیلی نین انکشافی نین ایکی دؤرو، داها دوغروسو، ایکی اورتا اویغور دیلی گؤستریلیر و هر ایکی دیل تورک دیل لری قارلوق قوروپونون قارلوق- اویغور یاریم قوروپوندا بیرلشدیریلیر:

۱- قاراخانلی دولتی نین ادبی دیلی، اویغور، تورگیش، یاغما و قارلوق قبیله دیل لری نین قوووشماسی نتیجه سینده ۱۱-۱۰- جی یوز ایل لیک لرده یارانمیش دیر. بو دیل ایران دیل لری ایله چارپازلاشمادا، غالب چیخمیش دیر. بو دؤرون اویغور دیلی چوخلو مقداردا عرب و فارس سؤزلری آلمیش دیر. سامانی لر دؤلتی دؤروندهده اورتا اویغور دیلی اوّلجه عرب، سونرا فارس دیلی نین گوجلو تأثیرینه معروض قالمیش دیر. قاراخانلی لار دؤرونده کی اورتا اویغور دیلی نین اساس ادبی عابیده لری

يوسف حاجب خاص بالاساغونلونون «قوتادقو بيليگ» (خوشبخت ليک علمی) منظومه سی و محمود کاشغرلی نین «دیوان لغات الترک» آدلی اثری دیر.

۲- قاراخانلی لاردن سونراکی دؤروده- موغول استیلاسی دؤرونده (۱۱-۱۴- جی یوز ایل لیکلرده) تشکّل تاپماسی ادبی دیل. بو دیل قاراخانلی لار دؤرونده کی ادبی دیلین اساس خصوصیت لرینی، یعنی اویغور عنعنه لرینی قورویوب ساخلامیش، لاکین ادبی اثرین یازیلدیغی محیط و یئردن آسیلی اولاراق عمومی خصوصیت لر کسب ائتمیشدیر و بونا گؤره ده واحد عمومی قاعده سی اولمامیشدیر. بو دیلین مهم ادبی عابیده لری «ادیب احمد یوکنکی» نین (۱۲-۱۱ عصرلر)، «عتبه الحقایق» (حقیقت لر تحفه سی) و «نصرالدین ریغوزی» نین (۱۶- جی عصر) «قصص الانبیاء» (پیغمبرلر حیاتیندان روایتلر) اثرلری دیر. تحقیقات چیلار «قیزیل اوردا یارلیق لاری» نی دا بو ادبی دیله عاید ائدیرلر.

قاراخانلی و قاراخانلی لاردن سونراکی (کاشغر) دؤرو اویغور ادبی دیلی ایستر فونتیکی، ایستر لغوی، ایستر گراماتیک خصوصیت لرینه گؤره قدیم اویغور دیلیندن اهمیّتی درجه ده فرق لیر. یوسف خاص حاجب ین «قوتادقو بیلیک» تعلیمی و ادبی منظومه سی داها چوخ سارای ادبی دیلی نین نمونه لرینی اؤزونده منعکس ائدیر. محمود کاشغرلی نین «دیوان اللغات الترک» اثری جانلی دانیشق دیلی اساسیندا یازیلیمیشدیر.

۱۱- جى يوز ايلده قاراخانلى دولتى ايكي مستقل دولته پارچالانير. بىر دولتين پايتاختى اولجه بالاساغون سونرا كاشغر شھرى، ديگر دولتين پايتاختى اوللر اوز كند، سونرا سمرقند شھرى اولور. بونا گۆرده بو دۆرده واحيد اويغور ادبي ديليندن دانىشماق اولماز. بونولا بئله قيد اثتمك لازيم ديركى، قاراخانلىلاردان سونراكى اويغور ادبي دىلى نين قاراخانلىلار دۇرونون اويغور ادبي دىلى نين چوخلو مشترك جهتلىرى واردير. آما هر ادبي ديلين اؤزونه مخصوص خصوصيتلىرى ده آز دئيلىدير. قاراخانلىلار و اونلاردان سونراكى اويغور دىلى بىر جنسلى اولماميش، محمود كاشغرلى يه گۆره ديالكتك فرق لرينه ماليك اولموشدور. محمود كاشغرى اوز لغتينده بو ديل و ديالكتلىرى گؤستيرير. خاقان توركلرى نين (اويغورلارين) دىلى، قاراخانلى دولتى اھالى سىنين دىلى، اوغوز و قىچاق لارين دىلى، همچنين داھا كيچيك ديالكتك قورۇپلارى: آرقو (اويغورلارين طايفا بىرليگى)، يغما (قديم دوققوز اوغوزلارين نسل)، چگل (قارلوق قبيله سى)، توركمن (اوغوز قبيله سى) كنگر و...

قيد اثتمك لازيم ديركى، معاصر اويغور دانىشق دىلى اؤز ديالكتك تركيبينه گۆره ۱۲-۱۱-۱۰- جى يوز ايل ليكلر قاراخانلى دۆلتى نين خالق دانىشق ديلينه خاص بىر سيرا خصوصيتلىرى قورويوب ساخلاميشدير.

يئنى اويغور دىلى:

شرقى تركستاندا، اورتا آسيا و قازاقستان جمهورييتينده ياشايان اويغورلارين دىلىدير. يئنى اويغور دىلى، تورك دىللىرى عائىلەسى قارلوق قورويونون، قارلوق - خوارزم ياريم قورويونا داخيلدير. يئنى اويغور دىليندن باشقا قارلوق قورويونا، يئنى اۋزبك دىلى، قاراخانلى - اويغور دىلى، قاراخانلىلاردان سونراكى اويغوردىلى، چاغاتاى دىلى، كهنه اۋزبك دىلى ده داخيلدير. ۱۰-۱۱ - جى يوزايل ليكلرده غربى و شرقى تورك دىللىرىلە اورتا آسيا، ايران دىللىرىنين قارشىلىقلى تائىرى نتيجه سينده يارانان بو دىل لرده چوخلو عمومى جهت لر موجوددور.

معاصر اويغور دىلى بير طرفدن ايكي ادبى دىلى اۋزونده تجسم ائتديرير.

۱- اويغور دىلى نين شمال دىالكتللىرى اساسيندا فورمالاشان قازاقستان جمهورييتى اويغورلارلى نين ادبى دىلى (كىريل گرافىكى اساسيندا يازىسى وار)

۲- اويغور دىلى نين جنوب دىالكتللىرى اساسيندا فورمالاشان شرقى تركستان (سين تسزىيان/سين كيانگ) اويغورلارلى نين ادبى دىلى.

شرقى تركستان اويغور ادبى دىلى نين تشكلىل پروسهسى هله بيتمه ميشدى. بو ادبى دىل عرب اليفباسيندان استفاده ائتدير و اولكى اويغور ادبى دىليندن اساساً لغت ايله فرق لنير. معاصر اويغور دىلى ديگر طرفدن چوخلو لهجهسى اولان دانىشق دىلىنى اۋزونده عكس ائتديرير. اويغور دىلى نين لهجهلىرىنى دؤرد قوروپدا بيرلشديريرلر.

بیرینجی قوروپ جنوب لهجه لری بونلار دیر:

۱- «یانگی قیسار» شیوه سی ایله بیرلیکده کاشغر- یارکند دیالکتی.

۲- چَرچَن شیوه سی ایله بیرلیکده خوتان- کُتری دیالکتی.

۳- آغ سو دیالکتی.

ایکینجی قوروپ شمال لهجه لرینه بونلار داخیل دیر:

۱- کوچا، تورفان (کوجا، قاراشار، تورفان، قومول، خامی و...)

دیالکت لری.

۲- ایلی، یاخود کولچی دیالکتی. قازاقستان دا یاشایان اویغورلار دا بو

دیالکت ده دانیشیر.

اوجونچو قوروپو یالیز لوبنور دیالکتی تشکیل ائدیر. بو دیالکت منشأ باخیمیدان قدیم قیرقیز دلی ایله باغلی دیر، آمما اویغور دلی طرفیندن استحاله ائدیلمیش دیر.

دۆردونجو قوروپو قانسو (چین خالق جمهوریتی) دیالکت لری تشکیل ائدیر. بورایا ایکی دیالکت سالار و ساری اویغور دیالکت لری داخیل دیر. سالار دیالکتی اوغوز- قارلوق اساسینا مالیک دیر. آمما یئنی اویغور دلی طرفیندن استحاله ائدیلمیش دیر. ساری اویغور دیالکتی اصلینده تورک دیل لری عائیله سی نین باشقا بیر قوروپونا- اویغور- اوغوز قوروپونا عاید دیر.

خوتان آدلی کیچیک بیر تورک خالق نین دیلینی ده اویغور دلی نین دیالکت لرینه عاید ائتمک اولار. مختلف تحقیقات چیلار بو دلی مختلف خالق لارا عاید ائدیرلر. B.y.VladimirTsev اویغورلارا، Q.Vamberi اؤزبکلره Q.N.PoTanin قیرقیزلارا. خوتانلارین

دیلی قاریشیق خصوصیتلر داشییبیر و یئنی اویغور، قیرقیز، تورکمن دیللرینین بعضی خصوصیتلرینی اؤزونده جمعلشدیریر.

یئنی اویغور دیلینین تشکلو پروئسی اساس چیزگیلرده، اؤزبک دیلینین تاریخی ایله عمومی دیر. آما بعضی فرقلی خصوصیتلرده مالیک دیر. بواساساً اویغور خالقینین قومی ترکیبینین، خصوصیتلریله باغلی دیر. بونلارین ائتوگرافیا سیندا قیچاق عنصرلری آز دیر و شرقی قدیم تورک قبیلهلرینین داها قدرتلی تأثیری واردیر.

اویغور دیلینین ان قدیم دۆردن یئنی اویغور دۆرونه قدر کئچدیگی تاریخی انکشاف جریانی بئله سجه لشدیرمک اولور:

لغت فوندونا، فونتیکاسینا، گراممئینه گۆره، قدیم اویغور دیلی اونو عوض ائتمیش. اورتا اویغور دیلیندن گوجلوشکیلده فرقلنمیشدیر، اویغور- اوغوز عمومی لیگنین دیگر اولو دیلینه- اورخون- ینی سئی تورکلرینین قدیم اوغوز دیلینه داها یاخین دیر. ایندی شرقی آسیا حدودلاریندا اویغور- اوغوز عمومی لیگی فقط «تووا» دیللرینده و اونا یاخین «کوک چولوتان» دیللرینده و بوحودولاردان کناردا یاقوت دیلینده تمثیل ائدیلمیر. خاکاس دیلینین دیالکتلری ایله علاقه سی اولان ساری اویغور (yuygu) دیالکتلری ده بورایا عاید ائتمک اولاردی، آما اوندان قیرقیز و غربی هون تأثیری چوخ گوجلودور و لغت فوندوندا موغول تبت قاریشیغی دا واردیر.

شرقی آسیانین غربی هون دیللرینین هامیسی قارلوق- قیچاق یاریم قوروپونا عاید دیر. بیزیم ائرانین بیرینجی مین ایل لیگنین سونوندا بودیللر ایکی داها کیچیک یاریم قوروپا- قیچاق- قارلوق یاریم

قوروپلارینا بۆلۈنۈر. اورتا اویغور دیلی (۱۵-۱۱- جی) عصرلرده قدیم اویغور شعبه‌سی اساسیندا تدریجاً شرقی ھون علامت‌لرینین ایتیریلمه‌سی و غربی ھون خصوصیت‌لرینین قازانیلماسی یولو ایله انکشاف ائتمیش اویغور خالق‌ی‌نین دیلی بو سونونجویا عاید‌دیر.

قارلوق دیل‌لری‌نین دیگر حصّه‌لری‌نین دیالکت‌لری اورتا اویغور دیلیندن یوخ، بلکه قارلوق- خوارزم دیالکت‌لری طرفیندن اونون استحاله ائدیلمه‌سی یولو ایله تظاهر ائدن یئنی اویغور دیلی‌ده بورایا عاید‌دیر. خصوصاً اورتا عصر ادبی فورماسینداکی اویغور دیلینه چوخ یاخین اولان اۆزبک دیلی‌ده بو دیالکت‌لردن یارانمیش‌دیر.

بئله‌لیکله یئنی اویغور دیلی اوچ دفعه استحاله نتیجه‌سینده تشکّل تاپمیش‌دی: اوّل‌جه آنتیک دؤرون سون‌لاریندا و آنتیک دؤردن سونرا اویغور- اوغوز دیالکت‌لری طرفیندن «sinTzyan» اراضی‌سینده یاییلمیش قدیم شرقی ایران دیل‌لری‌نین استحاله‌سی یولو ایله سونرا اثرکن اورتا عصرلرده قاراخانلی‌لار دؤرو آدلانان دؤرده- بو یوللا تشکّل تاپمیش قدیم اویغور دیلی‌نین قارلوق دیالکت‌لری طرفیندن استحاله‌سی نتیجه‌سینده و نهایت اورتا عصرلرین سونوندا- اورتا اویغور دیلی‌نین قارلوق- خوارزم دیالکت‌لری طرفیندن استحاله ائدیلمه‌سینده.^{۶۵}

ادبیات و اینجه صنعت

اویغور یازیسینین تاریخی بیزیم اثرانین اوّل لرینه گئدیپ چیخیر. اونلار اوّل لر اورخون - ینی سئی الیفباسیندان استفاده ائتمیش، سونرا سغد الیفباسی اساسیندا قدیم اویغور الیفباسینی یاراتمیشدیلار. قدیم اویغورلار هر ایکی الیفبا ایله بیر حصّه سی اورژینال، بیر حصّه سی هند، چین، تخار دیل لریندن ترجمه ائدیلمیش زنگین بیر ادبیات یاراتمیشلار. اویغور دیلینده یازیلیمیش بدیی اثرلرین تاریخی بیزیم اثرانین ۵-۴- جی یوز ایل لیک لرینه گئدیپ چیخیر.

اویغورلارین زنگین فولکلورو واردیر. ناغیل لاردا حیوان لارین دیلی ایله، اجتماعی عدالت سیزلیک قامچی لانیر، اوچان خالچا ایله انسانلار اوزاق مسافه لری بیر آن ایچینده طی ائدیر. سئحیرلی گوزگو واسطه سیله کین لی قوه لره غالب گلیرلر.

قدیم اویغور ادبیات نمونه لری شبهه سیز قدیم اویغورون بدیی تفکرونون محصولودور. آما هئچ بیر ملت بوشلوقدا یاشاییب، انکشاف ائتمیر، اونو احاطه ائدن ملت لرله دایم سیاسی، اجتماعی، اقتصادی و مدنی تماس دا اولور بو باخیمدان قدیم اویغورلار مستثناء دئییل، بونا گوره ده اونلارین مدنیّت انکشافیندا قونشولاری چین، هند، و ایران ملّتی نین ده پایی واردیر. عینی زماندا قدیم اویغوردا اونولا تماس دا اولان خالق لارین مدنیّتینده تأثیر گؤستریمیشدیر.

قدیم اویغور ادبیاتی نین ماهیّتی نی دوزگون باشا دوشمک اوچون نظره

الماق لازيم ديركى، بو ادبيات دۇرد دينين (مانيسم، بوديسم، مسيحيت، اسلام) محيطينده ياراديلمىش و هر محيط ادبى اثره اۇز تائيرىنى گۇسترمىشىدير.

تحقيقات چيلارين عقيدەسىنە گۇرە اويغور ادبياتى نين ان قديم نمونه سى بيزيم اثرانين ۵- جى يوز ايلينده يازيلمىش «xuasTanifT» منظومه سىدير. تاريخ بيزه ۱۱-۷- جى يوز ايل ليكلرده ياشامىش اويغور شاعرلريندن؛ آپرين چور تيگن، كول تارقان، سين كو سئلى، تودون، كيكى، بئراتيا شئرى، آسيغ توتون، كاليم كئيسى، چوچو، سيليق تيگن، كونجوك ايدوك كوت، كامالا آنا تا شئرى، يوسف خاص حاجب كيمي شاعيرلرين آدلاريني و اثرلرينى چاتديرمىشىدير. قديم اويغور شعرى نين قوشوغ، قويان، قوشما، تاشوت، اير، يير، كوك، شئله اۇكه، پادا، كاوى، باش، باشيك كيمي نمونه لرى دۇروموزه دك محافظه ائدىلمىش بيزه چاتمىشىدير. مسلمان شرق دونياسيندان فرقلى اولاراق قديم اويغور ادبياتيندا، نثرده كيفايت قدر انكشاف ائتمىشىدير: نثر اثرلرى نين بير قيسىمى، چين- هيند و تخار ديللريندن ترجمه ائدىلمىشىدير. نثر اثرلرى نين بير قيسىمى دينى مفهوم لارى داشيسا دا، بير قيسىمى دنيوى مضمونا ماليك دير: نثرله يازيلمىش تمثيلى اثرلره ده تصادف ائدىلير.

قديم اويغور ديلينده ايستر نظم له ايستر نثرله يازيلمىش اثرلر يوكسك بديعى ديرلره ماليك دير. قديم اويغور ديلينده يازيلمىش

«MayTrisimiT» اثری (اصلینده بو اورژینال اثر دئییل، هند دیلیندن تخار دیلینه، تخار دیلینده قدیم اویغور دیلینه ائدیلن ترجمه‌دیر، آما اثر چوخ آزاد ترجمه ائدیلیمیش، ترجمه‌دن چوخ اورژینال اثری خاطیرلادیر). تورک دونیاسی‌نین ایلک درام اثری‌دیر. دوزدور سؤزون تام معناسیندا اونا درام اثری دئمک اولماز. آما بعضی صحنه‌لرین اولماسی اونا ابتدایی درام کیمی باخماغا اساس وئریر:

اورتا اویغور دیل‌لریندن دانیشارکن همین دیل‌لرده یازیلیمیش بدیعی و علمی اثرلرین بیر قسمی‌نین آدی سادالاندیغیندان بو مسئله‌یه بیرده قاییتماغا احتیاج یوخدور.

۱۷- جی یوز ایل‌لکدن باشلایاراق یئنی اویغور ادبی دیلی فورمالاشیر. بو ادبی دیل اورتا اویغور دیلی‌نین بیر سیرا خصوصیت‌لرینی قورویوب ساخلاسا دا عموم خالق دانیشیق دیلینه چوخ یاخینلاشیر. اویغور دیلینده‌کی بو دموکراتیک‌لشمه پروسئسی ۱۹-۱۷- جو یوز ایل‌لک‌لرین شاعر و یازیچی‌لاریندن هیرکیتی، نوبتی، ذیلی، عبدالرحیم، نزاری، ملّا شاکر، ملّا بلال و باشقالاری‌نین اثرلرینده تجسم ائتمیشدیر. ۱۹-۱۷- جو یوز ایل‌لرده خوتان‌دا یاشامیش شاعره «ساری خان»-ین شعرلری خالق آراسیندا گئنیش یایلمیشدیر. اونون شعرلری‌نین بیر قسمی ایندی‌ده اویغورلار طرفیندن ماهنی کیمی اوخونور. ۱۹- جو یوز ایل‌لکده یاشامیش ملّا موسانین «تاریخ امینیّه» اثری- تاریخی خاطره نمونه و نوعوندا یازیلیمیشدیر. ۱۹- جو یوز ایل‌لیگین گؤرکملی شاعری ملّا بلال‌ین شعرلری خالق یارادیجیلیغی ايله

سیخ باغلیدیر.

معاصر اویغور ادبیاتی نین بئشیگی باشیندا شاعر آنور ناصری (۱۹۴۵-۱۹۱۴) دورموشدو. و بو ادبیاتین انکشافیندا شاعر لطف‌الله مطلب (۱۹۴۵-۱۹۲۲) گؤرکملی رول اوینامیش‌دیر. اونون مسلک‌داشلاریندان شاعر بلال عزیزینی (۱۹۴۵-۱۹۲۰) ده اویغور ادبیاتی نین انکشافینداکی خدمت‌لرینی قید ائتمک لازیم‌دیر. بوتون بو شاعرلر، ۱۹۴۵- جی ایلده انقلابچی لار طرفیندن گولله‌لنمیش‌دیر.

ایندی ایستر شرقی تورکستاندا، ایستر قازاقستاندا، اویغور ادبیاتی جوشقون انکشاف دؤرو کئچیریر. معاصر اویغور یازارلاریندان «ذوالنون قادر»، «آلکام آختم» و باشقالارینی گؤستمک لازیم‌دیر. بو ادبیاتین انکشافیندا ادبی قزئت‌لرین ده اهمیتی رولو وار. اونلاردا رومان، پوئست، حکایه، پوئما (منظومه)، شعر، مقاله، لیبرتتو، تمثیل و... نشر ائدیلیر. خصوصاً سون زمانلار، تورکستان و قازاقستان سرحدی نین هر ایکی طرفینده یاشایان اویغورلار بیر- بیرینین یاراتدیغی بدیعی اثرلرله تانیش اولورلار. اویغورلار شرقی آسیا خالق‌لاری نین آراسیندا اعلاء موسیقیچی و خواننده اولمالاری ایله مشهور دولار. اویغور موسیقی آلت‌لری اونلاری احاطه ائدن خالق‌لارین موسیقی آلت‌لریندن فرق‌لنیر. ان چوخ یایلمیش آلت «دوتار» دیر. دو تار سازا بنزه‌بیر. اساساً بیضی شکیل‌لی و اوزون قولو قولدا ۱۵-۸ هره‌کی^{۶۶} مقام اولور. دو تارین ۴-۳ سیمی اولور. دوتاردان باشقا سیملی آلت‌لر: اوج مئثال سیمی اولان

۶۶ - فیکریمیزجه خَرک اولمالیدیر. رنداكتور.

بارماقلا چالينان آلت (تامبور)، رېتمينه گۆره چين دومبراسينا ياخين اولان دومبرا (شئقزا)، ۴۸ مئثال سىمى اولان سىمبال (يان-چين)، ۱۸ جوت سىمى اولان قوسلى (كالون؛^{۶۷} بارماغينان چالينان آلت-دير)، دۇرددن اونا قدر سىمى اولان يايلا (آرشه) چالينان آلت «قىچك» داخيل دير. ضرب آلتلريندن او قدرده بۇيوك اولمايان قوال (دې)، بۇيوك بارابان (دومبك)، كىچىك بارابان (ناغارا) قيد ائدىلمه-ليدير. نَفَسلى آلتلردن - قاميشدان حاضيرلانان كىچىك نى (ناي) و اوزون ميس تروبا (كارناي) واردير. كارنايدان باشقا بوتون موسيقى آلتلرى «۱۲ مقام» سلسله-سيندن اولان موسيقىنى يارادير. مقاملار اۇز سىجّه-سينه گۆره خالق اثرلرى دير. قديم خالق موسيقى يارادىجىلىغى ايندىده ياشاير. بوتون مقام سلسله-سى - ۷۰ مئلوديادا، ۱۷۰ ماهنى، موسيقى-شوناسلار طرفيندن يازيلمىشدير. اويغور خالق اينجه صنعتلرينده تئاتر عنصرلرى اولان پانتوميم، آكروباتىك و... موجوددور. مثلاً كوچادا اينك و آتلى آدلى گولمهلى تاماشالار چوخ گۇستريلىر. اينك آيىليب بير - بيرى نين آردىنجا گئدن ايكي آدامدان عبارت دير. اينه يين باشى اۇرىكدن دوزلدليير اۇرپه يين اوجلارى بوينوز كىمى بورولور. قاباقدا گئدن اينه يين باشىنى اينده آپارير و اينه يى تقليد ائدير. آتلى آياقلارنى يَهردن سالانان پامبىق دولدورولموش شالوار بالاغىنى جلد يئل دير. ميمون، كئچى، آتا مينمىش قادىن كىمىده بزه ديلير. بعضاً تاماشايا بوتۇو صحنه، حتّى كىچىك پيئس قويولور:

^{۶۷} - فيكرىمىزجه قانون دور. رئاكتور.

حاق سیز محکمه، یئمیش اوغورلوغو و...

شرقی تورکستاندا پئشه کار تئاتر ۱۹۴۹- جو ایلدن سونرا یارادیلیمیشدیر. ایندی بورادا نه اینکی هوس کار تئاتر قوروپلاری، حتی بیر نئچه پئشه کار اویغور تئاتری دا واردیر. بو تئاترلاردا اوّلر قازاقستان اویغورلارینین یازدیقلاری هابئله چین، اؤزبک و قازاق دیلیندن ترجمه ائدیلمیش درام اثرلری تاماشایا قوبولوردو، ایندی ایسه یئرلی اویغور دراماتورقلارینین یازدیقلاری پیئس لرده تاماشایا قوبولور. آلمان آتی شهرینده ده اویغور خالق تئاتری فعالیت گؤستریر. شرقی تورکستان دا آرتیق ملی اویغور اوپئرا صنعتی یارانمیشدیر. اویغور بسته کارلارینین یازدیغی بو، اوپئرالاردان بیرى «غریب و صنم» اوپئراسی تاماشاچیلار آراسیندا بؤیوک اوغور قازانمیشدیر.

اوّلر شرقی تورکستان دا، تحصیل روحانی لرین الینده ایدی. مکتبلر مسجده یاخود محلّه ملّاسی نین ائوینده تشکیل ائدیلهردی. تدریس عرب دیلینده ایدی. ۱۹۴۰- جی ایلده مکتب، یاشلی اوشاقلارین ۵ فایزى تحصیل آلیردی. ایندی بورادا نه اینکی اورتا مکتبلر، حتی اویغور دیلینده عالی مکتبلر ده آچیلیمیشدیر.

قازاقستان جمهوریتینده یاشایان اویغورلارین دا اؤز دیل لرینده مکتبلری واردیر. آلمان آتی شهرینده قازاقستان علم لر آکادئمیا سیندا خصوصی اویغو ر شناسلیق انستیتو فعالیت گؤستریر.

اویغورلار ساي باخميندان، تورک، آذربايجان، اؤزبک،
قازاق، تاتاردان سونرا، آلتينجی تورک خالقى دير. اویغور
خالقینين اساس حصّەسى، چين جمهوريتینده ياشاير.
۱۹۹۱- جى ایل آمارینا گۆره، چين ده ۹ ميليون و ...



تبریز- اول خیابان طالقانی، نشر اختر
تلفن: ۰۴۱-۳۵۵۵۵۳۹۳

ISBN: 978-964-517-504-5

